

John

Adams


6
4-B
29



h









D E
R O M A N A
TUTELARIUM DEORUM
E V O C A T I O N E
LIBER SINGULARIS.



6.4.6.29.

CASTI INNOCENTIS ANSALDI
ORDINIS PRÆDICATORUM
D E
R O M A N A
TUTELARIUM DEORUM
I N
OPPUGNATIONIBUS URBIVM
E V O C A T I O N E
L I B E R S I N G U L A R I S.

Editio altera emendata & aucta.




V E N E T I I S

Apud PETRUM VALVASENSEM.

MDCCLIII.

SUPERIORUM PERMISSU, AC PRIVILEGIO.



JUDICIUM DE HOC OPERE

PRIOR. EDIT.

Ex Act. Erudit. Lipsiæ Mensis Martii

A. MDCCXLV. P. I. p. 107.

ARGUMENTUM, quod Libro hoc singulari persequitur Auctor doctissimus, ex intimis Antiquitatum Romanarum recessibus petitum est, eoque minus deerit instituto huic commendatio, quo major est rei dignitas, quam ab aliis meminimus parcius examinatam esse. Indagatur enim ritus ille veterum Quiritum, quo, in oppugnanda Urbe aliqua, ubi jam extrema tentanda erant, *Deos* illius Urbis *tutelares*, certis usi carminibus, & verbis, in alias *evocabant* sedes, idque partim ideo, quod eorum tutela munitam urbem capi difficulter posse prævidebant, partim quod capta urbe ejusque simulacris, *Deos ipsos*,

* 3 velut



velut mancipia, captivos teneri haud
 convenire arbitrabantur. *Capite pri-*
mo doctissimus Auctor enarrat Scri-
 ptores illos, quorum in Libris vesti-
 gia moris hujus clarissima occurrunt.
 Excitantur *Plinius Libro XXVIII.*
Hist. Natur. Cap. 9. Macrobius Sa-
turnal. Lib. III. Cap. 19. Festus in
Voc. Peregrina Sacra. Demissis re-
 centioribus, *Alexandro Neapolitano,*
Rosino, Ormanico, Rollino, aliis, an-
 tiquorum tantum ratio habetur. Pro-
 vocatur ad ea, quæ canunt de Ob-
 fidione Trojæ, *Virgilius Æneid. Lib.*
II., de Bello Civili inter Cæsarem
 & Pompejum *Horatius Carmin. Lib.*
II., de obsidione Capitoli per Gal-
 los *Ovidius Fastorum Lib. VI.*, de op-
 pugnata Lemno *Statius Lib. V. The-*
baid., de oppugnatis Thebis idem
Lib. VII. & X. alique Poetarum,
 qui locis excitatis ritus hujus ubi-
 que vestigia relinquunt. Adduntur

Histo.

Historici, inprimis *Tacitus*, de Hierosolymis a Romanis obsessis, *Lib. V. Hist. Cap. 3.* commentatus. Varia subnectuntur ex *Barclajo* de eodem ritu. His præmissis, *Capite secundo* inquiritur, quid moverit Romanos, ut sibi persuaderent, posse Deos Evocatos, immotis eorum simulacris, Deum aliquem, illiusque virtutem insidere, constanter fuerit creditum, quid senserint Romani de εἰκοσιότεις Deorum in ipsorum simulacris, diverso modo multaque arte factis. Advocatur huc & ea Romanorum opinio, quæ, imminente Urbis excidio, vel infortunio alio majori, templorum fores & adyta sponte resilire, nulla hominum vi admota, eosque ibi consecratos, inde discedere, vulgo existimabatur. Venitur ad alia plura, quæ prætereunda ducimus. *Capite tertio* operose disputatur, quibusnam ritus illius origo

vindicanda sit, aque utrum ille mos & aliis, præter Romanos, gentibus fuerit usitatus. Discessio fit a *Vessio*, qui Romanorum sacra vel ab Albanis, vel ab Osca, vel a Thuscis, repetit, tutiorque videtur Auctoris sententia *Tullii Orat. de Harusp. Responsis*, & *Valerii Maximi Lib. I. Cap. I.*, qui, ut reliquarum statarum ac solemnium apud Romanos caeremoniarum, sic & Evocationis Deorum originem revocat ad Pontificatum, sive ad scientiam Pontificum Romanorum. Duas imprimis exstare causas judicat, quibus inductus quis opinionem illam ad Romanos a finitimis migrasse gentibus existimare possit. Harum unam dicit opinionem nonnullorum de ritu hoc artibus magicis & præstigiis accendendo; cujusmodi artes apud populos Romanis finitimos obtinuisse constat. Alteram, cum Romanorum ri-

tum, quo Deum Romæ tutelarem,
 & Latinum ipsius Urbis nomen co-
 ram aliis celabant, ne, divulgato
 tutelæ suæ nomine, hostium Evoca-
 tioni liberius se ipsi exponerent.
 Id quod consimiliter finitimarum gen-
 tium moribus conforme dicit. Ad
 utranque earum Autor Clarissimus
 fuse respondet. Quo negotio defun-
 ctus, oppugnare studet *Ormanicum*,
 qui Evocationis Deorum vestigia quæ-
 dam conspicatur in historia Arcæ a
 Philistæis captæ, ex eaque illam re-
 petendam ducit in Libro *de Veter.*
Relig. Carnul. Tuetur igitur senten-
 tiam, quam semel est ingressus, &
 Romanis proprium fuisse ritum, &
 ad eos a nullo alio populo transiis-
 se. Fuerit forsitan operæ pretium,
 eam in quæstionem singulari studio
 inquirere, utrum apud gentem etiam
 aliam, in primis Romana antiquio-
 rem, nullum plane moris hujus ve-
 stigium

x
stigma spectetur, quod *Capite hoc* negat doctissimus Auctor. Profecto *Persis* atque *Ægyptiis* haud ignotam fuisse Deorum Evocandorum rationem e loco *Alexandri ab Alexandro Lib. VI. Genialium Dierum Cap. 4.* conficitur. *Græcos* plane excludendos nemo dixerit, nisi prius constet, eum antiquitatum græcarum ex assignarum esse. Et si sana est sententia, Viris probata doctissimis, quod instituta Gentis Hebrææ ad *Ægyptiam*, *Ægyptiæ* ad *Græcam*, *Græcæ* ad *Romanam* migraverint; conjecerit quis, opinamur, haud inscite, Quirites vel hujus ritus originem *Helladi* acceptam referre, in primis cum clarissimus sit locus *Diodori* de *Tyriis*, qui *Alexandro Magno* *Tyrum* obsidente, simulacrum *Apollinis* aureis catenis basi alligabant, Dei hujus ex urbe sua discessionem veriti. *Lib. XVII. Biblioth. p. 120.* Sed
expen-

expendendum etiam tum foret, utrum
 silentium *Plutarchi*, qui, cum Græ-
 ca cum Romanis conjungere soleat,
 quando de Evocatione Deorum dicit,
 solius gentis Romanæ meminit, ac
 Romanorum duntaxat testimoniis uti-
 tur, sententiæ eidem vere adverfe-
 tur. *Capite Quarto* neceſſitas Evoca-
 tionis Deorum evincitur e jure Ro-
 manorum bellico, & uberius oſten-
 ditur, urbium apud Romanos dedi-
 tionem conjunctam ſemper fuiſſe cum
 deditione ſacrorum. Capta enim ur-
 be, captos inde victosque Deos de-
 portandos fuiſſe, ſtabilitur auctorita-
 te *Livii* variis ex locis. Sub incu-
 dem revocatur locus quidam *Grotii*
de J. B. & P. Lib. III. Cap. 5. quem
 neglexiſſe *Anſaldus* docet, ritum E-
 vocationis bellicæ, ad quem neceſſa-
 rio reſpiciendum ibi fuerit. *Capite*
Quinto id agit, ut demonſtret, Evo-
 cationis ope egregie locupletatum
 fuiſſe

fuisse Romanorum ærarium . Cum Deorum enim statuis multa alia ablata fuisse refert, obeliscos, pyramides, clypeos, laminas, hastas, galeas, gemmas, aulæa, toreumata, theñfas, thuribula, tripodas, plura ex auro argentoque confecta, omnem etiam pecuniam, sacram & profanam, publicam & privatam, quæ asservata in templis, in cisternis sacris, & quicquid ad Deos pertinebat, ritu bellico Evocatum . Hæc omnia, addito Victorum juris esse facta, & cum ipsis Deorum simulacris Romam asportata . *Capite sexto* multis argumentis evincitur, tutelarium Numinum Evocationem locum obtinuisse inter arcana Imperii in Republica Romanorum . *Capite septimo* commemorantur Dii a Romanis olim ex Urbibus obsessis Evocati, quos tamen enumerari posse Cl. Autor negat, quanquam magnum eorum
nume-

numerum e multis Scriptorum testi-
 moniis eliciat. In his occurrit locus
 ex *Minutii Octavio*, ubi Deus Ju-
 dæorum tempore obsidionis Hiero-
 solymitanæ, Evocatus, captus, vi-
 ctus, triumphatus perhibetur, di-
 gnus, qui curatius expendatur. A
 Diis, qui Evocati, venit ad car-
 mina, quorum ope Evocatio pera-
 cta. Hujusmodi carminum bellico-
 rum multa afferuntur genera, quæ
 fide Scriptorum veterum consignata
 sunt. Quas tamen cæremonias omnes
 successu temporum abrogatas fuisse,
 ut bellici Fecialium ritus, atque alia,
 recte subjicitur. *Capite Octavo*, vel
 ultimo, agitatur Quæstio, utrum E-
 vocationis ritui vel leges quædam
 Romanæ, vel dicta quædam & fa-
 cta Romanorum adversentur. Ne-
 gatur utrunque. Ex Legibus potif-
 simum advocatur ea, quæ prohibe-
 bat Romanos, ne peregrina inve-
 herent

herent Numina, neque externos amplecterentur gentium ritus. Ex fatis afferuntur destructa a Senatu Romano fana *Isidis & Serapidis*, quæ ædificata a nonnullis fuerant. Præterea mentio injicitur de sacra *Proserpinæ* pecunia, a militibus Romanis rapta, jussu vero Senatus Romani dupla in locum suum reposita. Hæc, quæ compendiaria ratione a nobis decerpta sunt, incendere possunt studium Lectorum, ut Librum ipsum majori diligentia examinandum sumant, examinatumque in succum & sanguinem convertant.

INDEX CAPITUM.



C A P U T I.

*Tutelarium Evocationem Numinum apud Quirites
obtinuisse. Qui Auctores alia describendo ad il-
lam adluserint.* pag. **I**

C A P U T II.

*Quid a Quiritibus præconceptum ad morem Evo-
cationis.* **17**

C A P U T III.

*Quibus Evocationis Origo asserenda, ☉ an propria
Romanorum fuerit.* **33**

C A P U T IV.

*Ex jure bellico Romanorum, necessitatem ortam
Evocationis.* **59**

C A P U T V.

*Romanorum Ærarium Evocationis ope exquisito fuisse
modo locupletatum.* **76**

CA.

C A P U T VI.

*Tutelarium Evocationem Numinum arcanum etiam
fuisse Imperii in Republica Romanorum.* 93

C A P U T VII.

*Quinam obfessarum Urbium Dii memorentur a Ro-
manis evocati: quo carmine, a quibus, & quan-
diu evocata a Quiritibus fuerint Tutelaria Ho-
stium Numina.* 121

C A P U T VIII.

*Leges nonnullas, & facta quedam, aut dicta Ro-
manorum nulla fuisse ratione ritui Evocationis
adversa.* 127





C A P U T I.

*Tutelarium Evocationem Numinum
apud Quirites obtinuisse. Qui Au-
ctores alia describendo ad illam ad-
luserint.*



VETEREM apud Quirites obtinuisse morem, ut Urbium in oppugnationibus, ultimam ubi ad dimicationem ventum esset, Tutelares Deos, quorum sub præsidio Urbs foret, certo carmine conceptisque verbis, novas iidem evocarent in sedes, ampliora templa solemnioreque polliciti illis aras, quod Præsidibus inde non excedentibus Diis Urbem capi posse non crederent, nefasque opinarentur ejusmodi Urbium Deos, ceteris hostili licentia direptis, veluti mancipia captivos ha-
A bere,

bere, docent universi qui de antiquitatibus loquuntur Romanis, tametsi brevissima usi oratione in re ceteroquin dignissima commentario; mirum enim quot quantaque ejus e cognitione profluant conlectaria Romanam undique rem, Imperii jura scilicet atque arcana, Religionem Romanorum veterem, ritus ac cæremonias, pluriusque loca Scriptorum mirifice illustrantia. Haud pauci, fateor, Romanæ Gentis de rebus adhuc supersunt veteres egregii Scriptores, qui augustiora quæque & celebriora lato complexi calamo, Senatus Populique Romani aut Principum acta, uti Historicos adprime decebat, Posterorum commisere memoriæ. Verum iidem nonnulla, quæ speciales aliquas ad consuetudines, vulgaresque pertinebant ad ritus, prætermisere, quod [uti Bodino olim, (1) Clerico dein animadversum, (2)] æquales perpauci Libros notissimis de rebus ac vulgaribus scriptos legere sustinerent. Itaque quum Historici præsentium tunc temporis animos sibi conciliare conarentur, & fama sua frui, id memoravere quod hominibus ævi sui haud satis notum esse poterat, omissis quæ omnibus nota erant, unde factum, ut ejusmodi res posteritatem fugerint, quod paullatim in desuetudinem abeuntium memoria a nemine servata est. Optandum autem sane esset, Commentarios nos habere vulgari-

(1) Method. ad Hist. Cap. IV.

(2) Art. Critic. Part. I. §. 3.

3

garibus de opinionibus atque de consuetudinibus hominum ea scriptos ætate , qua eædem vige-
bant ; multa enim servulis etiam notissima tem-
pore intercidunt , quæ ne summa quidem dili-
gentia veterum e ruderibus postea erui possunt ,
unde & eruditissimi nunc quique Viri haud pa-
rum sudant , quod eas ignorent . Förtasse & ea ,
quæ minima videbantur , aperte nimium descri-
bere fas olim non fuit , quorum scilicet nervus
vulgo occultari merebatur , aut quum ex iis ali-
quando erant ; quibus aliud reipsa agebatur ,
aliud videbatur agi . Recentiores Scriptores in
aliquibus veterum consuetudinibus inopes rerum
fecit aliquando copia ; nam aut de universa ali-
cujus gentis historia , aut de aliquo plurium una
populorum more loquuti , corticem lambere co-
nati ; intima non attigere . Et locupletissima
quidem , ætate nostra ; legimus edita Romana-
rum Antiquitatum syntagmata , adeo ut , ali-
quorum in sententia , ea super re nihil reliquum
esse videatur , quod liberaliter institutus homo ,
& a recoquenda crambe prorsus alienus , valeat
commentari . Verum , ut ego æternis dignos lau-
dibus existimo Heroas illos , qui hoc in pulve-
re diligentissime sudarunt , ut pluris etiam fa-
cio illos , qui rerum hujusmodi copię pertæsi ,
Etruscam rem illustrare bonis avibus pergunt ,
haud ita tamen actus sum , ut supervacaneum
putem , nonnulla perfunctorie adhuc memorata
diligentius perscrutari . Extat quidem Henrici
Cocceji *Dissertatio Juridica de Evocatione Sa-*

evocatum, (1) in qua tamen neque de argumento nostro egit, neque illud exhaustit; prologi siquidem ipsa instar est Operis de Jure summae Potestatis erga sacra, ad L. 9. §. 2. ff. de Rer. Div. solent, qui liberare eum locum Religione volunt, sacra inde evocare; quod exaugurationis genus erat. Hujusmodi igitur inter evocationem, & bellicam discrimen est. Ad priorem pertinet quod Festus Pompejus scribit: *Noxæ Curia proximè compitum Fabricium ædificata sunt, quod primum amplè erant veteres a Romulo factæ, ubi is populum & sacra in partes triginta distribuebat, ut in iis ea sacra curarent, quæ, cum ex veteribus in novas evocarentur, septem Curiarum per Religiones evocari non potuerunt. Itaque Forensis, Raptæ, Vellensis, Velitiæ res divine fiunt in veteribus Curiiis.* (2) Hæc autem de Evocatione nos non agimus in præsens, sed de bellica, de qua obiter Coccejus. Itaque quum operam in eo posuerim ego meam, ut ejus, quam mihi pertractandam assumsi provinciæ non oram modo legerem, verum ejus originem, causas, formam, arcana, consuetudina pro viribus aperirem, in eam pæne erigi videor posse spem fore, ut dissertatiuncula hæc mea, quam paucis absolvi, ne majore viderer scripsisse copia quam delectu, ac dictione tumultuosa verius, quam composita, aliquam adferre legenti valeat cum jucunditate conjunctam utilitatem.

Ve-

(1) Francofurti ad Oderam 1711. (2) Voc. *Curia*,

Veteres inter, qui Tutelarium de Numinum
Evocatione scribere, se se offert, & τὸν πατριῶν
αὐτῶν ducit Plinius, cujus en verba: (1) *Ver-
rius Flaccus Auctores ponit, quibus credat in Op-
pugnationibus ante omnia solitum a Romanis Sa-
cerdotibus evocari Deum; cujus in tutela id Oppi-
dum esset, promittique illi eundem aut ampliorem
locum apud Romanos cultumve. Sequitur Macro-
bius, cujus testimonio, Constat morem Romano-
rum arcanum & multis ignotum fuisse, ut cum ob-
siderent Urbem hostium, eamque jam capi posse
confiderent, certo carmine evocarent Tutelares Deos,
quod aut aliter Urbem capi posse non crederent;
aut etiam si possent, nefas existimarent Deos habe-
re captivos.* (2) Accedit Festus dicens: (3) *Pere-
grina sacra appellantur quæ ex evocatis Diis in
oppugnandis Urbibus Romam sunt conlata. Missa
vero in præsens faciam Alexandri Neapolitani,
Lilii Gregorii Gyraldi, Rosini, Laurentii, Box-
hornii, Ormanici, Rollini, aliorumque hac de
re testimonia recentiorum, quæ nil sunt aliud,
quam nuda Macrobiï verba. Aptiora autem Plu-
tarchi, & Servii dicta adferam in loco.*

Macrobiï testimonio, nemo Marone nitide ac
evidenter magis ad vetustissimum & occultissi-
mum hoc sacrum respexit. Ille siquidem Trojæ
obsidionem & incendium, in Æneæ narratione
Didoni facta, Romano more, describens, vi-

A 3

ctos

(1) Lib. XXVIII. Cap. 9.

(2) Lib. Saturnal. III. Cap. 9.

(3) In Peregrin.

Etos non modo memorat Deos captosque Pénates, verum & quum jam mœnia armatus hostis haberet, se se in arma præcipitem ferentem Æneam, extremamque ad ultionem Socios ita hortantem inducit: (1)

Juvenes fortissima frustra

*Pectora: si vobis audentem extrema cupido est
Certa sequi, quæ sit rebus fortuna, videtis.*

Excessere omnes adytis, arisque relictis.

Dii quibus imperium hoc steterat.

Ad Evocationem & Venusinus respexit Vates dum a scribenda belli Civilis inter Cæsarem & Pompejum historia Asinium deterret Pollionem, cumque laudat, quod de Dalmatis triumphasset: (2)

Juno & Deorum quisquis amicior

Afris inulta cesserat impotens

Tellure.

Demigrarat inde, ita interpretatur carmen Cl. Desprez, (3) velut resistere satis impotens, ex veteri porro consuetudine Romanorum, qua evocabantur ex obsessis Urbibus Dii earum Tutelares.

Jovem, quum inde profligandi Galli obsiderent Capitolium, sic ad Tutelare non perituræ tunc arcis Numen loquentem inducit Ovidius: (4)

*Tu modo, quæ desunt fruges, superesse putentur,
Effice: nec sedes desere Vesta tuas.*

Pe-

(1) Lib. Æneid. II.

(2) Lib. Carmin. II. Ode. 1.

(3) Not. in Horat. ibid. (4) Lib. Fastor. VI.

Petronius in descriptione excidii Trojani: (1)

Peritura Troja perdidit primum Deos.

Quos evocatos ostendit, Græcorum de populo
subjiciens:

Contraque Troas invocat Trojæ sacra.

Juliano autem milite diripiente Romam:

Tergo tanta lues Divûm quoque numina vidit

Consensitque fugæ cœli timor. Ecce per orbem

Mitis turba Deûm, terras exosa furentes

Deferit, atque hominum damnatum avertitur agmen.

Pax primum ante alios, niveos nudata lacertos,

Abcondit galea victum caput, atque relicto

Orbe fugax Ditis petit implacabile Regnum.

Huic comes it submissa fides, & crine soluto

Justitia, & mærens lacera Concordia palla.

Helena, apud Senecam, in Troade:

Prostratum Ilium est,

Versi Penates.

Atreus vero, se se adversus fratrem ulturus, in
Thyeste:

moti Lares

Vertere vultum.

Utinam quidem tenere fugientes Deos

Possẽm, & coactos trahere.

Statius, qui carmina Thebaidos sua per am-
bages totus Deorumque ministeria & fabulosas
eorum modulatus est curas, hoc esset in opere
integer inferendus, ejus si loca ad accedentes

A 4 .

aut

(1) In Satyric,

aut excedentes Urbium in oppugnationibus Deos
spectantia referre placeret ; nec enim alius est
Vates , qui plusquam poetice liberum præcipi-
taverit spiritum , feceritque simul animi vere
supera cognoscentis , seque ferentis super æthera
fidem . Itaque ut e multis pauca facememur ,
apud eundem excefferat oppugnata e Lemno ,

Captasque refugerat arces

Exsaturata Venus . (1)

Alter autem Thebarum Deus in prece ad Jovem
visum decernere Urbis excidium :

Anne triumphatos fugiam captivus ad Indos ?

Da sedem profugo . (2)

Postque non multa :

Et per tentoria sermo

Unus , abiisse Deos , dilapsaque Numina castris .
Demum :

Sunt & diris sua Numina Thebis ;

Forſitan & nobis modo qui favere , recedunt . (3)

Eandem respexit ad recedentium creperis &
conclamatis in rebus Deorum consuetudinem Si-
lius Italicus in Oratione Gestaris Carthaginien-
sium in concilio bellum adversus Romanos sua-
dentis : (4)

Nos nos contra ibimus hostem ,

Quis procul a Tyria dominos depellere Byrsa

Vel Jove non æquo fixum est : sin fata repugnent ,

Et jam damnata cessit Carthagine Mavors ,

Occum-

(1) Lib. Thebaid. V.

(2) Lib. Thebaid. VIII.

(3) Lib. Thebaid. X. (4) Lib. II.

*Octumbam potius ; nec te , Patria inclyta , dedam
Æternum famulam , liberque Acheronta videbo .*
Et inde :

Ceu prodita Templâ

Expulsi fugiant manes :

Quæ ad verba Heynsius, *Antiqui*, inquit, (1)
primo omnium in Urbium obsidionibus manes ex-
cantabant , cantuque eliciebant .

Claudianus, imminente bello, sic ad πολίχρον
Romæ Θεόν : (2)

*Dic agetum , quæ causa viæ ? cur deseris arces
Ausonias , telumque tuum ?*

Alio autem in loco negat idem Poeta deferere
Præfides Romam posse , ea iterum ratione ad
Evocationis cæremoniam amœnissime adludens ;
majorem quippe quemdam natu hisce inducit
Alaricum a bello adversus Romanos deterren-
tem : (3)

*Quid mihi nescio quam proprio cum Tibride Romanam
Semper in ore geris ? referunt si vera Parentes ,
Hanc Urbem insano nullus qui Marte petivit ,
Latatus violasse redit , nec Numina sedem
Destituunt .*

Non solum autem Poetæ , sed Historici etiam
Evocationis ad morem suis in Operibus adluse-
re . Tacitus Hierosolymorum obsidionem exci-
diumque describens , Deos Tutelares arbitratus
est ab oppugnatis excessisse mœnibus : *Expasse ,*
in-

(1) Not. in Lib. II. Sil. Ital.

(2) De Prob. & Olyb. Consul.

(3) De Bell. Getic.

inquit, (1) *repente Delubri fores, & audita major humana vox: Excedere Deos; simul ingens motus excedentium.* Haud inficior quidem, Angelos, qui in Templo residebant, alia tunc de causa abire debuisse, uti Judæi Christianique Scriptores testantur; nam & in morte Christi, *scisso Templi velo Sancta Sanctorum ab indignis Pontificibus recesserunt.* (2) Verum quis ignorat, Tacitum non habuisse rectam imaginem rei, & Judæorum de sacris *πλυντικῶς* esse loquutum, more scilicet Gentili, ut animadvertit Clericus, (3) & interpretatione Romana: iccirco ad consuetudinem respexisse Deorum, qui oppugnatas relinquerent sedes, qui se se ad Romanas, adque victores pro rerum vicibus commutata voluntate reciperent?

Prudentii autem in carminibus non obscure, sed apertissime traditum legimus obtinentem olim apud Romanos in Oppugnationibus Urbium, Deorum Præsidum Evocationem. Ait siquidem: (4)

Sed quia Romanis loquimur de cultibus, ipsum Sanguinis Hæctorei populum probo tempore longo Non multos coluisse Deos, varisque sacellis Contentum, paucas posuisse in collibus aras. Innumeros post deinde Deos, virtute subactis Urbibus, ex clavis peperit sibi Roma triumphis;
Inter

(1) Lib. Histor. V. Cap. 3.

(2) S. Leo Sermon. VIII. De Pass. Dom.

(3) Art. Critic. Part. II. Sect. I. Cap. XIII. §. 10.

(4) Lib. adv. Symmach. II.

*Inter fumantes Templorum armata ruinas
 Dextera victoris simulacra hostilia cepit,
 Et captiva domum, venerans ceu Numina, vexit,
 Roma triumphantis quoties Ducis inclita curram
 Plausibus excepit, toties altaria Divum
 Addidit, & spoliis sibimet nova Numina fecit:
 Numina, quæ patriis cum mœnibus eruta, nullum
 Præsidium potuere suis afferre sacellis.*

Apertissime etiam hoc de more apud Romanos usu habito S. Ambrosius, de eisdem quum dicat; (1) *Captarum Simulacra Urbium, victosque Deos, & peregrinos ritus sacrorum, alienæ superstitionis æmuli receperunt*; abest enim adeo, ut Præsides in Urbem transferendo hostium Deos, ceteraque Templorum Religionibus destinata, sacrilegio pollui se Romani crederent, ut ea potius ex consuetudine, sacroque, uti autumabant, e ritu, exquisitam togatæ Gentis Religionem, studiumque erga Deos suum, vehementer ostensum iri non dubitarent.

Inter recentiores ad Evocationem elegantissime adludit sua in Argenide Barclajus; qui in Palladis, quæ fingit, solemniis: *Is autem, inquit, (2) sacrorum ordo erat. Cum lucebat novus dies, si quod Minervæ Templum in proximo erat, illuc deferebatur simulacrum, cui honores haberi consueverant: Sin minus, ex commodissima ædē evocabatur, qui Deus Deaque habitabat, ut quia duo*
 Nu-

(1) Epist. ad Valent. adv. Symmach.

(2) Lib. Argenid. I.

Numina unum Templum non capit ; suo discessu commodaret Palladi fiduciarium sedem.

Idem Auctor, instante in Sicilia bello ; Argenidis sub persona , iussam Palladem excedere simulat, abeuntemque ; & veluti suis e sedibus evocatam ab hoste, minari Deam. (1)

Alio autem in loco bellicam Romanorum Religionem veluti describere gestiens, Evocationis etiam ingenium, & carmen pulcherrimo depingit penicillo. *Meleander*, inquit, (2) *Siciliæ Rex*, & propria indole, & tunc anxiiis rebus erat in Deorum curam intentior. Et quoniam rebellionis nefas instar morbi pervagabatur Siciliam, tamquam plus fati & amentiae, quam sceleris esset, publice clavum fixit. Ita sperabat posse componi mentes, quas furor rapuerat. Etiam ne in suos milites labe inferperet, placuit lustrari exercitum. Ivit ergo ad castrorum principia (nam sub Epeirctes radicibus milites tendebant) & inde cum Tribunis Ducibusque, & Deorum simulacris processit ad campum, in quo facturus Sacerdos instruebat altaria. Omnis sub signis exercitus sibi ad rem divinam coronas texuerat. Hastæ quoque & jacula circumactis frondibus induebantur. Interim hostiæ omni cultu mactatæ ; Taurus, Hircus, & Aries inter legitimas preces a Ministris alte præcinctis circumactæ Exercitui ad aras sistuntur. Tum Rex & in orbem ipse se egit, Deos appellaturus : adessent melioribus partibus, & , si qui hactenus non favissent,

(1) Lib. Argenid. I. (2) Lib. Argenid. II.

sent, rite propitiati ad se transfirent. Incolumis esset exercitus; vires, animus, consilium hosti exciderent. Quod si ope, salute, victoria juvissent, tum se Jovi Servatori, Martique & Minervæ, & Cælipotentibus Diis, quotquot bellum aut pacem curant, Templum de adversariorum manubiis extruendum. Annuos etiam ludos fore, in quorum præmiis hæc in Siciliam Deorum beneficia calarentur. Inter hæc vota hostiæ cadunt, fibrisque spirantibus Aruspex admotus est. Is cum integerrimum jecur, sed crassioribus membranis pertinaciter obductum inspiceret, exta quidem esse bona asseruit, & iis magnam felicitatem portendi, sed lentam, & quæ labore constaret. Post hæc, milites, gestu inani, & hastis ex arte aliquoties quassatis, tamquam ad hostem præsentem succlamantes edidit simulacrum coeuntis certaminis, & innoxie velitati ad castra redierunt. Quam belle omnia, & pæne ad miraculum Romanas ad consuetudines tracta! Erant enim bellica sane hæc Romani populi in certamen ituri sacra, hi legitimi ritus, hæc Tutelares ac bellicos erga Deos cæremoniæ, quas inter Deorum, uti vides, Evocationem, & simile illi, quod in loco recitabitur, carmen: adessent videlicet melioribus partibus, quique hætenus haud favissent, aut hostium Præfides antea fuissent, eos defererent, veteresque relinquerent sedes, obsessæ Urbis mœnibus, aris, templis ac locis excederent, ac rite propitiati ad se suaquæ ad castra transfirent.

Ansam ex hoc ritu sumsit suam ostendendi eruditio.

ditionem, & amplissimum colendi inclytæ Urbis civem Octavius Ferrarius, in Panegyrico Paulo Caotortæ dicto. *Magnarum; inquit, Urbium excidia, veterumque Imperiorum fata diris ante ostentis denuntiata Scriptores tradiderunt. Sed non aliud certius imminentis exitii præsagium fuisse adnotatum est, quam cum Dii Præsides Geniusque loci evadere credebatur, & perituras sedes deserta veluti statione destituere. Ruentis a culmine Trojæ tristissimum omen illud fuit:*

Excessere omnes adytis, arisque relictis

Dj, quibus Imperium hoc steterat.

Et illud:

Troja perdidit primum Deos.

Sic antequam Hierosolyma a Tyto caperetur, evenere prodigia; expansæ Delubri fores, & audita major humana vox, simul ingens motus excedentium. Æternum vivat, sæculisque perennet magna hæc Urbs (Pataviūm) non tam antiquitate; & rerum gestarum gloria, quam fide in Venetum Imperium nulli concessura: ingenti tamen mœrore consternetur necesse est, luctuque & squalore deformis metu trepidet & contabescat; quod Tu Urbis salus & tutela, rerumquestrarum grande decus ac præsidium, post brevem moram has sedes relinquis, adytisque excedens, omnium spes ac vota tecum feras.

Triarii loco claudat hoc agmen Italus ille
Cycnus Torquatus Tassus, qui celebri suo in Poemate Ismenem Magum inducit Aladino suadentem, Deiparæ ut Signum, in quo, veluti intra Lares, Christianorum fortuna habitare videretur,
ipso-

ipforum e Templo curaret auferri, ea scilicet ratione Romanorum & ipse ad Evocationem amœnissimo carmine adludens: Sic igitur, uti verti, Ismenes Aladino: (1)

*Cristiadum in Templo, cœca inter viscera terræ;
Tollitur Ara illi sacra, quam Populus veneratur
Ut Divam, matremque sui vult Numinis esse;
Quod perhibent dira tandem mortē occubuisse.
Illius effigies vario circumdata velo
Cernitur in medio, & conlucens fax simulacrum
Perpetuo ante micat, circumque anathemata pendent,
Credula quæ longo solet ordine turba referre.
Hanc igitur nota raptam de sede, tuaque
Dextra regali in fano positam, excantabo
Carminibus sacris, ac firmum manibus altis
Præsidium statuam.*

Quam

(1) Lib. II. Hierosolym. Liber. In princip.

*Nel Tempio de' Cristiani occulto giace
Un sotterraneo Altare, e qui vi è il volto
Di Colei, che sua Diva e Madre fece
Quel vulgo, del suo Dio nato e sepolto,
Dinanzi al Simulacro accesa fece
Continua splende, egli è in un velo accolto;
Pendono intorno in lungo ordine i voti,
Che vi portano i creduli devoti.
Or questa effigie lor di là rapita
Voglio che Tu di propria man trasporte,
E la riponga entro la tua Meschita,
Io poscia incanto adoprerò sì forte
Ch' ogn'or mentr' ella quì sia custodita
Sarà fatal custodia a queste porte:
Tra mura inespugnabili il tuo impero
Securo fia per novo alto mistero.*

Quam inde pulcherrima a Virgine Sophronia ;
suoque ab Amante Olindo , Barbaris ereptam ite-
rum ait Vates, vetere locatam in sede, priscis-
que Cultoribus restitutam.





C A P U T II.

*Quid a Quiritibus præconceptum ad
morem Evocationis.*



NOTA, uti decet, prætereo & vulgata nimis, videlicet, unamquamque Gentem, ex Ethnicorum opinione, unamquamque Urbem suos habuisse Præsides, alios ab una stare parte, alios ab altera in præliis & oppugnationibus dictos; propitios ex eorum accessu, averfos ex recessu existimatos. Tutelares multi enumerantur in vulgato Epigrammate ad Custodem hortorum:

*Dodona est tibi Jupiter sacrata,
Junoni Samos, & Mycena Diti,
Unde Tanaros æquorisque Regi,
Pallas Cecropias tuetur arces
Delphos Pythius orbis umbilicum,
Curem Delia, Cynthiosque colles,
Faunus Menalon, Arcadumque sylvas;
Est tutela Rhodos beata solis,
Gades Herculis humidumque Tibur.*

B

Cyl.

*Cyllene celeri Deo nivosa,
Tardo gratior æstuosa Lemnos.
Ennææ Cererem nurus frequentant,
Raptam Cyzicos ostreosa Drivam,
Formosam Venerem Cnidos Paphosque:
Mortales tibi Lampſacum ſacrarunt.*

Antiquis etiam ex Scriptoribus Tutelarium contextuit Deorum ſyllabum Alexander ab Alexandro, hiſce verbis: *Patrios autem dixerunt Deos, qui ſingulis Urbibus præſunt, illarumque Præſides & propugnatores ſunt, ut Apollo & Minerva Athenis, Ilienſibus & Gnoſiis, qui inde illam oriundam ferunt, licet Alalcomenii ſuam dicant. Thebis Bæotiis Liber & Hercules, Juno Carthagini, eademque Samo, Sparta, & Mycenis, atque Argis, ubi nata fertur: Venus Cypro & Papho, Apollo Rhodiis, Lemno Vulcanus, Naxus Libero: idemque Apollo Delphis, Tanarus Neptuno, Cyzicenis Pallas, quod ea Urbs pro dote illis fuerat. Tenediis, Tenes Deus: Alabadenſibus Alabandus, Cretenſibus Diana, quam Britomartem vocant: Theſpienſibus & Parianis Cupido, Romanis vero Mars. (1) Bellis vero & Urbium obſidionibus Deos ipſos haud minus quam mortales aſſeſſe dictos, æmulisque opitulari partibus quis ignorat?*

Mulciber in Trojam, pro Troja ſtabat Apollo.

Æqua Venus Teucris, Pallas iniqua fuit.

Oderat Æneam propior Saturnia Turno,

Ille tamen Veneris Numine tutus erat.

Sæpe

(1) Lib. Dier. Genial. VI. Cap. 5.

Sæpe ferox cautum petiit Neptunus Ulysses,

Eripuit patruo sæpe Minerva suo. (1)

Non indigent hæc, inquam, Commentario. Itaque ad cæremoniæ ingenium enucleandum indicare primum necesse arbitror, quam ratione immotis Deorum simulacris, moveri excedereque Deos sibi persuaferint Romani, eos extremam ante Urbis oppugnationem, Evocationis peracto carmine, evasisse prorsus arbitrati, qui victam demum in Urbem ingressi, suis quæcumque in sedibus invenirent Deorum adhuc Signa, Romani utique, cetera inter Triumphæ Spolia, deportanda.

Hocce autem existimari qua ratione potuerit ut intelligatur, animadvertamus oportet, Deos quidem a Gentibus appellata Deorum Signa, ast vim, nescio quam, inesse illis eisdem arbitratos, efficique legitimis precationibus, atque carminibus, ut ejusmodi Simulacra consecrarentur, quæ Deus inde aliquis, aut virtus ejus insideret. Ita e persona Gentilium Arnobius: (2) *Neque nos æra, neque auri argentique materias, neque alias, quibus signa consunt, eas esse per se Deos, & religiosa decernimus Numina; sed eos in his colimus, eosque veneramur, quos dedicatio infert sacra, & fabrilibus efficit inhabitare simulacris.* Heinc *τοῖς ἀνθρώποις θεῶν*, ex prophani opinione, Vulgus, veluti suum in Signis Numina haberent *οἰκιστῆριον*. Plura quidem fateor Signa Deum a Gentibus culta, quod nullius facta manu Artificis,

B 2

cis,

(1) Ovid. Lib. Trist. II. (2) Lib. V. adv. Gent.

cis, sed cœlo lapsa crederentur; quare miraretur & Plinius ὅτι Διοπέδους τῆς Ἀρτέμιδος Auctorem a Muciano nominari. (1) Verum in iis, quæ erant Opera manuum hominum, inconspicuam imaginabantur Numinis præsentiam, quam & Deorum numen appellabant, quo repletum dicebant undique Templum. (2) *Numen quidem suum*, ait Burnetius, (3) *Gentiles aliud esse ducebant a marmore aut trunco, aut quavis Statua consecrata. Hanc quidem incolere quodammodo Deos suos credidere: sed Incolas ab Æde, gladium a vagina distinguebant.*

Ipsa Philosophia vetus, cujus in systemate impio Penates elementa erant, per quæ vivimus & spiramus & fumus, Deos a signis diversos edocebat; eos namque in simulacris, & habitaculis existentes suis per actualiorem explicabat potentio remque aliquam & fortio rem & den sio rem cœlestis aut totius animæ partem, quam in omnia videlicet infusam orbis entia, nos & universa librare & regere & fovere, & vegetare autumabat, unde fortio re ejusmodi in auras in vapores evanescente inde spiritu deficeret Numen, & Oracula cessarent. Testis Delphico de Oraculo Lucanus: (4)

*Quis latet hic Superum! Quod Numen ab Æthere
pressum*

Dignatur cæcas inclusum habitare cavernas?

Quis

-
- (1) Salmas. in Solin. (2) Servius in Lib. Æneid. I,
(3) Lib. De Statu Mortuor. & Resurgent. Cap. III,
(4) Lib. V. Bell. Pharsal.

*Quis terram cœli patitur Deus, omnia cursus
 Æterni secreta tenens, mundique futuri
 Consciis, ac populis sese proferre paratus,
 Contactusque ferens hominis, magnusque potensque,
 Sive canit fatum, seu quod jubet ipse canendo
 Fit fatum? Forsan terris inserta regendis,
 Aere libratum vacuo quæ sustinet orbem,
 Totius pars magna Jovis, Cirrheæ per antra
 Exit, & ætherio trahitur connexa Tonanti.*

Vulgus tamen opposita opinio, & si non vera,
 erat tamen veritati propior; nam Umbrarum in-
 star, instar Imaginum ac Spirituum ab Jove able-
 gatos hominibus se stitisse, & cum iis aut diver-
 satos, aut alios cum aliis colluctatos, ab iisdem
 devictos ac superatos modo in Signis habitasse,
 modo abiisse Deos perhibebat. Reapse sacris in
 Litteris, *omnes Dii Gentium Dæmonia* dicuntur;
 (1) iis autem in testimoniis, in quibus Gentium
 Dii meræ audiunt absque ullo sensu Statuæ,
 αἰθερον esse aliquam pluribus ostensum; (2) Scri-
 ptores veluti sacri indicare optima ratione vo-
 luissent, eos qui Numina consecratis in Signis
 venerabantur, æque insanivisse, ac si meras Sta-
 tuas; meros coluissent lapides, κατενους modo
 Deos, φίλα ὀνόματα respexissent; vimque divinam
 illam, quam Simulacris inesse Idololatræ simu-
 lavere, nullam fuisse omnino, universum iccir-
 co eorum cultum inanitati substituisse in Signo;

B 3

quod

(1) Psal. XCV.

(2) Cleric. Art. Critic. Part. II. Sect. I. Cap. 16.



quod contra esse videbatur ex opinione Gentilium . Dæmonas in Simulacra ingressos olim , inque cavis eorum nidulatos dixere etiam Christiani nominis Patres . Totus erat , ut hac lege , & ratione Simulacrorum virtutes , & Opera enarraret Lactantius , & inprimis celebrem illum Serpentem Epidaurō Romam accersitum , qui pestilentia Urbem liberasse ferebatur , sed per inhabitantem sibi δαίμονιάρχηρ . (1) Julius Firmicus Maternus de Serapide differens aiebat : *Sed & in ipso Simulacro , sicut in ceteris , ex assiduis sacrificiis , immundi Dæmonum Spiritus colliguntur ;* (2) Heinc in Spiritibus ejusmodi a Simulacrorum antris ejiciendis labor eorum , qui primis a Christo nato sæculis , sanctitate eximia erant , & assidua pietate conspicui . (3) Eos , inquam , Spiritus , eas Umbras accedere , excedere inde , & avolare arbitrabantur Gentiles ; quare Prudentius : (4)

*Absit , ut Umbra Deus tibi sit , Geniusque , Locusque ,
Aut Deus aerias volitans Phantasma per auras .*

Desacratīs igitur Evocationis ope Simulacris vacuæ evadebant Deorum spiritu , & omni destitutæ virtutē illæ sedes , uti quum , hanc ad doctrinam respiciens , eandem edocet Tullius ; qui in Patriam restitutus , domum suam ingredi quum prohiberetur , veluti consecratam a Clodio , & Tana-

(1) Lib. *Divin. Inst.* II. Cap. 17.

(2) Lib. *De Error. Proph. Reliq.*

(3) Act. S. Georg. Neocæs. Pont.

(4) Lib. II. adv. Symmach.

Tanagrea cuidam Libertati dicatam: *Ista tua*, inquit adversus Clodium, *pulchra Libertas Deos Penates & familiares meos Lares expulit, ut se ipsa tamquam in captivis sedibus collocaret?*

Quod facile fieri potuisse ideo maxime Gentibus persuasum, quod imminente Urbis excidio, uti & infortunio, imaginarentur sibi, Templorum adyta & fores *ἀνοικτάς*, suapte scilicet sponte, & absque æditui manu, aperire se, & claudere solitas esse, Deorum inde excedentium, & deferentium quas incolebant sedes, certissimum apud eos indicium; quare Statius: (1)

*Terrificæque adytis voces, clausæque Deorum
Sponte fores.*

Ita & Xiphilinus, *Inventa quoque sunt*, ait (2) *in Capitolio multa & magna vestigia Deorum excedentium; renuntiatumque est a Vigilibus ea nocte Templum Jovis sua sponte magno cum fragore apertum esse; Vestigia*, inquit Lampridius, (3) *Deorum in foro visa sunt exeuntium*. Quod millies & factum esse tradidere Scriptores. (4)

Cur autem deambulatorio adeo ingenio essent Præsides hi Dii, cur frequenter adeo excederent, cur facile adeo præsidio habitas relinquerent Urbes, haud ex eodem statuebant Veteres principio. Qui Civili naturalem Theologiam copulare satagebant, fato id tribuebant, veluti inexorabili ejusdem Decreto adactam crederent Gen-

B 4 tium

(1) Lib. VII. (2) In Vitell.

(3) In Commod.

(4) Bulenger. Lib. IV. *De Prodig. Veter.* Cap. 48.

tium atque Urbium fortunam. Exoratum Joveni,
ne Vellus aureum rapi sineret, hæc regessisse si-
mulat Valerius Flaccus: (1)

*Ordine cuncta suo, rerumque a Principe cursu
Fixa manent* - - - - -

*Adcelerat sed summa dies, Asiamque labantem
Linquimus, & poscunt jam me sua Tempora Graii.*
Abeuntem autem, belli causa, sua a Phrygia
Cybelem sic, ad discedentes non sponte sua ob-
fessis ab Urbibus Deos respiciens, loquentem in-
ducit Claudianus: (2)

*Hoc mihi jam pridem Lachesis longa canebat
Augurium: Phrygiæ casus venisse supremos
Delapsus testatur Apex: heu sanguine qualis
Ibit Sangarius, quantasque cadavera lenti
Meandri passura moras: immobilis hæret
Terminus: hæc dudum nato placere Tonanti.
Jamque vale Phrygiæ Tellus, perituraque flammis
Mœnia, conspicuas que nunc attollitis arces,
Mox campi nudumque solum, dilecta valete
Flumina, non vestris ultra bacchabor in antris:
Non juga sulcabit noster Bercynthia currus.*

Celebris est Oratio, quam Magi ad Seleucum Ba-
byloniæ Mediæque Regem habuere, dum Urbem
ille ad mare suo de nomine exstrueret. Civita-
tibus sua fata, sicut hominibus singulis, esse in-
quiebant; fatalem eam necessitatem, sive bo-
nam, sive malam, nec homines mutare posse,
nec

(1) Lib. I. Argonautic. (2) Lib. In Eutrop. II.

nec Deos; Urbes seculis stare pluribus, aut brevi cadere, juxta horas, in quae earum incidit initium: (1) Quam & iisdem verbis doctrinam Symmachus Urbis Praefectus tradebat: (2)

*Sicut variae nascentibus, inquit,
Contingunt pueris animae, sic Urbibus adfert
Hora diesque sumum, quum primum mœnia surgunt
Aut fatum, aut Gentium, cujus moderamine regnent.*

Heinc urgentibus Romanam Urbem fatis, ea præter ingenium, & inconsulto prorsus egisse Quirites ait Livius, unde Roma demum a Gallis capta incenderetur, (3) & Annibalem Cannensi relata Victoria in diversum abstraxisse fortasse ait Florus fatum Urbis imperaturæ. (4) Quare & dirutis Urbibus, aut Templis earum incensis, necessitate veluti acti discedere Dii cogebantur; unde ob Neronis jussu Romæ factum incendium, illo de Principe apud Tragicum Octavia: (5)

*Hic hostis Delum
Hominumque, templis expulit Superos suis,
Civesque Patria.*

Quod fatum esse censebatur, voluntatem in Jove appellare solebant Poetæ, ceteris autem in Diis erga Jovem obsequium. Juno igitur, apud Maronem, jubenti Jovi, finem ut diuturno faceret Æneam inter ac Turnum bello, parituram se regerit atque a præsidio habita discessuram Urbe: (6)

Sic

(1) Appian. De Bell. Syriac.

(2) Prudent. Lib. II. adv. Symmach.

(3) Lib. V. Decad. 1. (4) Lib. II. Cap. VI.

(5) In Octav. Scen. II. (6) Lib. Æneid. XII.

*Sic Dea submisso contra Saturnia vultu:
Istā quidem quia nota mihi tua, magne, voluntas,
Jupiter, & Turnum & terras invita relinquo.*

Et nunc cedo equidem, pugnasque exosa relinquo.

Ita & Statius Bacchum Thebarum Deum loquentem inducit ad Jovem, qui Urbis excidium decreverat:

*Cedo equidem; quo sacra tamen ritusque peremptæ
Gentis abire jubes? (1)*

Sic Domitianus; Minervam, quam superstitiose colebat, somniavit excedere sacrario, negantemque se tueri ultra eum posse, quod exarmata esset a Jove. (2)

Hac in Sententia evocandi vix dicti fuissent Dii, quum inviti, & ex necessitate suis e sedibus excessisse viderentur. Sic instante Syriaco adversus Antiochum bello, quum humore continuo Cumanus Apollo sudaret, *Hic*, ait Florus, (3) *faventis Asiæ suæ Numinis timor erat*. Portendebat semper ille sudor infelicem adversus obsessos exitum; unde Sagunthino imminente excidio agebat Silius: (4)

Vultusque in marmore sudat Elise.

Et inter visa Romæ dira prodigia, dum Cæsar cum Exercitu ad Urbem accederet, ferebatur,

*Indigetes flevisse Deos, Urbisque laborem
Testatos sudore Deos, dilapsaque Templis
Dona suis. (5)*

Vc.

(1) Thebaid. Lib. VII. (2) Svet. in Vit.
(3) Lib. II. Cap. 8. (4) Lib. I. Bell. Punic.
(5) Lucan. Lib. Pharsal. I.

Verum longe alia in sententia Vulgus versabatur, quod precibus, quod sacrificiis existimabat moveri Deos posse, exque adversis fieri propitios; immo iratos evadere adversus eam, quam pridem favore prosequiebantur, Gentem; quare sic Romam precantem inducit Claudianus: (1)

Dj, quibus iratis crevi, succurrite tandem.

Popularem illum sensum complexus est Tullius, dum scripsit: *Quamquam hæc omnia Quirites, ita sunt a me administrata, ut Deorum immortalium nutu atque consilio gesta & provisa esse videantur; idque cum conjectura consequi possumus, quod vix videtur humani consilii tantarum rerum gubernatio esse potuisse: tum vero ita præsentibus his temporibus opem & auxilium nobis tulerunt, ut eos pæno oculis videre possemus. Nam, ut illa omittam, visas nocturno tempore ab Occidente faces, ardoremque cæli, ut fulminum jactus, ut terremotus relinquam, ut omittam cetera, quæ tam multa nobis Consulibus facta sunt; ut hæc, quæ nunc fiunt, canere Dii immortales viderentur: hoc certe Quirites, quod sum dicturus, neque prætermittendum, neque derelinquendum est. Nam profecto memoria tenetis, Cotta & Torquato Coss., complures in Capitolio turres de cælo esse percussas, cum & Simulachra Deorum immortalium depulsa sunt, & Statuæ veterum hominum dejectæ, & legum æra liquefacta. Tactus est etiam ille,*
qui

(1) De Bell. Gildon.

qui hanc Urbem condidit, Romulus : quem indu-
ratum in Capitolio parvum atque lactentem, ube-
ribus lupinis inbiantem, fuisse meministis. Quo qui-
dem tempore cum *Aruspices* ex tota *Etruria* con-
venissent, cædes aque incendia, & legum interi-
tum, & bellum Civile ac domesticum, & totius
Urbis atque Imperii occasum appropinquare dixe-
runt, nisi *Dii immortales* omni ratione placati,
suo Numine prope fata ipsa flexissent: (1) Quid
mirum igitur, quod *Evocationis* prece faventes
sibi sperarent *Romani Deos*, qui *Præsides* antea
hostilium locorum erant?

Ex frequentiore autem togatæ Gentis præ ce-
teris Religione actos *Romani* credebant *Præsi-*
des Urbium reliquarum Deos, ad avitas dese-
rendas sedes, petendasque ampliores illas, ubi
nundinæ veluti *Cœlestium* essent, & *Sacrorum*
omnium *Emporium*. *Romam* igitur eosdem le-
gisse dicebant,

ubi sanctior usus

Templorum cultu celebris sine fine maneret:

Æneadumque ultro victricia Signa Virorum

Regis amore Numæ nullo cogente secutos. (2)

Aufonio dicebatur

Divûm domus aurea Roma:

Videbatur mihi *Romanis* ea super re exquisi-
tè adulatus *Maro*, dum verba de *Penatibus* fa-
ciens, monitum in somnis *Trojanum a Diis* ef-
fingit,

(1) Orat. in L. Catil. III.

(2) Prudent. Lib. II. adv. Symmach.

figit , ut reliâta Creta , optatas ampliorefque
fedes , quas digito veluti designabant , fcilicet
Italiam peteret : (1)

Mutandæ Sedes - - -

*Eft locus , Hesperiam Graii cognomine dicunt ,
Hæ nobis propriæ Sedes .*

Verum non affentationem Vatis , aſt commu-
nem hanc fuiſſe rogati Populi traditionem , e
puriori diſcimus , quam unquam Idololatra ef-
fuderit , prece , videlicet e Flacci Sæculari car-
mine , hiſce vota ad Deos concipientis :

Roma ſi veſtrum eſt opus , Illicque

Littus Etruſcum tenere turmæ ,

Juſſa pars mutare lares , & Urbem

Soſpito curſu .

Claudianus quoque in Panegyrico Romanæ
Urbis . (2)

Arcanaſ huc Veſta faces , huc Orgia Bacchus

Tranſtulit & phrygios Genitrix turrita Leones .

Huc deſenſurus morbos Epidaurius hoſpes

Raptavit placito traſtu , veſtumque per undas

Infula Pæonium textit Tiberina Draconem .

De intenſo autem Idææ Matris Romanarum Se-
dium deſiderio Ovidius : (3)

Cum Trojam Æneas Italos portaret in agros ,

Eſt Dea ſacriſeras pæne ſecuta rates .

Sed nondum fatiſ Latio ſua Numina poſci

Senſerat , aſſuetiſ ſubſtitèratque lociſ .

Poſt ,

(1) Lib. Æneid. III.

(2) Lib. in II. Stilich. Conſul.

(3) Lib. Faſtor. IV.

*Post, ut Roma potens opibus jam secula quinquè
Vidit, & in domito sustulit orbe caput;*
Romanas deferri Dea voluit ad arcès, proinde-
que Attalo Phrygiæ Regi ejus Romanis dare Si-
gnum recusanti dixisse ferebatur:

Ipsa peti volui, ne sit mora: mitte volentem:
Dignus Roma locus, quo Deus omnis eat.
Juno autem Rōmana de Urbe eundem ad Va-
tem: (1)

Pœniteat, quod non fovi Carthaginis arces:
Cum mea sint illo currus & arma loco.
Pœniteat Sparten, Argosque, measque Mycenæ
Et veterem Latio supposuisse Samon.
Adde Senem Tatium, Junonicolasque Phaliscos;
Quos ego Romanis succubuisse ruli.
Sed neque pœniteat: nec gens mihi carior ulla est,
Hic color, hic teneo cum Jove templa meo.
Ipsæ mihi Mavors, commendo mœnia, dixit,
Hæc tibi: tu pollens Urbe Nepotis eris.
Dicta fides sequitur: centum celebramur in aris.
Adesse igitur existimati sunt propugnationi-
bus Urbium Præsides Dii, res quum secunde ac
fœliciter evenirent; ubi contra adversæ essent,
amicorum instar nostri temporis, sibi potius quam
aliis consuluisse: Rebus demum in dubiis stare
ne, an excedere decernerent, incertum, uti vi-
delicet quum forent:

infausto stillantes sanguine Cannæ,
Et Capitolino nutantes culmine Divi. (2)
Immo

(1) Lib. Fastor. VI. (2) Heyns. Sylv. ad Jos. Scalig.

Immo etiamsi excessisse crederentur, e re tamēn prospere ac ex sententia gesta, redire iterum dicebantur; unde Silius Italicus: (1)

Placavimus iras

Calicolum, redeunt Divi.

Ea vero ex fide Simulacra Deūm, vel apud victos, si quando id datum esset, religione eximia servabantur, ut Deorum animari numine iterum eadem possent. Heinc illa cura Pontificis Trojani, heinc pietas, Simulacra Deūm Trojæ ne perirent; heinc mediis in flammis eadem Æneæ commendata; (2) heinc Iliaca Signa, tametsi violata & victa secum deferendi plusquam militaris gloria. (3)

Sum pius Æneas, raptos qui ex hoste Penates

Classē veho mecum, fama super æthera notus.

Sic capta a Gallis Senonibus Urbe, Signa Deūm alia a Quiritibus terræ celata, alia finitimas in Urbes averta: (4) Sic & Venusinus Vates, ut ostenderet post excessum Annibalis ab Italia, post cædes Asdrubalis, & victoriam a Nerone relatam, prosperis semper præliis crevisse Romanos, erectas ait iterum Deorum Statuas suis olim de sedibus ab hostibus deturbatas: (5)

Post hoc secundis usque laboribus

Romana pubes crevit: & impio

Vastata Pœnorum tumultu

Fana Deos habuere rector.

Itaque

(1) Lib. VIII. Bell. Punic. (2) Lib. Æneid. II.

(3) Lib. Æneid. I. (4) Livius Lib. V. Decad. I.

(5) Lib. Carm. VI. Od. 4.

Itraque hostilium Evocatione Deorum eam se in spem erigebant Quirites , fore , ut Genius ille , qui obsessæ Urbi præsidio erat , sive volitans Phantasma , sive quid aliud esset , Templâ , mœnia , & loca hostium defereret , seque ad oppugnatores reciperet , unde quocumque hostes destituerentur auxilio ; aut ut virtus illa , nescio quæ , Signo Dei Præsidis inconspicuo modo adhærens evanesceret inde , aut Deus ipse Simulacrum antea inhabitans , excederet ultro , nova Templâ , domosque novas , & ampliores ingressurus Oppido expugnato Sedes .





C A P U T III.

*Quibus Evocationis origo asserenda,
& an propria Romanorum fuerit.*



OSII sententia est, Romanos, quæcumque habuere Sacra, ea vel habuisse ab Albanis, qui a Phrygibus oriundi, vel ab Osca Sabinorum Gente, vel a Thuscis. (1) Ego hujuscemodi in re libentius audio Tullium ita scribentem: (2) *Majores nostri statas solemnesque cæremonias, pontificatu: rerum bene agendarum auctoritates, augurio: fatorum veteres prædictiones Apollinis, Vatum libris: portentorum explanationes, Etruscorum disciplina contineri putarunt.* Quæ verba pæne examussim Valerius Maximus mutuatus est. *Majores nostri, inquit, (3) statas solemnesque cæremonias Pontificum scientia: bene gerendarum rerum auctoritates augurum observatione: Apollinis prædictiones Vatum*

C

tum

-
- (1) Lib. De Orig. & Prog. Idol. I. Cap. 18.
(2) Orat. De Harusp. Respons.
(3) Lib. I. Cap. I.

tum *Libris* : portentorum depulsa Etrusca disciplina explicari voluerunt. Hisce igitur et testimoniis eruere non infeliciter datum est, Evocationem Deorum, unam utpote e stans solemnibusque caeremoniis, Pontificatui, sive Romanorum decretis ac Scientiæ Pontificum, originem debere suam. Cui enim haud satis adnotum, Numam Pompilius plures in Urbe sua instituisse, aut Romuleos ampliores fecisse ritus? Cui non satis adnotum, Ancum Marium caeremonias à Numma institutas amplificatasve restaurasse? *Mibi ita persuasi*, subdit iterum Tullius, (1) *Romulum auspiciis, Numam sacris constitutis fundamenta jecisse nostræ Civitatis, quæ numquam profecto sine summa placatione Deorum immortalium tanta esse potuisset*. Hæc, aut ego fallor, Evocationis doctrinam aperte sapiunt.

Duo in causâ videntur esse, quare finitimis et populis, sive ab illis quæ circum Romam erant Gentibus, Evocationis morem ad Romanos derivatum esse quis suspicari posset. Primum quidem, quod eam caeremoniam aliqui magicas inter artes, inter præstigias collocent. ἡκκλήσις ἦσι καὶ γουτεῖαι Θεῶν ait Plutarchus (2), *præstigiæ quædam, quibus Dii eliciiebantur*. Accedit Origenes dicens : ἐκ αὐτοῦ εἰς αὐτὸ δοκοῦνται ἐπὶ ἐργάσασθαι τῶν νομιζομένων ἡρώων καὶ ἀκκλήσις περιέρχεται γεγονέναι, καὶ κατὰ τοὺς ἀρχαίους αὐτοῦ ἰδρύσας τῶν τοιούτων ἐξουσίαν καὶ, γὰρ αὐτὸς τις καὶ κατὰ

(1) Orat. De Harusp. Respons.

(2) Quæst. Rom. LX.

κατακλῆσαι ἐν τοῖς τῶν δαιμόνων διὰ μαγανῶν Θεραπεία
 σχολάζοντες πεποιῶται. In sacris; quæ efficaciora vi-
 debantur; arcana adhibita fuerunt Evocationes,
 etiam quum primum simulacra collocata sunt, &
 templa constructa; quas Evocationes fecerunt ii,
 qui artibus magicis utentes demonum cultui vaca-
 bant (1). Eadem autem ex virtute consecrari
 videntur debuisse, ac desacrari signa. Jam vero
 ejusmodi artes apud finitimios Romanis populos
 obtinuisse certum est, eisdemque totos fuisse in
 evocandis; in eliciendis, trahendisque foras Spi-
 ritibus & Umbris. Exstat, ait Plinius, (2) an-
 nualium memoria sacris quibusdam ac precationibus
 vel cogi fulmina, vel impetrari. Vetus fama He-
 truriae est; impetratum Volsiniis, & Urbe, & agris
 depopulatis, subeunte monstro, quod vocavere Ol-
 tam. Evocatum est a Perpenna Rege, & ante
 eum a Numa sapius hoc factitatum in primo An-
 nualium suorum tradit L. Piso gravis Auctor. Quod
 imitatum parum rite Tullum Hostilium ictum ful-
 mine. Hinc, subdit Plinius, Elicium quoque ac-
 cepimus Jovem. Æquorum pariter castra obside-
 re prohibitum Romanum olim Consulem fama
 erat; quod ei procedenti, jamque operi instan-
 ti, caligo de cælo facta fuerit, imberque vehe-
 mens, & fulgura ac tonitrua dira, veluti ab ho-
 stibus evocata: exercitu autem distraeto quievisse
 O 2 subi-

(1) Lib. III. contr. Celsum.

(2) Lib. II. Hist. Natur. Cap. 55.

subito procellam , & serenum fuisse ac sudum ;
(1) quare ad Poetæ illa :

Qui fulmina fœdere sancit,
edocet Festus , nunquam fuisse apud Majores
olim aras incensas , sed *ἱερουργίῃ* , inflammatio-
ne videlicet sacrificiorum igne cœlitus evocato
facta , divinam rem peractam , sive divinum
ignem , quo incenderentur altaria (præsentia ,
ut aiebant , Numinis indicium , & imago nun-
tia perfecti rite voti) legitimo carmine , & ex-
cantationibus evocatum . (2) Itaque quum Nu-
mam Romanorum olim inventorem sacrorum
in tetrica , ac tristi Sabinorum disciplina insti-
tutum fuisse fama sit ; (3) quum Genitrix ma-
terque superstitionum omnium audiat Etruria ;
(4) inferre , uti dicebam , quis haud absque ra-
tione posset , ab iis , quæ circum Romam erant ,
Gentibus fuisse ritum illum in Romanorum mo-
res derivatum .

Hocque altera de causa etiam magis , quod ,
veterum ex testimonio Scriptorum , Romani
Deum , cujus in tutela Urbs ac res Romana
erant , ipsiusque latinum Urbis nomen ignotum
esse fategerunt , ne , quod adversus Urbes hostium
fecisse se haud semel noverant , idem ipsi quo-
que , evulgato Tutelæ suæ nomine , hostili Evo-
catio-

(1) Dionys. Halicarnass. Lib. IX.

(2) In Lib. Æneid. V.

(3) Livius Lib. I. Decad. 1.

(4) Arnob. Lib. VII. adv. Genes.

tatione paterentur. (1) Accedit Terminum Deum appellatum a Livio fuisse, *non evocationem sacratis sibi finibus*; (2) quod fana, facellaque Tarpeji montis exaugurante Tarquinio, quum ceterorum exaugurationes admitterent aves, in Termini fano non addixere: eundemque apud Historicum, Etruscum Senem, Vejentem scilicet Vatem, Romano in Senatu ante Patres pronuntiasse: (3) *Sic Libris fatalibus, sic disciplinaetrusca traditum esse, ut quando aqua Albana abundasset, tum si eam Romanas rite emisisset, Victoriā de Vejentibus dari: antequam id fiat, Deos mœnia Vejentium deserturos non esse*; quod opinionis esset Deorum oppugnatas Urbes, ex evocatione ab hostibus facta, deserentium Etruscā, vicinasque apud Gentes, obtinentis indicium.

Verum erraret primum, arbitror, qui præstigiā loco habendam duceret Evocationem, aut eas inter artes, quibus infernas animas aliqui carminibus eliciebant, aut mortales infernis animæ Numinibus sacrabantur; nihil enim illo in ritu, illa in cæremonia invenio magicæ superstitionis, sed communioris modo principia Idololatriæ: scilicet, ad evocandos oppugnatis ab Urbibus Deos, non diræ tristisque aut maleficæ preces, non Pisonianæ devotiones, non terrificæ exaudiebantur voces; non Babylonii

C 3

ten-

(1) Macrob. Lib. Saturn. III. Cap. 9.

(2) Livius Lib. I. Decad. 1.

(3) Lib. V. Decad. 1.

rentabantur numeri, aut Theſſalici ritus; nullæ adparebant terribiles viſu formæ, nullæ immanes aut adſpectabiles umbræ; non clandeſtinæ interveniebant, ac nefandæ impuberum immolationes, aut ſolo ac parietibus humanorum reliquiæ corporum, ac ſemiuſti cineres, aut ludibria Religionum, quibus de ſtatu Reipublicæ, de vita Patrum, aut de ſalute Principis nefaria curioſitate quæreretur; non agloophotin herbam, marmaritin appellatam, adhibebant, qua uſi Magi dicebantur Diis evocandis; (1) non Synochitidem lapidem, quo in hydromantia evocari dicebantur imagines Deorum; (2) nihil denique reperire in Evocatione erat Circæorum Cytæis, ac Medææ carminum, nihil artium Canidiæ Venuſini Vatis, aut Amaryllidis Alpheſibæi, quas peſſima ſolum illa apud Romanos valuiſſe credimus ætate, qua prohibitæ fuerunt & Urbe pulſæ. Livius Pliniuſque res uti incertas, dubiasque referunt Etruſcorum illas fulgurum & imaginum Evocationes; immo horreſcere dicti Romani primores, horrendos infeſtoſque Samnitium in bello ritus, miſta hominum pecudumque cæde reſperſos, quibus ex veterẽ linteo libro miles, victima magis, quam ut ſacri particeps, execrabile concipiebat infernali carmine ſacramentum. (3) Solum igitur opinione, ſolum fide, rem omnem Quirites

(1) Plin. Lib. XXIV. Cap. 102.

(2) Plin. Lib. XXXVII. Cap. 73.

(3) Liv. Lib. X. Decad. 1.

tes illi peragentes, Deos precabantur Præsides ,
locis, Templisque , quibus inconspicuo præsen-
tes esse modo credebantur , excedere vellent ,
seque, suumque Numen ad eos recipere , qui
Victores futuri fuissent , qui solemniori diutur-
nioresque cultu eorum Signa æternæ in Urbis se-
dibus essent collocaturi .

Fateor ex Livio hostilem Romanos perti-
nuisse Evocationem ; appellatum Deum Termi-
num , *non evocatum sacratis sibi finibus* ; emissa
rite Albana aqua, dictos Vejentium Deos mœ-
nia deserturos . Verum quis ignorat Romanos ,
uti cum Clerico superius animadversum , exter-
na quæcumque Romano loquendi more , Roma-
noque dicendi exhibere genere , ac Romanis
formulis circumvestire ? Tacitus exemplum est ,
qui, more Gentili & interpretatione Romana ,
Germanorum & Svevorum Deos Mercurium ,
Herculem, Martem, Isidem, Castorem & Poli-
lucem memorat , quum tamen & aliis appella-
tos nominibus, & alia fuisse Numina, vel ipse
fateatur, & constet . Simili modo Suetonius de
Cæsare : *In Gallia*, inquit, (1) *fana templaque*
Deum donis referta expilavit ; & tamen, uti ad-
notatum optime Barnerio, (2) Fana tunc tem-
poris, & Tempia in Gallia non erant, sed Lu-
ci modo sacri, Nemoraque, ac Sylvæ, in qui-
bus reapse & hostium spolia, & immensas soli-

C 4

ti

(1) In Vit. ejusd.

(2) Tom. II. Mythol. ex Histor. explic.

ti erant Galli adservare divitias ; Templis Cæsarianas modo post victorias , acceptoque Romanorum jugo , Gallico in solo ædificatis . Nil autem mirum , si Romani primores Tutelæ suæ nomen occultabant , ne hostilem Evocationem paterentur ; proprium enim semper simplicium fuit populorum , ceterarum mores gentium suo e modulo metiri .

Heinc statim videt quisque , vehementiori erui momento , nunquam usu habitam apud Orientales , Græcosque Tutelarium Numinum , hostilium in Oppugnationibus Urbium Evocationem . Nam etsi Romani Scriptores externa soliti fuerint Gentili more describere , Romanaque agendi methodo circumvestire , nunquam tamen de cæremonia ejusmodi memoravere , quum de oppugnationibus Orientalium & Græcorum ope patratæ egerunt . Id utique fecissent , qui de Alexandri Magni , aut ante , aut Persicæ post victoriam , ejusque Successorum in Asia gestis scripsere , quod mixto e Græcis , Barbarisque exercitu peractæ , Deos vel semel evocassent Victores , si cæremonias Italica in superstitione natas , ac pæne dixerim mortuas in moribus dissitæ illæ Gentes habuissent . Quare diligenter distinguenda duo invicem connexa quidem , ast tamen inter se plurimum diversa . Universos siquidem apud Populos Tutelarium Deorum Religio obtinuit , semperque apud eosdem maximum rerum bellicarum momentum fuit , quam propitiis rem , quam adversis agerent Diis , unde in infœlici suarum obsidio-

dione Urbium præsidio, & adspiratione Cælitum destitui se arbitrati; verum ars eos evocandi propria fuit Romanorum. Reapse nonnullas Gentes relate ad Deorum excessum in eadem fuisse cum Romanis sententia e Lacædemoniorum facto edocemur, qui Martis, & Apollinis Simulacra aureis conligavere catenis. (1) Idem Præsidem erga suum fecere Tyrii, ne ad Alexandri castra transfiret. (2) Hujus testimonium rei apud Diodorum Siculum exstat apertissimum. *Quidam apud Tyrios, inquit, visum sibi obtigisse affirmabat, quo urbe se excessurum, Apollo denunciasset. Ubi quum vulgus in gratiam Alexandri sermonem hunc confictum suspicaretur, ideoque ad lapidibus obruendum hominem juvenes properarent, a magistratibus ille subductus in templum Herculis profugit, atque hoc modo Deo supplex capitis supplicium evasis. Hinc Tyrii superstitione inducti, catenis aureis simulacrum Apollinis in basi devinxere, impedituri ut persuasum habebant, Dei ex urbe migrationem.* ἰωρακίνας δὲ τις ἔφησεν ὄψιν, καθ' ἣν ὁ Απόλλων ἔλεγε μίλῃσιν ἰαυτὸν ἐκλιπεῖν τὴ πέλιν. αὐτὸς δὲ πλήθους ὑπονοήσαντες Ἀλεξάνδρῳ, καὶ διὰ αὐτοῦ τῶν νεωτέρων ὀρμησαντῶν ἐπὶ τὸ λιθοβολῆσαι τὸ ἀνθρώπου, ἔτασαν μὲν διὰ πᾶν ἀρχόντων κλαπείς, καὶ καταφυγῶν εἰς τὸ αὐτὸ Ἡρακλῆος ἱερὸν, διέφυγε τὴ τιμωρίαν, δια τὴ ἰκυσίαν. οἱ δὲ Τύριοι δεισιδαιμονήσαντες χρυσᾶς σείρας προσέδησαν τὸ αὐτὸ Απόλλωνος ἑορᾶν τῇ βάσει, ἐμποδίζοντες, ὡς φησὶν, αὐτὸ θεῷ τὸ ἐκ τῆ πόλεως χωρισμὸν. (3) Idem-
que

(1) Pausan. Lib. III. Laconic.

(2) Diodor. Sicul. Lib. XVII.

(3) Biblioth. Lib. XVII.

que confirmat Curtius in Tyri obsidione, scribens: *Non tamen defecere animis Tyrii, quamquam ab ingenti spe destituti erant, sed Coniuges Liberosque debebendos Carthaginem tradiderunt, fortius, quidquid accideret, laturi, si charissimam sui partem extra communis periculi sortem habuissent. Cumque unus e civibus Concioni indicasset, oblatam esse per somnum sibi speciem Apollinis, quem eximia religione colerent, urbem deferentis, molemque a Macedonibus in salo jactam, in sylvestrem saltum esse mutatam; quamquam auctor levis erat, tamen ad deteriora credenda proni, metu, aurea catena devinxere simulacrum, aræque Herculis, cuius Numini urbem dicaverant, inferuere vinculum, quasi illo Deo Apollinem retenturi.* (1) Idem præstiterit aliique suos erga Tutelares Populi, compedibus eos vincientes, (2) ut e nummis etiam patet; (3) ne videlicet excederent, ne avitas defererent sedes, & ad hostes se reciperent. Heinc Græcis Thebas oppugnantibus exauditæ ad Deos suis in sedibus continendos illæ preces, quas Æschylus in Tragœdia ἐπὶ ἐπὶ Θήβαις:

Χο: Τί ρέξης, προδάσεις παλαίχθων Ἄρης
Τῶν σὰν γὰν ὃ χρυσοτύλης δαίμων.
Ἐπιδ' ἐπιδὲ πόλιν,

Επ: Ἀλλ' ἔν Θεῷς
Τοὺς ὧς αἰώσης πόλιν ἐκλείπειν λόγος

Χο: Θεοί, πόλιν καὶ κράτην καδμογινῆ ῥύττε.

De-

(1) Lib. 4. Cap. 3.

(2) Ormanic. De Veter. Relig. Camul.

(3) De Rub. Monum. Veter. Brit.

Deferes o Mars Terrisenex

*Tuam terram ? O auream qui habes Galeam Damon,
Respice, respice Urbem.*

Respondens vero Etheucles Virginibus:

Deos autem

Capta Urbe deficere dicitur,

Geminavit vota Populus, & inquit:

Dii Urbem & exercitum Cadmigenam defendite,

Heinc etiam Neptunus apud Euripidem;

Relinquo inclytum Ilium & aras meas.

Hæc tamen et si communi ex opinione male quis inferret ceteras etiam præter Togatam Gentes aliquid de Evocatione cogitasse. Ex illa siquidem Populorum omnium Theologia, Deorum videlicet arcibus præsidum, accedentium, & excedentium, deferentiumque, quas pridem incoluere sedes, peculiarem statuere Quirites eos ex hostium Urbibus evocandi cæremoniam; peculiari nempe acti lege, peculiari usi formula, aut peculiari verius ex consilio, atque dominationis arcano, Porro Romanarum ingenium rerum probe ut concipiatur, quædam ad agendi principia Quiritum propria referendæ illæ sunt. Erant illa, Religionum maximum, & inenarrabile studium, Patriæ ac libertatis intensissimus amor, immensa cupido gloriæ, infinita libido dominandi, uti e sensibus Scriptorum omnium Romanorum, uti e Polybio etiam patet, (1) qui Gentis illius fuisse aiebat proprium, omnibus

(1) Lib. IV. Histor.

bus præesse velle, & regere imperio Populos, imperium dominiumque concupiscere, suspici ab omnibus optare, & cunctis adnuere; hocque in illis incredibile studium, non ad summum modo erat imperii culmen evectis, ac in maximo Reipublicæ incremento, sed ejusdem pueritiæ etiam atque infantix tempore, quo, uti magnis in Civitatibus evenire solet, ubi Servi quoque elatos gestant animos, nihil augustius esse Roma cupientes, unde auspicato condita diceretur, evaderetque Fortunæ sedes, sedes imperii æterna, & domicilium, & pignus, orbis caput, & ἐν τροπαῖς τῆς οὐρανίας, mater & Regina Urbium & terrarum domina; laudis iccirco erant & plausus & gloriæ, & universalis imperii insatiabiliter cupidi; quare optime Gradivus ad Vatem: (2)

Parva fuit, si prima velis elementa referre,

Roma, sed in parva spes tamen hujus erat.
Eorum igitur acta, & ritus, & cæremoniæ, & quicquid nec præter spem, nec præter votum accidit, ea sub imagine, eo concipiendum quum sit sub aspectu, easque ad causas, & principia, & fines esse videatur referendum, quis haud videat Romanorum propriam fuisse Evocationis Deorum cæremoniam, quod omnium Deos Gentium sibi demereri exoptarent, ut omnes inde possent debellare populos, sacras omnium opes Romam deferre, atque per hæc universis cum Diis veluti fœdera, ac, si procul essent fraudes & iræ,
omnia

(1) Ovid. Lib. Fastor. III.

omnia mortalibus rapere , ac Romani majestatem nominis diffitas ad usque Gentes & Regna foeliciter propagare? Romanus ille Ethnicus, qui apud Minucium Felicem disputat, huc usque dicta vehementissime confirmat. *Inde adeo , agebat, (1) per universa imperia, provincias, oppida, videmus singulos sacrorum ritus gentiles habere, & Deos colere municipes, ut Eleusinos Cererem, Phrygas magnam Matrem, Epidaurios Æsculapium, Chaldaeos Belum, Astartem Syros, Dianam Taurios, Gallos Mercurium, universa Romanos. Sic eorum potestas & auctoritas, totius orbis ambitus occupavit: sic imperium suum ultra Solis vias, & ipsius Oceani limites propagavit, dum exercent in armis virtutem religiosam, dum urbem muniant sacrorum religionibus, castis virginibus, multis honoribus, ac nominibus Sacerdotum: dum obsessi, & citra Capitolium capti, colunt Deos, quos alius jam sprevisset iratos; & per Gallorum acies mirantium superstitionis audaciam pergunt telis inermes, sed cultu religionis armati: (Respice modo Evocationem) Dum captis in hostilibus moribus adhuc ferociente victoria Numina victa venerantur: dum undique hospites Deos querunt, & suos faciunt: dum aras extruunt etiam ignotis Numinibus, ac Manibus. Sic dum universarum Gentium sacra suscipiunt, etiam Regna meruerunt. Consonat hisce Vir Cl. Stephanus Morinus, dum scribit: Tullius Deos dicit pluraliter, ut Gentilis, Gen-*

(1) In Octav.

Gentes scilicet plures Deos agnoscebant ; sed in primis ut Romanus , nam quo longius latiusque diffusum est eorum Imperium , & victoriæ numerosiores fuerunt , eo plures Deos coluerunt , quia evocare Deos urbium obsessarum , iisque aras , templa & cultum vovere solebant : quamobrem pro numero urbium captarum , & Provinciarum subjugatarum , in infinitum numerus Deorum Romanorum debuit augescere . (1)

Græci quidem plurima & ipsi , immo universa veluti Numina venerati sunt . Ast id non ex imperii cupiditate , non ex spoliis ; aut Evocatione effectum , sed ex hospitalitate potius erga Deos , sive ex eorum in Hellada itinere ; unde apud eosdem *Θεοξένια* , & peregrinationibus referata Græcanica mythologia : Sane quidem ritum , quo de agimus , aliis etiam gentibus nonnulli asseruerunt . Nam , ut Antonium Borremansium præteream , (2) Viri Clarissimi , qui Acta Eruditorum Lipsiæ summo plausu scribunt , huiusmet nostri Operis Conspectum contexentes , operæ pretium videri ajunt , eam in quæstionem singulari studio inquirere , utrum apud gentem etiam aliam , imprimis Romana antiquiorem , nullum plane moris hujus vestigium spectetur . Persis profecto atque Ægyptiis haud ignotam fuisse Deorum evocandorum rationem e loco Alexandri ab Alexandro confici statuunt ; Græcos autem ab eo
fitu

(1) Dissert. De Oracul.s.

(2) Vesperæ Gorninchemenses . Cap. 3.

ritu non excludendos, nisi ab antiquitatum græcarum ex asse gnaro. Allegatum Tyriorum erga Apollinem exemplum in medium proferunt; Virisque doctissimis probatam sententiam animadvertunt, qua instituta gentis Hebrææ ad Ægyptiam, Ægyptiæ ad Græcam, Græcæ ad Romanam migrasse imaginantur, quare haud inscite conjici opinantur posse, Quirites hujus ritus originem Helladi acceptam referre. (1) Nec denique a veritate alienum duxit Philippus Camerarius Tutelarium Deorum Evocationis vestigia in facto quærere arioli Balaami, haud semel a Rege Moab Balaco advocati, ut Exercitui Israelitarum malediceret. (2)

Ut sensum tamen meum candide patefaciam, haud video profecto, quæ Evocatio unum ex institutis esse possit, quæ ex Hebræa gente ad Ægyptiam, ex Ægyptia ad Græcam, ex Græca ad Romanam denique migrarunt. Ut omittam enim Huetianum illud Systema, nostra ætate, nemini probari; utque haud inficiari placeat, nonnullos veterum Hebræorum ritus a posterioribus populis aliqua adservari ratione potuisse; quis imaginetur tamen Israelitas, in hostilium oppugnatione urbium, Tutelares, falsos scilicet, evocasse Deos, precatosque ut adessent, ut Hierosolymorum ad urbem suo Numine advocati properarent, ut Gentes relinquerent, & ad Dei populum

(1) Nov. Aët. Erud. Lips. 1745.

(2) Medit. Histor. Centur. II. Cap. 10.
Numer. Cap. XXII.

pulum accederent? Græcos autem hoc e ritu ideo exclusimus, quod illo usos eos fuisse nullo monumento doceamur. Dum in somniis Apollo visus est dicere, ad Alexandrum se transisse, nil significare aliud voluit, ut Plutarchus docet, (1) fabulæ si credimus, nisi sibi cordi non esse ea quæ in Urbe agerentur. Catenis aut funibus devincientes Deum Simulacra, ignorare se imo Evocationis ritum Græci satis ostendebant, quum ejus vi atque carmine, immotis adhuc Simulacris, Deorum evocatum Numen obsessa ab Urbe, Romanorum pro præconceptis, discedere folleret. Quid vero Alexander ab Alexandro, quem allegant Scriptores celeberrimi? *Persis vero*, inquit, & *Ægyptiis nullos patrios habere Deos in usu fuit, quod Evocationibus illos migrare ex Op-
pidis, & sine tutela deferi timerent.* (2) Si hæc vera sunt, de quibus valde dubitandum cum quod unde ea Parthenopæus hauserit, neque indicare valuit, qui cetera ad fontes revocavit, doctissimus Andreas Tiraquellus: tum etiam quod Persas & Ægyptios patria coluisse Numina satis constet; ea, inquam, si vera sunt, quid aliud sequitur, nisi eam quæ apud Romanos obtinebat cæremoniam eos calluisse, pertinuisse etiam; non vero in usu habuisse? Quum ad Pontificalem Quiritum Disciplinam spectare hunc ritum propugnamus, haud inficiamur ideo, ceteros populos

(1) In Vit. Alexand.

(2) Lib. Dier. Genial. VI. Cap. 5.

pulos aliquid de eodem audire potuisse, quod inferri modo potest ex allegato testimonio. Populis demum omnibus persuasum semper & undique fuisse, maledictiones, carmina, incantationes, & anathemata eorum, qui superno quodam, sive felici, sive infelici adflati credebantur spiritu, maximos parere effectus, non in privatos modo homines, verum etiam in regiones, Urbes, & exercitus, numquam dubitavimus; eamque ad opinionem pertinere remur factum Balaami, quod cum Evocatione tamen, Exegeticorum instar, (1) haud opportuna eruditione, minime confundendum est; siquidem varias inter incantationes, Evocatio speciale quoddam erat earum genus, Romanorum proprium; aut saltem tale incantationis genus eos modo in moribus habuisse vetera, quæ reliqua sunt, testari in præsens possunt monumenta. Num enim quia obsessis Salinusiis, Annibal Syracusanorum Legatis, ut fanis Deorum abstineret, postulantes, respondit, *Deos incolis infensos Salinunte jam excessisse*, πῶς δὲ θεὸς ἐκτὸς Σελινῦντος διχέδαι, προσκῶψαντας τοῖς ἐνοικῶσιν, (2) hostilium Evocationem Deorum apud Pœnos etiam obtinuisse consequemur?

Ormanicus, qui ὡς ἐν παρόδῳ de Evocatione pertractat, eam ex Hebræorum arca ab Philistæis capta illustrare pergit, quo videlicet e facto sublequuta ea omnia, quæ peracta apud Ro-

D ma-

(1) Calmet Not. in Numer. Cap. XXII.

(2) Diodor. Sicul. Lib. XIII.

manos Evocatione evenire consueverant, arbitratur. (1) Lachrymatus est enim universus Populus, quod translata esset ob captivitatem Arcæ omnis gloria, virtus omnis, omnis fortitudo Israel; ululavit universa Civitas Silo, auditoque rei nuntio, inexsuperabili dolore ætus Heli, cecidit de sella deorsum juxta ostium, fractisque cervicibus extinctus est. (2) Philistæi igitur videntur tulisse tunc Arcam Dei, captivumque duxisse Numen in Azotum, ac veluti novas illud evocassent in sedes, amplioraque eidem polliciti fuissent Tempia, intulisse illud Dagonis in Fanum, statuisseque juxta Tutelarem suum, ne viderentur illud habere captivum, ac victum. Sic & Nabuchodonosor tulerat vasa Templi Domini de Jerusalem, posueratque ea in Templo Dei sui. (3)

Errare tamen Ormanicum hoc in loco arbitrator; Philistæi quippe arcam Dei ferentes in Azotum, eamque Dagonis in Fano statuentes, nullum se credebant abstulisse præsidium Hebræis, nullum, quem venerarentur novas, evocatum in sedes Deum, verum ut Josephus Flavius optime describit, *in Urbem Azotum eam deportarunt, & ut eximium quiddam e manubiis juxta Deum suum collocarunt.* (4) εἰς Ἀζωτὸν ἐκέμισαν πόλιν, καὶ παρὰ τὸν αὐτῶν Θεὸν, ὡς περ τι λάφυρον τιθήσκει. Idem ait, iisdem-

(1) Lib. De Veter. Reliq. Camul.

(2) Lib. Reg. I. (3) Lib. Paralip. II.

(4) Lib. VI. Antiq. Cap. 1.

iisdemque verbis , Chrysostomus : (1) νικήμε-
τες οἱ πολέμιοι , καὶ τὴ θεῶν κιβωτὸν λαβόντες ὥς δὲ
λάφυρόν τι , καὶ ἀεροθ' ἴον ; ἀνέθηκαν αὐτὴν ἐν τῶν ἐπι-
χωρίων εἰδώλῳ Δάγυν δὲ ἦν ὄνομα αὐτῇ : *Victoria po-
titi hostes captam Dei arcam , tamquam exuvias
et optimum quoddam spoliū donatis loco cuidam
idolo consecraverunt , cui nomen Dagōn erat . Sic quæ
vasa quondam e Templo Solymæ abstulerat Na-
buchodonosor , suoque veluti trophæa , & trium-
phalia Deo spolia dicarat , Rex Balthasar adfer-
ri iussit , & mensæ adhiberi suæ , ut illis non
ipsè modo , sed & Regni Proceres , Uxoresque
& Concubinæ abuterentur , suorum inter laudes
Deum , ut ait Daniel , (2) quod eorum virtu-
te superatum , triumphatumque autumarent Ju-
dæorum Deum , ejus excisa domo , excisa Gen-
te , & Templo , detractisque spoliis . *Laudant
autem Deos suos , ait hunc ad Danielis locum S.
Hieronymus , insultantes Deo Judæorum , quod il-
lis victoriam tribuentibus , bibebant in vasis ejus .*
Ex Evocationis autem principiis , ac doctrina ,
devictorum Numina Hostium fiebant Victricis
Gentis propria , eaque cultu venerabatur aut pa-
trio , aut proprio , quod & eorum numine ho-
stilem se expugnare potuisse Urbem obsessores
credidissent ; unde quum prostratum Ilium esset ,
versis Penates , ita Andromacha adversus Græcos
in Troade : (3)*

D 2

Tem-

(1) Serm. de S. Babyl. adv. Gent.

(2) Cap. V.

(3) Act. III.

Etiam faventes.

Itaque Quiritibus reapse adferendam dicimus originem Evocationis, & eorum omnino propriam fuisse; ex aliquali enim facti similitudine, nisi Huetianum errare velimus errorem, haud consequitur recte, diversos inter populos similitudinem esse sacrorum, iisdemque procedere illa ex principiis, & causis, aut eundem respicere finem. Certe (ut ex Arca Domini opportunum adferam hoc in loco *ἐπιστήμη*) Jerichuntina in obsidione septem dierum circuitus cum Arca fieri circum mœnia iussit Deus, septimo autem die iterum circui septies, septem cum buccinis septem Sacerdotibus clangentibus; (1) & tamen quam extra rem Philologorum aliquis ea omnia interpretari pergeret e militibus illis, qui

*Septem numero septenaque tela**Conjiciunt? (2)*

Aut quod ad expugnandas Thebas electi fuerint Duces septem? unde Nuncius in Thebaide:

*Septena muros castra Thebanos premunt.**Septena Reges bella dispositi parant.*

Et de quibus Statius: (3)

*Sic omnibus ala**Arctantur portis, septemque excursibus hærent;*

Aut analogia facta ad obsidionem mœniorum Æneadam a Turno; quum

Bis

(1) Josue Cap. VI.

(2) Virgil. Lib. Æneid. X.

(3) Lib. Thebaid. VII.

Bis septem Rutuli, quos qui milite servant,

Dilecti: ast illos centeni quemque secuti

Discurrunt, variantque vices? (1)

Aut ex septeno Quadrigarum, qui in ludis, (2) qui in solemnibus (3) obtinebat Gentilium circuitu? aut demum ex septenarii philosophica, aut etiam mystica virtute numeri, aut ex cubo ipsius septenarii, quo hostilium everfiones Urbium, quo suas Hebræos metitos esse victorias Spencerus, (4) atque Bodinus (5) Rabbinica levitate contendunt? ita profecto omnia minus ad rem, uti cum decennali Trojæ obsidione minus convenit decennalis obsidio Vejorum; dicente sacro firmissimo Eloquentia: (6) *Fide muri Jerico corruerunt, circuitu dierum septem.*

Conveniunt immo cæremoniæ diverfarum aliquando Gentium, quarum tamen cæremoniæ sensus oppositi sunt. Barbari, Romanique Victores, veteribus Auctioribus testibus, (7) machinas, & hostium arma post victoriam cremabant; equi etiam aliquando & Viri, cuncta denique victa occidioni dabantur. Idem Hebræos præcepto Numinis jure Regio, sive quatenus Politi-

D 3

cus

(1) Virgil. Lib. Æneid. IX.

(2) Arnob. Lib. adv. Gent. VII.

(3) D. Hieronym. In Vit. Hilarion.

(4) Lib. De Legib. Ritual. Hebr. I. Cap. V. Sect. 13.

(5) Method. ad Histor. Cap. VI.

(6) Epist. ad Hebræos. Cap. XI. 30.

(7) Livius Lib. X. Decad. I.

Tacit. Lib. Annal. XII. Cap. 18.

Appian. De Bell. Afric.

cus eorum Dominus, Civilisque Rex, & Jehovah stator esset, imperantis, facere debuisset nemini ignoratum; unde hostium aras & ipsi, lucosque, fana & simulacra comburerent, subverterent, confringerent, atque delerent. (1) Quid tamen illam inter combustionem, & Dei præceptum? quid in tanta similitudine dissimilius? Cremata siquidem ab Ethnicis arma, ceteraque devicta ad expiandas, eluendasque lustralibus ignibus cædes; (2) immo eorundem testimonio Scriptorum, Marti, Mercurio, aliisque Bellicis Diis, capta universa, combustionem illa, sacrata; e diverso cremata ab Hebræis Simulacra & anathemata Deorum, & Tempia in Religionum profanarum contumeliam, & ad avertendos ab Idololatria animos. Habuere & Israelitæ suum Præsidentem bellorum, Præsidentem Urbium Deum, numquam tamen hostibus profuturum, etiamsi Thebæorum instar, preces concepisse aliquando visi Romanorum precibus similes, & veluti Evocationem pati pertimescerent accommodatas. Sic enim haud semel Poeta Rex: (3)

*Cur Nos relinquis penitus, o rerum Parens,
Hostique dedis impio?*

Colles Sionis, Numinis sedem tui

Bonus favensque respice;

Tandem resurge, & hostium superbiam

Compesce: perde funditus

Hostes

(1) Deuteronom. VI. VII. XII. XXIX.

(2) Voss. Lib. De Orig. & Prog. Idol. II. Cap. 63.

(3) Psalm. LXXIII. Vers. Buchanan.

Hostes protervos, qui tuum sacrarium

Manu nefanda polluunt.

Nativa hæc erat siquidem in bellis vota concipiendi ratio, & exprimendi modus, quo æterni Numinis præsidium impetrare, aut iram ejus placare satagebant Hebræi, nil certe de ritu Evocationis cogitantes. Sic in Cantico Moyſis inducitur Deus his loquens verbis: *Aſſcondam faciem meam ab eis;* (filiis Israel) *foris vastabit eos gladius & intus pavor..... sed propter iram inimicorum distuli: ne forte superbirent hostes eorum, & dicerent: manus nostra excelsa, & non Dominus fecit hæc omnia.* Certum sane indicium, nil hostes Hebræorum præsidii posuisse in evocato Israelitarum Deo. Subdit quidem Moyſes: *Quomodo persequatur unus mille, & duo fugent decem millia? Nonne ideo, quia Deus suos vendidit eos, & Dominus conclusit illos?* (1) Sed cui non notum Orientale dicendi genus, & Biblicum, ut ajunt, metaphoris, imaginibus, sublimitate æque & emphasi refertum? Quamvis enim inducantur loquentes Hebræorum hostes de vero Numine destituente Israelitas, id tamen Evocationis eos tribuisse ritui nec Moyſes adferit, nec potest concipi; quum id immo distulisse Deus repræsentetur, quod non iræ & derelictioni suæ, sed humanis potius viribus tributum illud iri a Gentibus cognosceret. Madianites ille miles, qui sacrum apud Auctorem agebat: *Tradidit Dominus*

D 4

(Deus

(1) Deuteron. Cap. XXXII.

(Deus Madianitarum Tutelaris) *in manū ejus*
(Gedeonis) *Madian & omnia castra ejus*, (1)
videtur Æneæ instar de Jove Græcis favente lo-
quutus:

Ferus omnia Jupiter Argos

Transtulit, (2)

Aut loquutus illius instar alterius Vatis, juxta
quem, se pro Cæsare Pharfaliciis in campis de-
clarare incipiente Fortuna, Pompejus Hostis ad
castra

transisse Deos, Romanaque fata

Senferat infelix. (3)

Et tamen quis imaginaretur ab Gedeone Ma-
dianitarum Præsidentem evocatum fuisse Deum?
Satagebant Madianitæ quidem infensum facere
Hebræis Israelitarum Deum, verum non Evoca-
tione id aut prece peragebant, sed, ut ait Chry-
sostomus, puellas alienigenas exornantes, collo-
cantesque in exercitus Israelitici conspectu, le-
nocinabantur homines ad stuprum primo, deni-
que ad impietatem. *Antiquitus enim*, inquit
Sanctus Pater, *Deus dux erat bellorum, & absque*
illius sententia, numquam attingere pugnam ausi
fuiſſent Hebræi, bellumque ipsis pietatis fiebat ar-
gumentum. Nec enim ex corporis infirmitate, sed
propter peccata vincebantur, si quando victi sunt:
nec potentia & fortitudine, sed superna benevo-
lencia vincebant, quandocumque vincebant. ---

Hoc

(1) Lib. Judic. VII. 14.

(2) Lib. Æneid. II.

(3) Lucan. Lib. Pharfal. VII.

Hoc itaque scientes Madianitæ , & cognoscentes gentem illam inexpugnabilem esse , & machinis quidem & armis expugnari non posse , peccato vero tantum ipsam capere facile esse , Virgines speciosas ornantes , & ante castra statuentes , ad lasciviam milites provocabant , per fornicationem , Dei auxilium auferre studentes ; quod quidem evenit .

αὐτοὶ γοῦν συνιδόντες οἱ Μαδυναῖοι , καὶ ἰνοῦντες ὡς ἀκαταμάχητον ἐστὶ τὸ ἔθνος ἐκεῖνο , μηχανήμασι μὲν καὶ ὅπλοις ἀμύχανον αὐτὸ καταγωνίσθαι , ἁμαρτίᾳ δὲ μόνον δυνατὸν αὐτὸ εἶναι , παρθένοις καλωπίσαντες εὐμόρφους , καὶ εἰσάγοντες ἐπὶ τῇ παραπύλῳ , εἰς ἀτέλγειαν ἑξακαλοῦντο πρὸς ἐρασιώτας , διὰ τὴν πορνείαν ἀποσῆσαι αὐτὸ θεῷ καὶ συμμαχίαν σπουδάζοντες , ὅπερ δὴ καὶ συνέβη . (1) Unus inter Hebræos Amasias , Idumæorum post cædem , captis filiorum Seir Diis , statuiffe eos dicitur in Deos sibi , & adorasse eos , & adolevisse illis incensum ; quod adeo tamen extra sanctæ Gentis morem erat , ut iratus adversus Amasiam Dominus , miserit ad illum Prophetam , qui diceret ei : *Cur adorasti Deos , qui non liberaverunt populum suum a manu tua ?* (2) Notumque omnibus , quid Achano acciderit , ob anathema raptum , e spoliis expugnatæ Jerichuntis . (3) Calebū igitur Josuamque , qui , postquam promissam lustrassent terram , ut terribitum ceteris ab exploratoribus Populum a metu revocare valerent , dixerunt : *Ne timeatis populum*

(1) Homil. XIV. ad Pop. Antioch.
V. Numer. XXV.

(2) Lib. Paralip. II. Cap. 25.

(3) Lib. Josue Cap. VII.

pulum terræ hujus : recessit ab eis omne præsidium ; (1) non imaginari debemus ad evocatum eos voluisse respicere Numen ; sed consilia innuisse, robur, virtutem & audaciam resistendi, Principes ac Duces exactos, Jobum præsertim eorum olim Defensorem ; (2) aut, uti verius Septuaginta vertunt : Abiecit tempus ab eis ὁ καιρὸς ; scilicet, ut vetus Interpres παραπράξει, consummatum est statutum eorum, & attigit tempus, quo dictum fuit Abrahamo Patri nostro, ætate quarta revertentur huc ; (3) quibus ex omnibus confirmatur apertissime, quod Viris harum rerum peritissimis frequens adnotatum ; valde videlicet lubricum esse, Orientis Theologiam e Græca, vel Romana judicare, (4) quod in bellica maxime Religione verum est ; nec enim eodem ritu diversarum regionum, diversarum ætatum Gentes, aut eadem ratione se gessere, dum auxiliare carmen, dum Epinicia, dum militariter Pæana canerent, bellicæve commilitonibus Diis offerrent hecatombas.

CA.

-
- (1) Lib. Numer. Cap. XIV. 9.
 (2) Fagius Comment. in Cap. Numer. XIV. 9.
 (3) Phefistha in Not. Major. ad Numer. XIV. 9.
 (4) Spencer. Lib. II. De Leg. Ritual. Hebr. Cap. XIII.



C A P U T IV.

Ex jure bellico Romanorum necessitatem ortam Evocationis.



U^t omnia suos ad mores, propriamque referunt ad ætatem, haud facile necessariam dicerent Evocationis cæremoniam; qua enim de causa, inquit, quo jure expugnatæ Urbium Temp^{la}, post obsidionem, atque Victoriæ, exspolianda a victoribus erant? Cur captis hostium mœnibus, divitiis, profanis ceteris egestis, atque humanis etiam corporibus in servitutem reductis, sacra adhuc ornamenta, Templorumque donaria, Deorum Signa, pecuniæ sacræ juris Victorum efficerentur? Hoc tamen certum erat, Veterum si testimonia, si jus veterum bellicum respiciamus, Pausanias morem fuisse Græcis, Barbarisque communem ait, ut res sacræ arbitrii eorum fierent, qui Urbes cepissent. Sic Jovis Hercæ Simulacrum Troja capta concessum

Sche.

Sthenelo, multaque alia ejus moris exempla commemorat. (1) Thucidides vero: *τὴν πόλιν ποῖς ἐβλήσιν εἶναι, ὣν ἂν ἡ πρὸ κράτος τῆς γῆς ἐκάσῃς ἢ πλεονος ἢ πλεονίας, τῶν κ' πρὸ ἀλλήλων γίνεσθαι.* Jus hoc, ait, (2) apud Græcos esse, ut qui imperium obtineant in terra aliqua magna, aut parva, eorum sint & Tempia. Eo usus fuisse Carthaginienſes jure discimus ex naufragio exercitus Annibalis ab Italia recedentis: (3)

*Hinc varia ante oculos facies, natat æquore toto
Arma inter, Galeasque Virum, cristæque rubentes
Florentis Caput, & gaza sepeſta triumpho,
Laurens præda Ducis, tripodes, mensæque Deorum,
Cultaque nequicquam miseris Simulacra Latinis.*

Immo valde confirmatur ex Tullio, (4) Plutarcho, (5) Appiano, (6) referentibus Scipionem, diruta Carthagine, Siciliæ Populis denuntiassè, ut erepta sibi a Pœnis Insulam bello infestantibus donaria, anathemata, & Signa sacra repeterent, quæcunque agnoscere possent; ipsumque Classè reductum in Urbem, triumphum egisse omnium nobillimum, Statuis refertum atque donariis, quæ Carthaginienſes tot per ætates, ex tot victoriis orbe toto patratæ, in Africam comportaverant. Eo tamen jure nullagens usa frequentius est, quam togata; quæ de re pluribus agit Grotius in Opere de Jure belli & pacis, ubi inquit an sacra cadant sub potestate

(1) In Arcad. (2) Lib. IV.
(3) Sil. Ital. Lib. XVII. (4) In Verr. IV.
(5) In Apophthegm. (6) De Bell. Punic.

state Victoris . Nos autem selectiora originalibus olim e Scriptoribus conlecta in medium adducemus . *Mos vetus* , inquit Livius , (1) *erat Romanis* , cum quo nec *foedere nec aequis legibus jungerentur amicitia* , non prius imperio in eum tanquam pacatum uti , quam omnia divina , humanaque dedisset ; *obsides accepti* , arma dempta , *presidia Urbibus imposita forent* . Heinc Plauti illa : (2)

Urbem , agrum , aras , focos , seque uti dederent .

Et rursus :

Deduntque se , divina , humanaque omnia .

Sic quum Cæsar belli civilis tempore adiret Urbem cum Exercitu , adtonitam eam ex metu reperit ,

namque ignibus atris

*Creditur , ut capte , rapturus mœnia Romæ ,
Sparsurusque Deos .* (3)

Et Lesbienles ad fugientem Pompejum : (4)

Accipe Templorum cultus , aurumque Deorum

Accipe : ne Cæsar rapiat , Tu victus habeto .

Jura enim belli latius patebant olim , quam hodie ; nec magis olim Templis , Aris , ac Sacerdotibus , quam prophanis ædibus , ac hominibus parcere videbantur : eaque ratione excusatus Homericus Agamemnon , qui Apollinis Pontifici demisse petenti , se Filiam numquam red-

(1) Lib. VIII. Decad. 3.

(2) In Amphitr.

(3) Lucan. Lib. Pharsal. III,

(4) Idem Lib. Pharsal. VIII,

redditurum adfirmavit, conviciisque laceffitum tanto cum rubore, atque contemptu a se depulit; quod jure belli Chryseis Agamemnoni obtigisset in prædam. (1) Heinc etiam Maro Græcis vastantibus Trojam: (2)

Nec Te tua plurima Panthu

Labentem pietas, nec Apollinis insula texit.

Heinc & Venusinus Vates, dum Junonis sub persona victorias ominatur Romanorum, fore pollicetur, ut, (3)

Stet Capitolium

Fulgens, triumphatisque possit

Roma ferox dare jura Medis,

.

Omne sacrum rapiente dextra.

Miror ego scripsisse Sallustium, Populo Romano a principio inopi, melius visum amicos, quam servos quærere; tutiusque ratum volentibus, quam coactis imperitare; (4) neque victis quidquam præter injuriæ licentiam eripuisse. (5) Nempe virtutes Veterum exaggerat, ut vitia suæ ætatis amplificet. Non enim publica, & prophana modo omnia, verum etiam Sacra victoris in potestatem venire consueverant, & fana ipsa spoliari, uti de iis, quæ victis accidere jure solebant, Orationem habens ajebat eundem apud Sallustium Cato; neque se super capta, aut dedita urbe supremo, ac tuto uti imperio.

(1) Riccius Dissert. IX. Homeric.

(2) Lib. Æneid. II. (3) Lib. Carm. III. Ode 3.

(4) De Bell. Jugurth. (5) De Bell. Catilin.

perio credebant Quirites, si ejusmodi veluti libertatis imagines adhuc hostis servaret. Vel in ipso Romani populi exordio jure concipi id debere evincit ipsa deditionis formula apud Livium, ita de Collatia Sabinis a Romanis adempta scribentem: *Rex (Tarquinius) interrogavit, estisne vos Legati oratoresque missi a Populo Collatino, ut vos populumque Collatinum dederetis? Sumus. Estne populus Collatinus in sua potestate? Est. Deditisne vos populum Collatinum, urbem, agros, aquam, terminos, delubra, utensilia, divina humanaque omnia in meam populi que Romani ditionem? Dedimus. At ego recipio.* (1) Hoc Gentium, hoc imperatorium jus, bellicam legem Veteres vocavere; easque usurpavere aliquando voces non Gentiles etiam Viri. Augustinus Pompejum adyta Hierosolymorum Templi, a quibus soli non arcebantur Pontifices, ingressum ait *non devotione supplicis, sed jure victoris* (2). Idemque Templum excidio a Tito datum Flavius memorans, factum addit, *οὐ τῷ πολέμῳ νόμῳ*. (3)

Nulla igitur apud Romanos Urbium deditio erat absque deditione Sacrorum, uti nulla ab eisdem erat adversus Urbes hostium relata victoria, nisi captos inde, victosque referrent Deos. Quare Princeps Legationis Campanorum, etiamsi sponte Quiritibus se dedentium,

Quan-

(1) Lib. I. Dec. 1.

(2) Lib. XVIII. *De Civit. Dei*. Cap. 45.

(3) Lib. V. *De Bell. Judaic.* Cap. 24. 34.

Quandoquidem, inquit, (1) *nostra tueri adversus vim, atque injuriam justa vi non vultis, vestram certe defendetis. Itaque populum Campanum, Urbemque Capuam, agros, Delubra Delum, divina humanaque omnia, in vestram, Patres Conscripti, populi que Romani ditionem dedimus, quidquid inde patiemur, dedititii vestri passuri. Videtur hæc immo unica fuisse deditiois formula. Spurius quippe Posthumius haud teneri populum Romanum factam ad Caudium injussu suo exequi deditioem suadens, An si ea superbia*, inquit, (2) *qua sponsonem istam expresserunt nobis Samnites, coegissent nos verba legitima dedentium Urbes nuncupare, deditum Populum vos Tribuni diceretis? Et hanc Urbem, Tempia, Delubra, Fines, aquas Samnitium esse? L. denique Attilius, domita Capua, ex auctoritate Senatus Plebem in hæc verba rogavit: (3) Omnes Campani, Atellani, Calatini, Sabatini, qui se dediderunt in arbitrium, ditionemque Populi Romani Fulvio Proconsuli, quique una secum dediderunt agrum Urbemque, divina humanaque utensilia, sive quid aliud dediderunt: de iis rebus quid facere velitis, vos rogo, Quirites. Quod etiam jus, qui mos ex eo confirmatur vehementer, quod alicui dum parcerent Populo Romani, Sacra etiam sua, Deosque redderent antea captos, uti quum relata de Latinis omnibus*

(1) Livius Lib. VIII. Decad. 1.

(2) Idem Lib. IX. Decad. 1.

(3) Idem Lib. VI. Decad. 1.

bus victoria, ne populosa ex regione vastam efficerent solitudinem, diversa ratione erga singulos egere. Lanuvinis nempe Civitas data, Sacraque sua redditā, ea solum conditione, ut ædes, Lucusque Sospitæ Junonis communis Lanuvinis municipibus cum Populo Romano foret. (1)

Jam vero nimii essemus, si pluribus id a nobis esset ostensum; quare ea in medium ferre tantum constituimus, quæ duo eximii imperio consulari Viri apud Patres differuere. De diruta Syracusarum Urbe, de ablatiis Deorum Simulacris, Templorumque donariis, ac ornamentis gravissime querebantur apud Senatum Siculi, adversus quos M. Marcellus, qui tanti facinoris arguebatur, Orationem habens, *Ego inqueibat, (2) Patres Conscripti, Syracusas spoliatas si negaturus essem, numquam spoliis earum Urbem Romam exornarem: quæ autem singulis victor aut ademi, aut dedi, cum belli jure, tum ex cujusque merito satis scio me fecisse.* Latius alter Col. C. scilicet Flaminius hoc de jure Victorum adversus victos pronunciavit. Lamentabantur apud Patres Ambraciensium Legati, quod sibi, quum in pace essent, imperataque a prioribus Colis. fecissent, & eadem præstare obedienter M. Fulvio parati essent, bellum idem adhuc gravissimum intulisset: agros iccirco de-

E popu-

(1) Livius Lib. VIII. Decad. 1.

(2) Idem Lib. VI. Decad. 3.

populatos dicebant , terrorem direptionis , & cædis Urbi injectum , ut eo metu claudere cogerentur portas : obsessos deinde , & oppugnatos se , omnia belli exempla patrios adversus Lares edita , cædibus , incendiis , ruinis , direptione Urbis : Conjuges Liberosque in servitium abstractos : bona adempta : & quo supra modum moverentur , Tempia tota Urbe spoliata ornamentis : Simulacra Deum , Deos immo ipsos convulsos a sedibus suis ablatos esse ; parietes , postesque nudatos , quos adorarent , ad quos precarentur , & supplicarent , Ambracienfibus vix superesse . Jamque flectebantur Patres , quum M. Fulvii causam exceperit C. Flaminius , qui , *vetere , & obsoletam viam ingressos Ambracienfes dixit ; Sic M. Marcellum a Syracusanis ; sic Q. Fulvium a Campanis accusatos : quin eadem opera T. Quintium a Philippo Rege , M. Acilium , & L. Scipionem ab Antiocho ; Cn. Manlium a Gallis ; ipsum Fulvium ab Ætalis , & Cephalenia populis accusari paterentur ? Ambraciam oppugnatam , & captam , & signa inde , ornamentaque ablata , & cetera facta , quæ captis Urbibus soleant , negaturum aut me pro M. Fulvio , aut ipsum M. Fulvium censetis Patres Conscripti ? qui ob has res gestas triumphum a vobis postulaturus sit ? Ambraciam captam , Signaque , quæ ablata criminantur , & cetera spolia ejus Urbis ante Currum laturus ? (1) A Quiritibus igitur qui victi*

(1) Livius Lib. VIII. Decad. 4.

victi erant; ita deditionem pacisci non poterant;
 ut a militari licentia, five Victoris a jure, Deo-
 rum & Signa; & Sacra immunia efficere pos-
 sent; severe nimium distinguētib; Romanis,
 quorum esset dare in bello leges; quorum acci-
 pere, perpetua scilicet ex consuetudine; nul-
 lam accipiendi armato, seu potius omnibus an-
 tea non nudato ab hoste conditionem. Belli-
 cum hoc attamen jus cum ceteris principiis ope-
 randi Quiritum erat componendum, cum Reli-
 gionum scilicet studio, cum Locorum Religio-
 ne; cum opinione de Diis suarum direptionem
 opum vindicare solitis: Non enim Tutelares
 modo ubique Romani Advenæ venerati, sed &
 eorum Tempia; & luci, ceteraque *deorum domicilia*
 loca summæ observantiæ erant, summæ apud
 eos, ac infinitæ reverentiæ; immo in bello au-
 spiciis adeo, adeo religionibus addicti erant Ro-
 mani; ut ea de causa eorum Duces pulcherri-
 mas amittere coacti sæpe fuerint vincendi occa-
 siones; (i) Romanorum namque seipsum amo-
 re Religionis exhauriebat Imperium, & apud eos
 bene agendarum rerum curam nimia cæremo-
 niarum copia dissolvebat; quare prima videtur
 fronte eos bellum, in quo sæva exerceri, jube-
 rique publice vetita privatim solent, in quo præ
 armorum strepitu leges exaudiri non possunt,
 odio habere debuisse. Itaque quis inde conse-
 qui aperte non videat, necesse prorsus fuisse,

E 2

ut

(1) Freinshem. ad Lib. VII. Curt. Cap. 1.

ut Deos suis e Lucis , ac Templis , suis e sedibus , ex antris , & Simulacris suis exire compellerent Quirites , antequam hostilium in expugnatione Urbium eas Sedes , ea Tempia vi ac terro , flammisque cum Urbe , ac mœnibus everterent , antequam aras , ac fana , donaria , ac Sacra militari jure , ac impetu diriperent , ne infando polluerentur sacrilegio ? Hoc nempe docuit apertissime Servius . *Evocabantur* , inquit , (1) *ab Hostibus Numina propter evitanda sacrilegia* . Cur enim Deorum iræ occurrendum pro sua Religione Romani haud fatigissent , cur impii , ac sacrilegi esse voluissent , Diis , uti autumabant , ipsis suarum direptionem , ac populationem opum vindicare solitis , neglectamque locorum Religionem aperte adeo , adeo severe ulcisci ? Ut de suppliciis taceam , quibus ob violata asylorum jura affecti tot Populi , eorum sententia , fuerunt , (2) ut taceam horrenda de voce Templo Maturæ Matris edita cum tristibus minis , ni nefandos ignes Latinorum Milites procul delubris amovissent ; (3) utque præteream Isidis spectrum visum , dum Mithridates Rhodum oppugnaret , magnam vim ignis in Oppugnantium jaculari machinas , unde Expugnationem desperans Rex e Rhodo movere cogeretur ; (4) utque taceam quæ de Japygibus ,
ceū

(1) In Lib. Æneid. II.

(2) Rithersufus Lib. *De Jure Asyl.* Cap. X.

(3) Livius Lib. VI. Decad. 1.

(4) Appian. *De Bell. Mithridat.*

teu credita ; refert Athenæus , Japygum Ducet
adversus Numina contumeliosos fuisse , ex adytis
nempe & fanis Deorum Imagines diripuisse , præ-
stantes præstantiores ad Viros illas commigrare :
Itaque fulmine percussos , igne simul & ære pœnas
exsoluisse ; τοὺς δὲ ἡγμένους πᾶν ἱαπύγων ἐροβρίζοντας
 πρὸ θεῶν , πρὸβειν ἐκ πᾶν ἱερῶν καὶ πᾶν θεῶν ὀργάματα ,
 προεκπόντας μεθίστασαι τοῖς κρείττοσι . διόπερ ἐξ οὐρανῶ
 βαλλόμενοι πυρὶ καὶ χαλκῷ αὐτὴν δίδοσαν τὴν φήμην :
 (1) ast in ore tamen popularis famæ erant
 Xerxis , (2) Brenni ejusdam , (3) & Alexan-
 dri copię ; (4) Pyrrhus , (5) & Antiochus ,
 (6) Dolabella , (7) & Turulius Antonii Præ-
 fectus , (8) quod ob violata , spoliataque in
 bello Tempia pœnas Tutelaribus dedissent , unde
 ultionum hujusmodi inexsaturabilium universas
 apud Gentes obtinuerat memoria . Heine illa re-
 centis Poetæ carmina : (9)

Quid memorem Gazas ; immensaque præmia Thebis
Relata ex Italis ? & parta trophæa beatis
De oculis , faccisque ? intactas sub juga gemmas
Isse ? triumphatum quod rerum cuncta triumphat
Aurum , atque argentum ? captis donaria Templis

E 3

Sacri

-
- (1) Lib. Deipnosoph. XII.
 (2) Herodot. Lib. VIII.
 (3) Justin. Lib. XXIV.
 (4) Lactant. Lib. Divin. Instit. II. Cap. 8.
 (5) Valer. Max. Lib. I. Cap. 2.
 (6) Appian. De Bell. Syriac.
 (7) Cicer. Actio. II. in Verr.
 (8) Valer. Max. Lib. I. Cap. 2.
 (9) Anonym. Sat. N. C. S.

*Sacrilega direpta manu? Simulacra Deorum
 Conflata in pretium? lances, calicesque sacratos
 Luxurie addictos, Bacchoque, epulisque prophanis?
 Non impune tamen. Namque hæc tam barbara facta
 Implevere sua caelestia Regna Mephiti;
 Et nasum tulere Dei. Tunc Phœbus Apollo
 Bile jecur tumidus, correptum protinus arcum,
 Tota ope connixus, plenum conduxit in orbem:
 Densaque pestiferi contagibus illita Viri
 Spicula sacrilegi direxit in agmina Brenni.
 Et multas Heroum animas, ipsumque supremum
 Induperatorem stygio demisit Averno;
 Corporaque exanimum dispersa reliquit in arvis
 Alitibus carpenda feris, canibusque, Lupisque,
 Neve inhumata forent, vivis carpenda sepulchris.
 Heinc sua in Argenide Barclajus, haud obscuram
 simulabat fuisse inter Sardos famam, contigisse
 ira Deum, eam, quam descripserat, Regibus,
 ac patriæ cladem, ob violatam, uti fingit, a Ra-
 dirobane Religionem Templi, quod sanctissimum
 habebant, decem a Callari millibus, Jovi caelesti
 nuncupatum: multa fuisse ex auro, argentoque
 ad aram donaria, & ipsius Numinis breve Signum
 solido auro prisca a Regibus sacratum; quæ omnia
 Radirobanes in Africam trajecturus, inani mutui
 nomine, belli in sumptum diripiens, ipso quoque
 Sacerdotes contumeliose repulerat; jam tum qui-
 dem multorum tristi præfagio, omni denique in
 Sardos calamitate sequutum. (1) Tantarum igitur*

(1) Lib. V.

tur fama ultionum, Romanorum animos, nedum ab inconſuetis illis Fanorum direptionibus, verum & ab quacumque Urbium, Diis ſemper ſacratarum, obſidione arcere debuiffet, niſi Evocationis ope, Diis, ac Locorum Religioni legitime ſatisfactum fuiſſent arbitrati, ſibiſque veteri ex institutione, ſcitiſque Pontificum certiffime perſuaſiſſent, Evocationis legitimo recitato carmine, nec violata exinde quæ exaugurata cenſebant loca, nec repleta adhuc Deorum numine Tempſa, nec res inter ſacras enumeranda iterum aut Deum Signa, aut ἀναθήματα, nec læſos inde Tutelares Deos, nec in oppugnato adhuc ſu-
perſeſſe loco, ſed alias ad Sedes, alia eos perrexiſſe ad Tempſa, deviſtam ad Urbem numquam reverſuros.

Notanda heinc ἀβελτία, qua laboravit Gro-
tius, quod hanc in tempore, ſeu potius in loco non reſpexerit Evocationis doctrinam, & cære-
moniam. Ille poſtquam docuiſſet, jus Gentium
merum, ſepoſita officiorum aliorum conſidera-
tione, Sacra in bello non excipere, cujus rei &
exempla tulit, & teſtimonia, ſubdit: (1) *Illud
tamen verum non eſt* (jus Gentium ſcilicet Sa-
crorum poteſtatem permittere) *ſi quo in Simula-
cro Numen aliquod ineſſe credatur. Id violari, aut
corrumpi nefas ab iis, qui in ea perſuaſione con-
veniunt: & hoc ſenſu impietatis, aut læſi etiam
Gentium juris accuſantur interdum, qui talia com-*

E 4

miſe-

(1) Lib. III. De Jure Belli & Pac. Cap. 5.

miserunt, nimirum ex talis opinionis positione. Aliud est, si hostes non idem sentiant: sicut Judæis non permissum tantum, sed & præceptum est Gentium Simulacra abolere. Sciebant quippe Hebræi Dei certissimo monitu in Simulacris illis non habitare aut Dei Spiritum, aut bonos Angelos, aut vim Astroorum, ut deceptæ Gentes existimabant, sed pravos, & humano generi infestos Demonas; non mirum ergo est, si Tempia profani cultus a Machabæis incensa non semel legimus. Sic & Xerxes cum Simulacra Græcorum corripit, nihil fecit contra jus Gentium, etsi multum id ad invidiam exaggerant Græci Scriptores; nam Persæ non credebant in Simulacris esse ulla Numina, sed Deum esse Solem, & portionem ejus aliquam ignem. Hæc Grotius, cujus equidem per se vera sententia, Historiæ tamen accommodata, nisi ad Evocationem confugiamus, inexsuperabiles rapit animum in ambages; consequeretur scilicet, vel Romanis Hebræorum instar, instar Persarum, persuasum fuisse in devictarum Urbium Signis nullum, ante oppugnationem etiam, inhabitare Spiritum, vim Deorum nullam, nullum Genium; vel alios coluisse, alios invisos habuisse Deos; vel denique omnium Signa sacra Gentium, & ornamenta Templorum Romam deferentes, sacrilegos, impiosque fuisse, & juris Gentium Osores.

Hæc vero omnia ut opposita inter se sunt, ut
WAVT IONETE
frequens Gentilium in sententiis actisque invenimus; ast conciliari tamen haud possunt cum veritate. Quid enim certius, quam
cre-

creditum a Romanis fuisse, Deos in Simulacra ingredi, ad ea accedere, in illis habitare, ab eisdem exire demum, excedere, & avolare? Quid certius, quam Romanos Religiones omnes coluisse, didicisse, adoptasse, univerfarum Gentium Sacra suscepisse, initiasse ritus omnium Religionum, eosdemque ubique Deos, ut agebant, immortales esse credidisse? Univerfa hoc ostendit historia, universi eorum Auctores. Optime S. Leo de Urbe Roma: (1) *Hæc autem Civitas ignorans suæ profectionis Auctorem, cum pene omnibus dominaretur Gentibus, omnium Gentium serviebat erroribus, & magnam sibi videbatur assumpsisse Religionem, quia nullam respuebat falsitatem.* Quare certum etiam, nullos invisos habuisse Deos, nullius Gentis abominatos fuisse Sacra, ea scilicet, quæ receptas Religiones falsitatis non arguebant; exque Sacrorum dissonantia causam inferendi cuiquam belli numquam prætexisse Quirites, (2) ceteroquin ad effingenda belli motiva adeo proclives, φιλοπολέμους adeo, adeo in occasionebus aliena diripiendi utcumque captandis, simulandisque faciles. Ergo, inquiet Grotius, eorum Signa absque piaculo rapere Romani non potuissent. Utique, reponam, si Deos moram in Simulacris adhuc trahere credidissent: si excessisse eos haud fuissent arbitrati: uti reapse hujusmodi in opinione erant ex Evocationis doctri-

(1) Serm. I. in Natal. SS. Apost. Petr. & Paul.

(2) Salmaf. in Solin.

strina, cæremoniis, & carmine. Hunc juxta sensum interpretanda Poetæ illa: (1)

Colui vestros si semper honores

Quos contra Æneadæ bello facere profanos:

Et ad eundem referenda Macrobiani verba: (2) *Bellum omnia profanat*; uti & Pomponii Jurisconsulti: (3) *Cum loca capta sunt ab hostibus, omnia desinunt sacra esse*; non ea ratione modo, ut ait Grotius, quod quæ sacra dicuntur, revera non eripiuntur humanis usibus, sed publica sunt; sacra autem nominantur a fine, cui destinata sunt. Hæc contemplativam sapiunt hominis jurisprudentiam, non practicam Romanorum Religionem. Itaque desinebant esse sacra, prophanaque esse apud Romanos cœperant, quod recitato Evocationis carmine exaugurata censerentur, sine Deum Numine, absque divina vi, & Spiritu omni vacua illa Signa, iccirco sacrilegium omne, ea ex doctrina, Quirites evitarent. Sane si Deorum Simulacra, & ornamenta Templorum a Romanis, expugnatione quacumque peracta, Romanam delata fuere, cur hominum supersticiosissimos in belli maxime negotio, & Deos omnes, pro Imperii arcano, summo cultu veneratos, dicamus esse voluisse sacrilegos? Cur fuisset apud eos jus Gentium, quod inaudito absque piaculo peragi a nemine animata falso Simulacra potuisset? Extra rem immo nec fortasse esset, si hanc Deo-

(1) Lib. Æneid. XII.

(2) Lib. Saturnal. III. Cap. 3.

(3) Lib. XI. Pandect. tit. 7.

Deorum Evocationem, unam fuisse arbitraremur ex caussis, quibus belli jura res etiam ad sacras extendere Quirites. Cur enim exauguratis parcerent Simulacris, cur ornamenta Templorum inviolata relinquerent, Diis, eorum sententia, jam alio se receptis, & oppugnatae Urbis execratis quasi sedibus? Ea quippe ex opinione, Diis semel evocatis, eadem erant Quirites cum Hebræis, ac Persis in navi, scilicet prophana existimare poterant, quæ olim fuerant sacra, eaque consequenter jure corrumpere, ac rapere. Hac utique de causa Christiani Imperatores, vel in pace, Ethnicorum Simulacra inculpate violare se credebant, eos ad id privata Religione, cui prophana omnia quæ apud alios sacra, & Antistitum impellente doctrina. *Tollite, tollite, aiebat Julius Firmicus Maternus, (1) tollite securi, sacratissimi Imperatores, ornamenta Templorum. Deos istos aut monetae ignis, aut metallorum coquat flamma. Donaria universa ad utilitatem vestram, dominiumque transferte. Post excidia Templorum in majus Dei estis virtute proveci.*

CA-

(1) Lib. De error. Prophan, Religion.



C A P U T V.

*Romanorum Ærarium Evocationis ope
exquisito fuisse modo locupletatum.*



T Reipublicæ Ærarium solius Evo-
cationis ope locupletatum non fuit,
ita neque ex ea semper. Primis
nempe temporibus,

*Vincere quum Vejos posse labo-
ris erat.*

Nec dum ultra Tiberim belli sonus, ultima præda

Nomentum, & captæ jugera parva Coræ, (1)

Hostium ejusmodi expugnatis in mœnibus ea vix
invenisse Quirites arbitror, quæ superstitionem
explerent, non φιλαργυρίαν, aut avaritiam. Quid
enim frequentius illa ætate, quam exigua in
æde fictilibus, ligneisque Diis, aut deasciato sup-
plicare lapidi? Quæ pretiosa magis Simulacra,
quam ex ebano, cedroque facta? (2) Ex quo
consequi necesse est, evocatos illos, tum quum
cir-

(1) Propert. Lib. IV. (2) Salmast. in Solin.

circum suam luctabantur Romani matrem, Deos nec Æsculanos fuisse, nec eorum Ærario conferre potuisse: heinc ad hominum Religionem modo morem illum prima tempestate esse referendum. Feretrius equidem vocatus fuit a Romulo Jupiter, a ferendis videlicet spoliis, quasi triumphator, τροπαιεύχος, & quod ad eum triumphi spolia Victores ferrent. Verum ejusmodi spolia, Deorum instar, instar cæremoniarum illius erant temporis, simplicia scilicet, rudia, ac ignobilia.

Licet vero vel ante devictam Græciam omnia hostium Sacra, divitiasque Templorum abstulerint Romani, sacram tamen in prædam nunquam cupide involarunt magis, quam debellatis Asiæ, ceterisque extra Italiam Populis. Immo quum primum Græcanicas etiam obtinere victorias, quid Signa Deum effabre facta essent, vix dignovisse videntur. *Mummius*, si *Vellejo* *Faterculo* fides, (1) *tam rudis fuit, ut capta Corintho, cum maximorum artificum perfectas manibus tabulas, ac Statuas in Italiam portandas locaret, juberet prædici conducentibus, si eas perdidissent, novas eos reddituros.* Adeo iniqui ætate illa Romani rerum erant ejusmodi æstimatores.

Ærarii rem primum arbitror devicto fuisse *Pyrrho* cum *Evocationis* Religione conjunctam. *Nec enim, ut ait Florus* (2) *ullus pulchrior in Urbem, aut speciosior triumphus intravit. Ante*
hunc

(1) Lib. I, Hist. Rom, (2) Lib. I. Cap. 18.

*hunc diem nihil, nisi pecora Volscorum, greges Sabinorum, carpenta Gallorum, fracta Samnitum arma vidisses. Tum si captivos aspiceres? Molossi; Thessali; Macedones; Brutius; Apulus atque Lucanus: Si pompam? Aurum, Purpura; Signa; Tabulae; Tarentinaeque deliciae. Brevi igitur factum, ut cognoscerent Romani in evocatorum Simulacris Deum materiam superare opus, quare maximo huiusmodi Signorum accenderentur desiderio; nam quum prioris belli Punici tempore, captis a Marcello Syracusis, ornamenta Urbis, Deorum Simulacra, tabulasque sacras ipse Romam detulisset: Hostium quidem illa spolia; ait Livius, (1) & *parta jure belli*: Ceterum inde primum initium mirandi Graecarum artium opera, licentiaeque hinc sacra, profanaque omnia vulgo spoliandi factum est. Eam autem quam Siculae Deorum opes invexere in devictarum Urbium spoliis licentiam, immensum auxere Lucullanæ; Syllanæque in Asiam expeditiones; in quibus Romanus miles non amare modo, ac potare in-fuevit; verum & Signa Deum; tabulasque pietas, cælata Templorum vasa mirari, eaque privatim, ac publice rapere. (2) Heinc quantum Populi ærarium tot ex evocatis inde Græciæ, Asiæ, atque Africæ Diis, tot ex ornamentis fanorum, locupletatum fuerit, quantam auro, argentoque gravem catenam secum illa traxerit*
cære.

(1) Lib. V. Decad. 1.

(2) Giphani. Præf. ad Homer. Odyss.

cæremonia, imaginari nemo satis potest. Apertissime M. Tullius, *In Urbe nostra*, inquit, (1) *pulcherrima, atque ornatissima, quod Signum, quæ tabula picta est, quæ non ab hostibus victis capta, atque apportata sit?*

Cujus rei aptiorem ut habeamus imaginem, animadvertamus oportet, non Statuas Deorum modo, obelyscos sacros, atque pyramides, clypeos, & ægydas, & cuspides, laminasque, hastas, caduceos, & tridentes (nam & multis Populis quæ alia Deorum Simulacra, quam tentoria, & enses, & informes lapides, acinacesque, quam rami, filices, & ligna?) non galeas modo, & *παρὰμυρα*, scilicet aurata fulmina, gemmas, & cælaturas argenteas, aureos vannos, aulæa, & Augurum flammea, & solemnioris ferula pompæ; non pallas modo, fibulas, & arcus, Lyctios, & citharas, foccos, atque pèplos; non donaria modo, & vasa, toreumata, emblemata, thuribula, candelabra, paterasque, & thenas, tripodas, & mensas, coronasque Numinum, armillas, dextralia, corollas, & eorum iñaures; verum etiam pecuniam omnem cum sacram, tum etiam prophanam, cum publicam, tum etiam privatam, quæ in Templis adservari moris erat, & quæcumque in cisternis reperiabantur sacris, ubi Signa nonnulla vetustate collapsa, & alia quædam e consecratis donis reponebantur; quidquid demum ad evocatos pertine-

(1) Lib. in Verr. V.

tinebat Deos, Evocationis caussa, Victorum juris fuisse factum, & Romam cum Deorum Simulacris deportatum. Hoc dum apertissime evincunt nonnulla Christiani Patrum nominis testimonia, lucem etiam ex Evocationis ritu ipsamet accipiunt; ad illum namque relata, & optime intelligi posse videntur, & optima fuisse ratione conscripta; non relata vero ad ejusmodi morem, aliquem vix præferunt sensum. Tertullianus quum de Religionibus ageret Romanorum, qui Orbem occupasse se dicebant, quod Diis omnibus officium præter ceteros fecissent: *Quomodo*, inquiebat, (1) *ob Religionem magni, quibus magnitudo de irreligiositate provenit? Ni fallor enim omne Regnum, vel Imperium bellis queritur, & victoriis propagatur. Porro bella, & victoriæ captis, & everfis plurimum Urbibus constant. Id negotium sine Deorum injuria non est. Cædem, strages mœnium, & Templorum, pares cædes Civium, & Sacerdotum. Nec dissimiles rapinæ sacrarum divitiarum, ac prophanarum. Tot igitur sacrilegia Romanorum, quot trophæa. Tot de Diis, quot de Gentibus & triumphi. Tot manubiæ, quot manent adhuc Simulacra captivorum Deorum. Et ab hostibus ergo suis sustinent adorari, & illis Imperium sine fine decernunt, quorum magis injurias, quam adulationes remunerare debuerunt? Rapinæ videbantur vero ejusmodi Templorum hostilium expoliationes Christiani dogmatis*

(1) Apologetic. Cap. XXIV. XXV.

.matis Patribus, impia spolia, & sacrilegia, quod
 Evocationis sacrum jure floccifacerent, & hac
 de caussa absque Religionis sensu victos dicerent
 Deos, raptos a militibus, a Ducibus triumphat-
 os; unde hisce testimoniis cæremoniam illam,
 & effectus ejus historica tantum lege confirmant.
 Minucius Felix, *Quicquid*, inquiebat, (1) *Roma-*
ni tenent, colunt, possident, audaciæ præda est.
Templa omnia de manubiis Urbium, de spoliis
Deorum, de cædibus Sacerdotum. Hoc insultare,
& illudere est, victis Religionibus servire, capti-
vas eas post victorias adorare. Nam adorare quæ
manu ceperis, sacrilegium est consecrare non Nu-
mina. Toties ergo Romanis impiatum est, quoties
triumphatum: tot de Diis spolia, quot de Genti-
bis & trophæa. Igitur Romani non ideo tanti,
quod religiosi, sed quod impune sacrilegi. Neque
enim potuerunt in ipsis bellis Deos adjutores habe-
re, adversus quos arma rupuerunt, & quos post
cladem triumphatos (sive uti legit Rigaltius)
quos postulaverant detriumphatos colere cæperunt.
 Hæc autem testimonia commentario nullo indi-
 gent, ut quantum ab Evocationis cæremonia lu-
 cis mutuent, quilibet cognoscat; quantum etiam
 ostendant, evocatorum opes Numinum suos Ro-
 mam sequutas fuisse Deos, subque Romanorum
 cessisse potestate, quidquid divitiarum, & auri
 in oppugnatarum Templis Urbium reperiri da-
 tum erat. Si enim strages Templorum, rapinas-

F

que

(1) In Octav.

que sacrarum divitiarum, sacrilega trophæa, spolia Deorum cum Diis captis, victis, triumphatis, & a Victoribus adoratis copulant Christiani Patres; igitur ex Evocatione omnia evenisse apertissime evincunt.

Apud Victores re ipsa omnes, Orientales maxime, mos antiquo tempore obtinuit, ut omnia auferrentur, quæ Sacris erant victæ Gentis cultibus destinata. Quinto enim anno Regni Robœam, Sefac Ægypti Rex captis Hierosolymis, (1) tulit thesauros domus Domini: & thesauros regios, & universa diripuit: scuta quoque aurea, quæ fecerat Salomon. Joas etiam, devicto Amasia, eandem cepit sanctam Civitatem, tulitque omne aurum, & argentum, & universa vasa, quæ inventa sunt in domo Domini, & in thesauris Regis, & obsides, & reversus est in Samariam. (2) Jam Joachim Rex Juda protulerat Nabuchodonosori thesauros omnes domus Domini, & universa vasa aurea Templi, quum ingressis hostibus in Jerusalem, columnas aureas, quæ erant in Templo Domini, confregerunt, & transtulerunt æs omne in Babylonem: ollas quoque aureas, & trullas, & tridentes, & scyphos, & mortariola, & omnia vasa aurea, in quibus ministrabant, tulerunt; nec non & thuribula, & phialas, quæ aurea aurea, & quæ argentea argentea tulit Princeps militiæ; idest columnas duas, & bases, quas fecerunt.

(1) Lib. Reg. III. Cap. 14.

(2) Lib. Reg. IV. Cap. 14.

fecerat Salomon in templo Domini: non erat pondus aris omnium vasorum. Decem & octo cubitos altitudinis habebat columna una: & capitellum aurum super se altitudinis trium cubitorum, & retiaculum, & melógranata super capitellum columnæ: similem & columna secunda habebat ornatum. (1) Superata vero ab Antiocho Urbe Judæorum Principe, introivit Viçtor in sanctificationem cum superbia, & accepit altare aureum, & candelabrum luminis, & universa vasa ejus, & mensam propositionis, & libatoria, & phialas, & mortariola aurea, & velum, & coronas, & ornamentum aureum, quod in facie Templi erat. Et accepit argentum, & aurum, & vasa concupiscibilia, & accepit thesauros occultos, quos invenit, & sublatiis omnibus abiit in terram suam. Et dixit Mathathias: Væ mihi quid natus sum videre contritionem populi mei, & contritionem Civitatis sanctæ, & sedere illic; cum datur in manibus inimicorum? Sancta in manu extraneorum facta sunt: Templum ejus sicut homo ignobilis. Vasa gloriæ ejus captiva abducta sunt. (2) Sic extincto Jafone invadens Antiochus Nobilis Hierosolymam, ausus est etiam intrare Templum: universa terra sanctius Menelao ductore; & sceleratis manibus sumens sancta vasa, quæ ab aliis Regibus, & Civitatibus erant posita ad ornatum loci, & gloriam, contrectabat indigne, & contaminabat: mille &

F 2 octin.

(1) Lib. Reg. IV. Cap. 25.

(2) Lib. Machab. I. Cap. 12.

ostingentis ablati de Templo talentis. (1) De pecuniis autem sacro in Hierosolymitano Templo repositis verba faciens sacer Historicus inquit: Et nunciavit ei (Simeon videlicet Præpositus Templi Apollonio Cœlesiriæ, atque Phœnicis Duci) pecuniis innumerabilibus plenum esse ærarium Hierosolymis, & communes copias immensas esse, quæ non pertinent ad rationem sacrificiorum: esse autem possibile sub potestate Regis cadere universa. Tunc summus Sacerdos ostendit deposita esse hæc & vitlualia Viduarum, & Pupillorum: quadam vero esse Hircani Tobie, viri valde eminentis, in his quæ detulerat impius Simon: universa autem argenti talenta esse quadringenta, & auri ducenta. At ille (Heliodorus Antiochi Admistrer) pro his quæ habebat in mandatis a Rege, dicebat omni genere Regi esse ea deferenda. (2)

Ut vero Hierosolymitana in æde, ita aliis etiam Ethnicorum in Templis maximas divitias, & cum sacras, tum etiam prophanas, cum publicas, tum etiam privatas adservatas fuisse pecunias Bulengerus latissime ostendit. (3) Eas autem Victoribus cefsisse Romanis, qui, cetera uti vitia, ita Orientalium avaritiam indepti, & imitati sunt, ac superavere etiam, ex bellico illo, de quo diximus, jure, sub Evocationis maxime, sive exaugurationis, & defacrationis obtentu certum est; quod scilicet dicerentur Numina

(1) Lib. Machab. II. Cap. 5.

(2) Idem Cap. 3.

(3) Excerpt. De Templo Ethnicorum.

mina fedibus exturbata suis, & quæ sacra erant, prophana omnia effecta. Reapse in descriptione triumphorum, quos Victores gessere Romani, non γιόρ'σμάτα modò τῶν πολιῶν; devictarum videlicet insignia Gentium; sed Dii etiam ipsi, & vasa; & ornamenta Templorum, divitiæque omnes, & opes, & sacrarum copia rerum ceteris cum spoliis devectorum enumeratur. M. Marcello Siculas post victorias ovante in Urbem ingresso, cum Simulacro captarum Syracusarum catapultæ, balistæque, & alia omnia instrumenta læta, & pacis diuturnæ, regięque opulentię ornamenta, argenti, ærisque fabrefacta vasa: & alia supellex, pretiosaque vestis; & multa nobilia Signa, quibus inter primas Græciæ Urbes Syracusæ ornata fuerant. (1) Refert Plinius verba ex ipsis Pompeii triumphorum actis. Ergo, inquit, (2) tertio triumpho; quem de Piratis, Asia, Ponto, Gentibusque, & Regibus die natalis sui egit, transtulit alveum cum tesseriis lusorium, e gemmis duabus latum pedes tres, longum pedes quatuor. Et ne quis de ea re dubitet, nulla gemmarum magnitudine hodie prope ad hanc amplitudinem accedente: in quo fuit Luna aurea pondo triginta millium: Lectos triclinares tres: Vasa ex auro, & gemmis, abacorum novem: Signa aurea tria Minervæ Matris, & Apollinis coronas ex margaritis triginta tres: Montem aureum quadratum cum

F 3

Cer-

(1) Livius Lib. III. Decad. 4.

(2) Lib. XXXVII. Cap. 2.

Cervis, & Leonibus, & pomis omnis generis circumdata vite aurea. In triumpho vero Vespasiani, & Titi Augustorum de Judæis: ἐρίετο δὲ καὶ θεῶν ἀγάλματα, πᾶν παρ' αὐτοῖς μαγείαισι θαυτάσθαι, κατὰ τὴν σέβην ἢ παρέργως πεποιημένα. καὶ πάντων ἐδὶν, ὅ, τί μὴ πῶς ὕλης αὐτῆς πολυτελὲς λάφυρα δὲ οὐ μὲν ἄλλα χυδον ἐρίετο. διέπρεπε δὲ πάντων πᾶ ἔγκρατα ληθύναι τῷ ἐν Ἱεροσολυμοῖς ἱερῷ, χρυσῇ τε τράπεζᾳ πῶν ὀλίγην πολυτάλαντος, καὶ λυχνίᾳ χρυσῇ μὲν ὁμοίως πεποιημένη. Quin & Deorum Simulacra ferebantur, magnitudine apud ipsos mirabilia, & arte eximia laborata: eorumque nihil, nisi quod ex pretiosa materia Spolia vero alia quidem passim ferebantur. Omnia autem superiminebant que in Templo erant Hierosolymitano deprebenta, mensa aurea, que pondere plura talenta æquabat, & candelabrum similiter aureum. (1) Ex hisce autem ornamentis sacris Romam deportatis Populi ærarium exquisito fuisse modo locupletatum ex eo certum est, quod non erant illa Reipublicæ, & libertatis tempore, uti sub Imperatoribus, pro arbitrio aut ad ostentationem, aut ad voluptatem omnino distracta, sed Saturni in Æde sub Quæstoribus adservata. Hoc ex iis dignoscimus, quæ Cæsare cum copiis in Urbem ingressō acciderunt; dum enim ille ærarium, & patrimonium Populi ante raperet quam imperium,

tunc conditus, imo

*Ernitur Templo multis intactus ab annis
Romani census Populi, quem Punica bella,*

Quem

(1) Jos. Flav. Lib. VII. Bell. Jud. Cap. 5.

*Quem dederant Perses , quem victi præda Philippi :
 Quod tibi, Roma, fuga Pyrrhus trepidante reliquit ,
 Quo Te Fabricius regi non vendidit auro ,
 Quicquid parcorum mores servastis Avorum ,
 Quod dites Asia Populi misere tributum ,
 Victoriq̃ue dedit Minoja Creta Metello ,
 Quod Cato longinqua vexit super æquora Cypro .
 Tunc Orientis opes , captorumque ultima Regum
 Quæ Pompejanis prælata est Gaza triumphis ,
 Egeritur . (1)*

Fateor equidem ex Manubiis , atque spoliis ,
 exque multatitio auro , & argento Signa aliqua
 cum sacra , tum etiam prophana haud semel Vi-
 ctorum , ac Ducum Romanorum jussu fuisse con-
 flata , eademque publicis locata in locis . Fecit
 Sp. Carvilius Jovem , qui erat in Capitolio , vi-
 ctis Samnitibus sacrata lege pugnantibus , e pe-
 ctoralibus eorum , ocreisque & galeis , cujus am-
 plitudo tanta erat , ut conspiceretur e latuario
 Jove . (2) Cn. Pompejus honores Urbi tribuit
 in Delubro Minervæ , quod ex Manubiis dicave-
 rat . (3) Idem de Lucillio Metello Dalmatico
 testatur Asconius , (4) deque Acilio Glabrione ,
 & Cn. Lælio Livius , a quibus Cereri , Libe-
 roque , & Liberæ Simulacra ait ex Manubiis
 sacrata . (5) *Tiberius Cæsar* , Suetonio si fi-

F 4 des ,

-
- (1) Lucan. Lib. Pharsal. III.
 (2) Plinius Lib. XXXIV. Cap. 7.
 (3) Idem Lib. VII. Cap. 26.
 (4) Apud Auct. Not. in Sat. D. V. F.
 (5) Lib. III. Decad. 4.

des, (1) *dedicavit & Concordiæ Ædem: item Pollucis & Castoris, suo, fratrisque nomine de Manubiis. In fastigio Fori Trajani, inquit A. Gellius, (2) Simulacra sunt sita, circum undique inaurata Equorum, atque Signorum militarium, subscriptumque est, e Manubiis. Similia demum tot de Curulibus Ædilibus exempla ubique pervia Romana sunt in Historia. Quare ad Persii illa: (3)*

*Hinc illud subiit, auro sacras quod ovato
Perducis facies; nam fratres inter abenos,
Somnia pituita qui purgatissima mittunt,
Præcipui sunt, sitque illis aurea barba:*

Magni ~~om̃s~~ ^{om̃s} ~~χρηταιν̃s~~ Antistites, ovatum aurum esse dixerunt aureum triumphatum, sive trophæorum. (4) Quum enim cultum erga Deos, qui argento, auro, ac gemmis colebantur, in majus extollere Poeta voluisset, heinc posuisse inferunt maximæ exemplum impensæ, quæ hoc in genere apud Romanos fieri solebat, quibus moris erat olim, ut manubiali ex pecunia Viri triumphales dona Diis pretiosissima consecrarent.

Verum ejusmodi ex magnificentia primum, ac Religione haud existimes velim aliquid fuisse utilitati Reipublicæ detractum. Licet enim præteream & conflata ex Manubiis Simulacra in Ærario fuisse aliquando posita, adnotum adhuc satis est, confecta ex hostili præda Signa, inque

(1) Vit. Tiber.

(2) Lib. XII. Noct. Attic. Cap. 23. (3) Satyr. II.

(4) Britannic. & Cataubon. in Sat. Pers. II.

inque foro ; ac publicis locata locis , si non Populi ærario , ejus tamen salutis , Urbis videlicet dignitati , ac magnificentiæ , ideoque securitati inservire debuisse ; occulto nempe , ast opportuno Patrum consilio , qui , uti Tarquinius olim Priscus , ejectionisque Regibus Horatius Pulvillus , per erectas ejusmodi Statuas , portasque , pontes , ac Tempia ad magnificentiam extructa , pecuniam publicam in splendorem prudentissime convertentes , ferocem plebem , oculorum concupiscentia perpetuo laborare solitam , eaque de specie , ac externo Urbis ornatu magis , quam de auctis Reipublicæ opibus gaudentem , in officio facile continebant .

Signa immo illa ac donaria , quæ sive in Templis , sive in publicis fixa erant , ac consecrata locis , haud ita ornamento Fanorum , & Urbis addicta erant , ut ærarium etiam in tempore locupletare non possent ; iis etenim urgente aliqua aut belli , aut inopiæ publica necessitate Patres absque piaculo utebantur , pro supremi scilicet potestate dominii , pro veterum sententia Sapientum , qua Populus ipse , mutata voluntate , posse censebatur ex sacro facere prophanum . (1) Ea universæ Gentes fuerunt in opinione , ut ex Oratione patet Periclis Xantippi Filii Atheniensium Ducis , qua suos ad bellum adversus Lacedæmones ciebat ; (2) exque

(1) Grotius Lib. III. *De Jur. Bell. & Pac.* Cap. 5.

(2) Thucyd. Lib. I.

que Chiis, & Chartaginiensibus, quorum alteri a Zenobio Mithridatis Legato obfessi, ornamenta detraxere Templorum, ut duum millium multam talentorum barbarico exsolverent exercitui; (1) alteri, extremam passuri oppugnationem, Tempia, Fanaque universa publicas verterunt in officinas, ubi interdiu, noctuque incessanter ad propugnacula operarentur. (2) Verum ceteris magis eo usi sunt. Romani jure, non Mithridatico tantum in bello, (3) aut Cannensem post cladem, (4) sed civilibus maxime in bellis, (5) exactoque libertatis, ac Reipublicæ tempore. *Vitellius in urbano officio dona, atque ornamenta Templorum*, teste Suetonio, (6) *surripuisse, & commutasse quædam ferebatur: proque argento, & auro stagnum, & aurichalcum supposuisse*. Auctor est idem Suetonius, (7) præcessisse de Galba famam sævitæ, quod oblatam a Tarraconensibus e vetere Templo Jovis coronam librarum XV. conflasset, ac tres uncias, quæ ponderi deerant, jussisset exigi. Ejusdem denique testimonio, (8) Nero Templis compluribus dona detraxit: Simulacraque ex auro, vel argento fabricata conflavit; in his Penatum Deorum, quæ mox Galba restituit. Itaque & Neronis

(1) Appian. De Bell. Mithrid.

(2) Idem De Bell. Punic.

(3) Idem De Bell. Mithrid.

(4) Livius Lib. V. Decad. 3.

(5) Cæf. De Bell. Civil. Lib. I. Cap. 1.

(6) In Vit. Vitell. (7) In Vit. Galb.

(8) In Vit. Neron.

nis sub Imperio , post miserabile Urbis incendium , conferendis pecuniis pervastata Italia , provincie everse , sociique populi , & quæ Civitatum liberæ vocantur : inque eam prædam etiam Dii cessere , spoliatis in Urbe Templis , egestoque auro , quod triumphis , quod votis , omnis Populi Romani ætas prospere , aut in metu sacraverat . Enim vero per Asiam , atque Achajam non dona tantum , sed Simulacra Numinum abripiebantur , missis in eas provincias Acrato , & Secundo Carinate . (1) Potiori autem de causa , quæ in Foro , quæ in publicis Romæ locis consecrata erant ex Manubiis trophæa , & Signa detrahi posse videbantur , quod repertum esset , cunctas ceremonias , templaque , & Numinum effigies Italicis in Oppidis juris , atque Imperii Romani esse . (2) Quæ equidem in re Romanis Principibus familiari , exacto Idololatriæ tempore [si eam excipias , quæ aliquando & in Sacra nimium defævit , Byzantinorum iram , & avaritiam] (3) Religio , ac prudentia temperare modum ; præsentem videlicet moderationem fovere , & celebrare pergentibus iis , qui belli jura hodieque ad talia extendunt . (4) Itaque & non statim ad ærarium delata Evocatorum Numinum donaria , & Signa ærario tandem deserviebant .

Triumphatum immo aurum nedum illud erat ,
quod

(1) Tacit. Lib. Annal. XV. Cap. 6.

(2) Tacit. Lib. Annal. III. Cap. 12.

(3) Paul. Diacon. Lib. XVII. XVIII.

(4) Buddeus. De Jur. Bell. relate ad Sacra.

quod post ductum triumphum Diis offerebatur; aliquod ut exstaret cælestis beneficii æternum argumentum, quo gratum in Superos animum restarentur Victores; verum & illud etiam ita erat appellatum, quod privatis ab hominibus emptum, quo suis singillatim in votis Deorum imagines illinerentur; eaque ratione locupletius fieret ærarium. Non enim omnem prædam ex hoste captam Cælipotentibus Diis offerrebant Quirites, aut illam modo partem, quam aut Imperator, aut Populus exemisset, reliquam Quæstorum ope in ærarium referentes. Itaque illi, qui pro aliquo accepto beneficio grates Cælitibus agere, donariumve aliquod aureum, aut argentum offerre in animo habebant, ut quammaxime fieri posset, gratos se, piosque Numinibus præstarent, non ex auro quolibet, argento ve donaria sua, oblataque adornabant Statuas, sed ex auro, aut argento illo, quod a Quæstoribus emissent. Licet autem verisimile haud videatur, aurum, argentumque solidum a Quæstoribus venditum fuisse, verisimile tamen est, aurata, atque argentata potuisse vendi; exque ramentis illorum, si solida non Signa, aut Prænestinas saltem laminas, aut Quæstorias, bracteasve confari potuisse; unde arbitrantur aliqui factum, ut Persius non *positas*, sed *perductas* dixerit ovato ex auro, sive triumphato Statuas. (1) Hacce autem ex doctrina lucem adlatam

(1) Auct. Not. in Sat. D. V. F.

latam opinor Arnobii testimonio, qui, *Solere*, aiebat, (2) *Romanos Religiones Urbium superatarum partim privatim per familias spargere, partim publice consecrare*. Quum enim ex captivorum, ex Evocatorum Numinum donariis, atque Signis peracta cæremonia Romam deportatis, alia in Fanis suspendere, alia in Foro, ac Porticibus statuere solerent, alia liquefieri curarent Quirites, aurumque, & argentum captis ex Signis derivatum, hominibus illis, qui privatos illinere Lares, aut icunculas in Larario colendas sibi conflare satagebant, votaue privata ad divitias, & hæreditates, ad optima comparanda sibi somnia concipiebant, quo Populi ærarium exquisitius ditaretur, venderent; heinc devictarum, & expugnatarum Urbium Dñi partim publice consecrati, privatas partim per familias sparsi dici potuere.

Posterioribus Reipublicæ temporibus signa sacra & publica privatis vendita, aut ab eisdem usurpata fuisse ostendit Tullii locus, ubi Civiū suorum temperare luxum satagebat. *Quis enim ferret istos, inquiebat, cum videret eorum villas signis & tabulis refertas, partim publicis, partim etiam sacris & religiosis?* (1) En igitur quam ingenti, quam multiplici modo Romanorum Ærarium fuerit Evocationis ope locupletatum. Exauguratis enim, defacratisque Deorum,
uti

(1) Lib. III. adv. Gent.

(2) Lib. de Legib. III.

uti opinabantur, ejuscemodi cæremonia Templis, Signis, atque donariis, ceterisque aut ad rationem sacrificiorum, aut ad Ministrorum ornatum, aut custodiæ causa in iisdem adservatis, rebusque omnibus in spoliis; in manubiarum censu locatis, Romamque delatis; in ærarium denique, variis quidem; sed eodem perpetuo tendentibus semitis confluebant universa; quod honesta fieri specie minime potuisset; nisi ex Evocationis doctrina sibi vulgus facile persuasisset, placatas illis carminibus hostilium fuisse Deorum iras, Deosque in vota vocatos libentissime sivisse, uti Urbem, & mœnia, ita Sacra etiam Hostium quæcunque, Senatus Populi-
que Romani amplitudini, atque potentia concedere inviolato jure debuisset.





C A P U T VI.

*Tutelarium Evocationem Numinum
arcanum etiam fuisse Imperii in Re-
publica Romanorum.*



EXHIBITIS adhuc extimis , ac ve-
luti remotis hujusce cæremoniæ
caussis , ad intimam accedimus ,
aut verius ostendimus , cur eam
Patres etiam , penes quos πολίτευμα
erat , necessariam duxerint . Ar-
canum enim Imperii Veterum , quoddam olim
veluti superstitionum adytum erat , cæremoniæ ,
& ritus , & Numinum Statuæ antiquissimæ ,
Talismata , & τέρατα , & φάσματα multa ultra
modum humanum , quibus & conservari , &
conservatis constare Imperia fatui arbitraban-
tur Ethnici . Pleraque enim eorum Regnâ , hu-
jusmodi figmenta callidorum hominum intimis
in penetralibus Fanorum colebant , quibus ap-
pensam salutem publicam persuaserant Vulgo ;
ne quis inquireret fundamenta Religionum , aut
inqui-

inquisita, præjudicata sanctitate deterritus, pro-
dere auderet. (1) Nota sunt Romanorum ;

lapsa Ancilia cælo;

Quod Virgilii testimonium interpretatur Farna-
bius, *Clypeos incurvos, quorum unus e cælo di-
lapsus cum fato Imperii, ad cujus formam & un-
decim alii efficti, ne internosceretur verus.* (2)

Itaque imaginari nemo satis potest, quanta cura
iidem portenta illa adservarent. Iliacum Palla-
dium ab ardente Minervæ Templo Ilus, Ro-
manum ab Æde, quæ flagrabat, Vestæ eripuit
Metellus; etiamsi utrique Simulacri salus eo pe-
riculo, ut luminibus orbarentur, stare debuis-
set. (3) Hinc Julius Firmicus Maternus; *In-
censa est, inquiebat, Troja a Græcis, a Gallis
Roma, & ex utroque incendio Palladium reserva-
tum est. Sed reservatum non propriis virtutibus,
sed humano præsidio: ab utroque enim loco homi-
nes liberant, & translatum est, ne humano fla-
graret incendio.* (4) Primum tunc vero vel a
Romanis ipsis visum Urbis Palladium suæ tra-
dit Herodianus, scribens: *Sed ubi templum omne
consumptum ignibus est, plurimæ quoque & pul-
cherrimæ Urbis ædificia conflagrarunt. Inter quæ
etiam Vestæ templum, sic ut Palladium quoque
conspiceretur, quod in primis colunt atque in ar-
cano habent Romani, Troja (ut perhibent) adve-
ctum,*

(1) Bæfold. *De Arcan. Rerum publ.* Cap. I. num. 2.

(2) Not. in Lib. Æneid, VIII.

(3) Plutarch. Parallel.

(4) De Error. Prof. Relig.

Etum, ac tum primum, postquam in Italiam devenit, conspectum ab hominibus nostræ ætatis. Καταφλέξαν δὲ τὸ πῦρ πῶς τε νεῶν καὶ πάντα τὰ περιβόλον, ἱπερμελήθη καὶ τὰ πλεῖστα τὰ πόλεως καὶ κάλλιστα ἔργα. ὅτε καὶ τὸ Ἐρῆας πῶς νεῶ καταφλεχθέντος ὑπο τῷ πυρὸς, γυμνωθέν ὥφθη τὸ τὸ παλαῶδος ἀγάλμα (ὃ σεβασί τε καὶ κρύπτουσι Ρωμαῖοι) κημισθὲν ἀπὸ Τροίας (ὡς λόγος) ὅτε πρῶτον καὶ μετὰ τὴν ἀπ' Ἰλίου εἰς Ἰταλίαν ἀφίξιν, εἶδον οἱ κατ' ἡμᾶς ἄνθρωποι. (1) Illa vero adyta, & fœcra Hostibus nota fieri piaculum; unde hominis Romani illa: (2)

Procul arceat altus

*Juppiter, ut Delubra Numæ, sedemque Quirini
Barbaries oculis saltem temerare prophanis
Possit, & arcanum tanti deprendere Regni.*

Quæ ad verba, ita Vir Cl. *Spargebantur veteri more arcana quedam Deorum deposita penetrabilibus magnarum Urbium servari, quibus salus Imperii salvus constaret. Tale Palladium Trojæ erat; Vestæ ignis Romæ.* (3) Itaque instante præsertim bello se, Urbesque suas fatalium hujusmodi, ac arcanorum virtute Deum tutari maxime credebant: iisdemque aut excedentibus, aut ab hoste raptis desperatam esse salutem. Qui Patriæ proditores erant, Palladium hostiles ut in manus deveniret, satagebant, uti obsidente Megaram Minoe fatalem Nisi crinem, veluti ἑγκώριον Θεὸν, & vim quandam προφυλακτικὴν, in

G

qua

(1) Lib. V. Cap. 14.

(2) Claudian. *De Bell. Getic.*

(3) In Not. Varior. ad Claud.

qua & fatum, & salus contineretur Urbis, impo-
tenti amore acta detulit illi Scylla dicens:

Tibi trado Patriamque, meosque Penates

Purpureum crinem. (1)

Toti erant Duces, toti Milites in eripiendis
obsessa ab Urbe hujuscemodi fatalibus Signis,
quibus semel ereptis, actum de hostibus, actum
oppugnatis de mœnibus autumabant: eaque ra-
tione Sinonem inducit apud Trojanos Maro,
Græcorum timores violato e Numinis Signo si-
mulantem: (2)

*Omnis spes Danaum, & cœpti fiducia belli
Palladis auxiliis semper stetit: impius ex quo
Tydides, sed enim scelerumque inventor Ulysses
Fatale aggressi sacrato avellere Templo
Palladium, cæsis summæ Custodibus arcis,
Corripuere sacram effigiem, manibusque cruentis
Virgineas ausi Divæ contingere vittas:
Ex illo fluere, & retro sublapsa referri
Spes Danaum: fractæ vires, aversa Deæ mens.
Nec dubiis ea signa dedit Tritonia monstros.
Vix positum castris Simulacrum, arsere coruscæ
Luminibus flammæ arrectis; salsusque per artus
Sudor iit: terque ipsa solo (mirabile dictu)
Emicuit, parmamque ferens, hastamque trementem.
Extemplo tentanda fuga canit Æquora Calchas,
Nec posse Argolicis excindi Pergama telis,
Omnia ni repetant Argis, Numenque reducant,
Quod pelago & curvis secum advexere carinis.
Melius*

(1) Ovid. Lib. Metamorph. VII. (2) Virgil. Lib. Æneid. II.

Melius hoc tamen Ulyssis ex oratione adversus
Ajacem apud Ovidium intelligitur, quum scilicet
Achillis de armis decertaret, suaque inter faci-
nora maximum esse diceret, quod Palladium Tro-
janum, quo se, Urbemque tutari suam Dardani
credebant, cui oppugnationis fortuna nixa esse
videbatur, rapuisset Hostibus, eaque ratione Ilium
superari posse effecisset. (1)

*Te tamen aggrediar, mecumque reducere nitar,
Tamque tuis potiar (faveat Fortuna) sagittis,
Quam sum Dardanio, quem cepi, Vate potitus;
Quam responsa Deum, Trojanaque fata retexi;
Quam rapui Phrygiae Signum penetrale Minervae
Hostibus e mediis - - -*

- - - Cur audet Ulysses

Ire per excubias, & se committere nocti?

Perque feros enses, non tantum mœnia Trojae,

Verum etiam summas arcas intrare, suaque

Eripere æde Deam, raptamque asferre per hostes?

Adeo victoriam, rerumque vices, ac fatum Ur-
bis cum suis Veteres copulabant Deum Signis!
Annibal iterum castra adversus Urbem, ut eam
obsidione premeret, movere agitabat;

isset & illuc,

Propter Palladium, ni sacram Agrippa negasset

Posse capi Romam. (2)

Nec absimilem omnino habuere rerum imagi-
nem Hebraei, uti non modo Θεσπάρτας pignus
illud

G 2

(1) Ovid. Lib. Metamorph. XIII.

(2) Busch. Argum. in Lib. XIII, Sil. Ital.

illud alterum , Arca videlicet , perpetua militarium itinerum , atque præliorum comes , verum etiam adcuratius expensum Jeroboamicum ostendit consilium de Pseudocherubis , aut potius Vitulis ad avertendum Israel a Juda conflandis ; qua de re fufe satis in auro , cedroque dignis aureo de Vitulo Libris Moncæjus , his verbis : *Cognatarum itaque Gentium , Ammonitarum Moabitarumque exemplo , qui cum Lotho communi parente oriundi , in unius ejusdemque Dei patrii , veri Dei cultu & sacris initio educati , quum diu perseverassent (Deo apud eos Moloch & Melchom appellato , Regem ab etymo , ut Messias apud Hebræos , notante , quo tamen ad Idolum significandum tandem abusi sint , quomodo Gentes alia nomine Jovis , idem cum Jehova ; ut videtur , etymum , forte & usum initio habente) postquam in duo Regna dividi contigit , partiti veluti & ipsi inter se Deos sunt , ut Moloch Deo patrio , communi antea , Ammoni natu minori soli relicto , Moabus deinceps Chamos (tam obscura Dei hujus origine quam ignobili etymo) in Deum haberet ; utque postea Ismael , & deinceps Edom , postquam habitatione & regnis a fratribus suis Isaaco & Jacobo natu minoribus divisi similiter separatique sunt , Deo patrio illis quoque relicto , proprios peculiaresque Deos (quos aliter quam Deos Scir in Scriptura vocatos non memini) sibi regnisque suis ascriverunt : sic Israele & Juda communiter similiter generis authore Abrahamo , & deinceps Isaaco & Jacobo oriundis , & quandiu*
geni

gentis unius nomine ac finibus comprehendendi, Regisque unius imperio ac manu regi contigit, eundemque Deum patrum, Creatorem celi & terræ, omnipotentem, altissimum, sub Jehovæ nomine colentibus, postquam divisi in duo regna & ipsi sunt, visum Jeroboamo novo Regi, ne Deus parti utrique peculiaris etiam suus deesset, providere, & cum peregrinos illos Gentium aversaretur, minimeque sibi asciscendos duceret, de patrio illo duos efficere. Quam eandem propemodum Schismatis sui (in Schismate Samariæ; de quo loquimur, ceu typo præfigurati) rationem, adhibito in consilium Sergio, secutus etiam infelix Mahometes videtur. Cum enim Arabibus & nobis, in eodem Ecclesiæ matris veluti utero natis, ejusdemque Regno Sacerdotali longo tempore comprehensis, eadem Religio & fides esset, utrisque idem fidei Symbolum professis, & in unum eundemque substantia & natura, trinum Personis Deum credentibus, posse non putavit callidus Veterator, quam meditabatur tyrannidem stabilire, nisi Jeroboami exemplo, cum Regno simul Ecclesiam scinderet, eandemque scindendæ ejus rationem secutus, patrum communemque antea Deum similiter partiretur ac divideret. Atque ita projecto & ipse post tergum suum Jehova siue Personis divinis, Patre, & Filio, & Spiritu Sancto, unico Jehovæ vocabulo, quod æquè singulis competit, comprehensis, iisdemque Regno Judæ, idest parti Christianæ, quam deserebat, in Deum relictis (quamquam Deos impie vocat, ut nos de culta Deorum multitudine fugillet) ipse

Deum tribubus , parti suæ , Deum universi eundem Jeroboamianum , Deum omnipotentem , Deum altissimum , aut potius nudam divinitatisque omnis inanem & vacuam , quia sine Jehova , sine personis , nullus est Deus , Dei appellationem , & omnino vocem sine re in Deum ascrivit . (1) Adeo ex proprii peculiaris & tutelaræ Dei præsidio Rempubicam feliciter geri posse , animosque Vulgus regi , sibi semper persuaferunt homines callidi ; quare artem arte superaturi Quirites , peculiare illos Deos hostibus auferre se Evocatione posse simulantes , militarem turbam in spem victoriæ facile erigerent . Immo pæne crederem Persas , dum imperante Phoca *adversus Rempubicam gravissima bella gerentes multas Romanorum Provincias , & ipsam Hierosolymam auferunt : & destruentes Ecclesias , sancta quoque profanantes , inter ornamenta locorum Sanctorum vel communium , etiam vexillum Dominicæ Crucis abducunt , (2)* ea de causa , eo id egisse ex fine , ut προφυλακτικόν quiddam , & Palladium veluti a Christianis auferretur hostibus . Ut ut aliis tamen fuerit de Populis , hujusmodi eos tamen habuisse adyta timebant Quirites , qui ut Palladium , ut Ancilia , Romulique Lituum primis habuere temporibus secreta quædam Romani Imperii decora , & pignora , posterioribus Fortunam auream , ita Gentes alias alia secreta habere potuisse , ac

Nu-

(1) Lib. I. Cap. 10.

(2) Paul. Diacon. Lib. XVII.

Numina , quibus uti -fatis quibusdam manentibus, salus hostium salva esset, facile credebant. Heinc Mithridatico in bello Pompeji de victoriis loquens Florus, *Hierosolymam*, inquit, (1) *defendere tentavere Judei: verum hanc quoque intravit, & vidit illud grande impiæ Gentis arcanum patens, sub aureo vitem cælo*. Sive, ut alii legunt, *sub aureo uti cælo*. (2) Liberi Patris domitoris olim Orientis veluti apud Judæos culti argumentum.

Jam vero arcanum fuisse Imperii in Republica Romanorum, occultam quidem scilicet, sed prævalidam illius conservandi, uti arbitrabantur, propagandique artem, Deorum Præsidum dicimus Evocationem. Quum enim ea in opinione versaretur Populus, ut hostilium salutem Urbium, illarum adytis, uti suis suam, illarum adauctam Simulacris crederet, quumque veteres Ethnici existimarent, singulares aliquos fuisse cultus, qui alio loco fieri non possent; quare Athenienses, adventante Xerse, quum partim Salaminem, partim Troezenem, quæ moveri poterant, asportassent, *arcem Sacerdotibus, paucisque majoribus natu ad sacra procuranda tradunt, reliquum Oppidum relinquunt*; (3) heinc ars aliqua ab iis qui Rempublicam moderabantur, aut invenienda, aut fovenda erat, cujus ope illa Si-

G 4

mu-

(1) Lib. III. Cap. 5.

(2) Salmaf. Selden. Vid.

Lat. Disf. in Nov. Lit. Bæl. 1685.

(3) Corn. Nep. in Vit. Themistocl.

mulachra, illa deficere viderentur adyta; nihilque inde existimaretur esse, quo salus Hostium arcano posset modo conservari. Reapse, quid non a Plebe, quæ adfectibus, & voluntate magis, quam intellectu agi ubique, & perpetuo solet, obtinueret Patres ejusmodi opinionibus caute, callide, & in tempore usi? Camillus Populum hortaturus, Vejos petere ne vellet, avitas ne defereret sedes, veterem ne fugeret Patriam, *Hic*, inquiebat, (1) *Capitolium est, ubi quondam capite humano invento responsum est, eo loco caput rerum summamque Imperii fore. Hic cum augurato liberaretur Capitolium Juventas Terminusque maximo gaudio Patrum nostrorum moveri se non passi.* P. etiam Valerius, ab Ap. Herdonio cum Servorum, & Exulum manu occupato Capitolio, oratione ad multitudinem versa, *Si vobis Quirites*, inquit, (2) *si vestri nulla cura tangit, at vos veremini Deos vestros ab hostibus captos. Jupiter Optimus Maximus, Juno Regina, & Minerva, alii Dii, Deæque obsidentur; castra Servorum publicos vestros Penates tenent. Hæc vobis forma sanæ Civitatis videtur? Meam heinc subit mentem Mnesthei ad Trojanos a Turno obfessos, intentantesque fugam Oratio: (3)*

*Non infelicis Patriæ, veterumque Deorum,
Es magni Æneæ, segnes, miseretque, pudetque?*
Ete-

(1) Livius Lib. V. Decad. 1.

(2) Idem Lib. III. Decad. 1.

(3) Virgil. Lib. Æneid. IX.

Etenim *ἐν αἰνυμοῖς*, ac veluti per ambages, atque rerum Simulachra tractanda Plebs erat, quæ ubi Religionis glaucomate, & imagine, tegebantur, ubi Deorum, uti aiebant, immortalium Religione armata erant, atque munita, majorem præferebant speciem, quam reipsa haberent: eo maxime necessaria tempore, quo nondum apud Romanos ea erat conditio imperandi, ut non alio ratio constaret, quam si uni redderetur. Quare interveniendus erat in Oppugnationibus Urbium aliquis in machina Deus, sive Dii ipsi dicendi erant obsessis aversi optasse excedere foras, & neglecta relinquere mœnia, unde & eorum numine non fortiter, ac jure agere se modo posse arbitraretur militaris turba, verum & cum Spiritu Deorum, omne arcanum, omne præsidium evasisse crederet, quo nihil, nisi prophanum, Diisque invisum, in Urbe reliquum esse, quo universa juris eorum, hostilia qui mœnia oppugnabant, facta dicerentur; quare & nullus in milite sacrilegii horror, nullus esset cœlestium irarum metus, heincque minori ditatim invidia æternæ Urbis ærarium, Romanoque in exercitu opinio, & plurimum se secundum Deos posse, & Deos ipsos pro fortuna Romanorum, & gloria depugnare. Hæc autem simulachra quis plurimum valuisse neget? Illa reapse freti opinione ita adaecti erant Romani milites, hostilia ut Tempia inculpate delere, & Deorum ornamenta innocue diripere posse

se.

se crederent, ac, veluti de Gygantibus fabula canitur, alacres sacra etiam in ipolia ruerent:

*Jam credunt vicisse Deos, mediisque revinctum
Neptunum traxisse fretis; hic sternere Martem
Cogitat, hic Phœbi laceros devellere crines;
Hic sibi promittit Venerem, speratque Diane
Conjugium, castamque cupit violare Minervam.* (1)

Reapse nemini Principum videtur magis quam Romanis Patribus fuisse persuasum, Religione, veluti thyrsos, percuti mentes humanas, demerari facile vulgus, fascinari superstitiosos Plebis animos, omnia obtineri. Itaque ea plebeiis in Quæstionibus perpetuo usi, ejus ope toties adversus Plebem victores facti, tametsi rei arcanum occultarent: iccirco ea ratione, quam de arcenda ageretur a Magistratu Plebe, simulabant ad Deos magis, quam ad se pertinere, ne Consul ex plebe fieret; ipsos visuros, ne sacra sua polluantur; id se tantum optare, ne aliqua in Republica clades obveniret; (2) ita Urbium in obsidionibus evocandos simulabant Tutelares Hostium Deos, quod nefas esse videretur, Urbe hostiliter direpta, eos, veluti mancipia, captivos habere, quod aliter Urbem capi non posse scita Pontificum statuissent; quod Religione locorum liberare Exercitum necessitas postularet; tunc enim solum in Republica vere simulas, quam ita simulas, ut simulare non videaris.

Fuit

(1) Claudian. Gygantomach.

(2) Livius Lib. X. Decad. 1.

Fuit hæc sententia eorum omnium, qui penitus novere Romanos. *Præferebant Patres*, inquit Boxhornius, (1) *quasi secreta quedam Sacra, veluti secretos quosdam de voluntate Deorum Libros haberent, cum nulli tales exstarent. Ideo autem hoc factum, ut, ferente ita rerum necessitate, Populo ex iis persuaderent, placere Diis, ut hoc, vel illud ageretur, aut intermitteretur. Consulti Libri, qui non erant, ut Populo consuleretur. Voluntas Patrum Populo exhibita, tamquam illa Deorum foret. Et sequutus Populus est arbitrium Patrum, cum Deorum se sequi existimaret. Ut prætextus Divinitatis obsequium extorserit, quod alias non potuisset obtineri. Hæc erant Romanæ Reipublicæ arcana, quæ artes potius, & umbras rerum, & simulachra Tacitus nominavit, in quibus aliud est, aliud videtur; immo hoc ipsum videtur, quod plerique credunt; & fingitur quod non est, ut sit, quod esse debeat. Quippe ita cum Populo est comparatum, ut speciosis nominibus inescatus falso credat, quod non crederet, si verum audiret. Quid autem aptum magis, hostiles ad Urbes cito, ac sceleriter obsidione capiendas, (nec enim fingi ea in re quotidie fatales Libri, qui responderent nomine Deorum, poterant; bellicque occasiones nullam patiuntur moram) quam si militi persuasum foret, peracta legitimis precibus Evocatione, Præsides inde excessisse Deos, adversus Urbem iratos, infensosque, Victoribus modo*

(1) Quæst. Roman. XLIII.

modo adesse volentes, eosdem pone sequuturos, quo melior fortuna, quo fata fecundiora traherent, quo ampliora sacrificia, perpetuæque Sedes vocarent?

Suis etenim Ducibus utilis haud semel fuit Ethnicorum militum superstitio. Quantum nempe Alexandro profuit stativa ad Granicum habenti? (1) Quantum agenti in Pannonia Druso? (2) Superstitio, inquam, Romanis acta tamen, temperata, & circumducta artibus; nam absque illis belli negotio obfuisse potius legimus non semel; uti in Exercitu Persei Macedonum Ducis; (3) in Militibus Atheniensium Ducis Niciæ; (4) & in Copiis Ariovisti. (5) Brevis-
simo interfectis tempore duobus, P. scilicet, & Cn. in Hispania Scipionibus, rebusque Romanorum secunde minus adversus Pœnos procedentibus ancipites erant, quemnam illis Successorem darent Patres; quum ecce, re ad Religionem versa, Romani nominis potentiam, & gloriam, brevi, ac scilicet restituerunt. Legionum siquidem in Hispania agentium Imperatorem dixerunt P. Cornelium Scipionem, demortui filium. *Erat enim ille non veris tantum virtutibus mirabilis, sed arte quadam ab Juventa in ostentationem earum compositus; pleraque apud multitudinem, aut per nocturnas visa species, aut veluti divi-*

(1) Curtius Lib. IV. (2) Tacitus Lib. Annal. I.

(3) Livius Lib. IV. Decad. 5.

(4) Polyb. Lib. IX.

(5) Cæsar Lib. I. Bell. Gallic.

divinitus mente monita agens. (1) Quare cum in simulandis somniis, ac Religionibus Lycurgo comparat Polybius. (2) Itaque nemo eo rebus aptior habitus est restituendis; umbras enim illas, ac Religionum simulachra plurimum & ipse apud Milites posse ratus, conceptam de se opinionem in Oratione, quam ad eos vix lustrato exercitu habuit callide confirmavit, *Nunc*, inquit, (3) *Dii immortales Imperii Romani Praefides, qui centuriis omnibus ut mihi Imperium juberent dari, fuere Auctores, iidem auguriis, auspiciisque, & per nocturnos etiam visus, omnia lata, & prospera portendunt; animus quoque meus, maximus mihi ad hoc tempus vates praesagit, nostram Hispaniam esse: brevi extorre hinc orine Punicum nomen, maria, terrasque fœda fuga impleturum.* Milites igitur ad Carthaginem novam oppugnandam duxit; sed quum neque Viri, nec tela, nec quicquam aliud æque quam mœnia ipsa se se defenderent, iccirco nec superari possent, quare receptui Signum dare coactus esset, ut ei nunciatum fuit stagnum decedere, facilemque pedibus ad murum transitum dari, quod acer etiam Septentrio ortus inclinatum stagnum eodem quo æstus ferret, & adeo nudasset vada, ut alibi umbilico tenus aqua esset, alibi genua vix superaret; *hoc cura ac ratione compertum*, subdit Historicus, (4) *in prodigium, ac Deos*
ver-

(1) Livius Lib. VI. Decad. 1. (2) Lib. X.

(3) Livius Lib. VI. Decad. 1.

(4) Idem ibid.

vertens Scipio ; qui ad transitum Romanis mare
verterent , & stagna auferrent , viasque ante nun-
quam initas aperirent : Neptunum jubebat Ducem
itineris sequi , ac medio stagno evadere ad mœnia.
En simile prorsus Evocationi simulachrum : Deos
videlicet sequi obsidionum Duces , obsessam ad-
versus Urbem iratos , Victoriarum comites :

Ideo autem hæc Imperii arcana dicimus , quod
Romanos Patres infirmioris instar , ac facilis Vul-
gus sacris illis adstrictos credidisse se , existiman-
dum haud sit . Quæ enim alia Conscriptis fuit
Patribus scientia , quam juris illa dominationis ,
qua corrigere , ac relaxare commune possent ,
& ab eo , uti autumabant , inculcate recedere ,
noscereque , quanta bellua imperium esset , qui-
busque soluta diceretur legibus suprema Impe-
rantium majestas : ac persuadere sibi , disjungi
aliquando , invito etiam quovis virò bono , ho-
nestatem Reipublicæ ejusque salutem ? Quæ Re-
ligio , pietasque Principibus Viris castra sequutis ?
Apud Tullium Cotta cæremoniam illam , qua
se Diis Manibus Romani Consules pro Patria
devovebant , *consilium artem* , & græca voce
σπαρτήριον appellat ; rebantur enim , inquit , (1)
fore ut Exercitus Imperatorem equo incitato se in
hostes immittentem persequeretur : id quod evenit.
Scipio junior non solum diruit Carthaginem ,
omni murali lapide in pulverem comminuto ,
verum etiam ut hominibus adempto ejus usu
num-

(1) Lib. III. De Nat. Deor.

numquam postea ædificaretur, simulata Religione consecravit. Testis Tullius his verbis. *Tum vero ipsam veterem Carthaginem vendunt, quam P. Africanus nudatam tectis ac mœnibus, sive ad notandam Carthaginensium calamitatem, sive ad testificandam nostram victoriam, sive ad oblatam aliquam Religionem, ad æternam memoriam consecravit. Et rursus aperta magis sententia: Adscribit idem Rullus auctioni Corinthios agros, optimos & fertiles, & Cyrenenses, qui Appionis fuerunt: & agros in Hispania propter Carthaginem novam, & in Africa ipsam veterem Carthaginem vendit: quam videlicet P. Africanus, non propter religionem sedium illarum ac vetustatis, sed consilii sententia, consecravit; sed ut ipse locus eorum, qui cum hac urbe de Imperio certarunt, vestigia calamitatis ostenderet. (1) Quamquam vero C. Gracchus ea re ita non sit deterritus, ut in eam Colonos non deduxerit, primaque Carthago extra Italiam Colonia deducta fuerit; Julius etiam Cæsar Colonos Corinthi & Carthagini collocaverit; (2) Populo, sive Plebi tamen persuasum volebant Patres, magnam fuisse vim consecrationum, & desecrationum, quibus videlicet, pro imperii arcano, utebantur aliquando; tamenetsi, pro eodem arcano imperii, eisdem aliquando adversari, earumque patefacere vanitatem cogerentur. Frequentissimæ immo Romana*

na

(1) Orat. de Leg. Agrar. contr. Rull.

(2) Turneb. Not. in allegat. Orat.

na sunt in historia, & ab Auctoribus conlectæ, (1) militares illæ adhortationes, ac imperatoriæ voces, quibus arduis in rebus simulationem demum omnem irati Duces ponere coacti superstitiosos nimium turbæ militaris animos ad receptarum contemptum Religionum traducere satagebant, quarum ad exemplar prophano, & irreligioso ad milites animo loquuti simulantur Pallantes, Mezentius, & Turnus Maronis, Euripidis Polynices, Sopochlis Ajax, Statii Capaneus, Sili Annibal, quibus omnibus dextra pro Numine, & telum. (1) Idem ille Scipio, qui totus in Religione, totus in miraculis erat, ac Deorum colloquio, exorta in Exercitus parte apud Sucronem seditione, orationem seditiosos habens ad milites, *Lapides*, inquit, (3) *pluere, & fulmina jaci de cælo, & insuetos fœtus animalia edere portenta esse putatis? Hoc est portentum* (eorum videlicet seditio) *quod nullis hostiis, nullis supplicationibus, sine sanguine eorum, qui tantum facinus ausi sunt, expiari possit.* Heinc Evocationis effectus, & consequutiones in ceteris vituperavere Quirites, easdem apud se honestas esse simulates. Πολύτροπος ille Cæsar, ut sibi laudem, odium, Pompejo conflaret, Æmulum arguebat, quod sacram pecuniam haud semel abstulisset e Fanis, divina iccirco, humanaque

(1) Guther. *De veter. Jur. Pontif.*

Schel. Not. in Hygin.

(2) Farnab. in Lib. Æneid. X.

(3) Ljvius Lib. VIII. Decad. 3.

naque omnia miscuisset; (1) non semel pecuniæ Ephesio depositæ in Templo auxilium adversus Pompejanos tulisse se gloriatus; (2) quum tamen ipse Capitolium, Antium, Lanuvium, Nemorem, Tiburemque, in quibus copiosissimi adservabantur sacrarum pecuniarum thesauri, spoliaffet; (3) Templorum ab ornamentis, ac donariis, nec ante, nec post Victorias abstinuisset, & urgente alicujus oppugnatione Urbis, Deos excessisse Præsides utique non expectasset; oppugnata siquidem Massilia, ejus quum milites Lucum quendam antiquæ Religionis horrore sacratissimum bellica ad tormenta, ceteraque instrumenta obsidionis cedere juberentur, & rem adgressuri pavidè substitissent, veriti ne suæ in se secures resiliarent;

Implicitas magno Cæsar torpore cohortes

Ut vidit: primus raptam vibrare bipennem

Ausus, & aeriam ferro proscindere Quercum. (4)

Ceterum hoc ego bellicum Evocationis arcanum facile inter errores ponerem Romanorum. Nam etiamsi illus ope alacriores animos turbæ militari darent, Signa tamen, & ornamenta Deum, illa tametsi Religionis specie tamen rapientes, (erat hoc enim præcipuum ejusmodi fovendæ cæremoniæ motivum) ceteras heinc apud Gentes effugere non poterant *δυσφημίας* illam,
H illas.

(1) Cæf. *De Bell. Civil.* Lib. I. Cap. 5.

(2) Idem *De Bell. Civil.* Lib. III. Cap. 12. 32.

(3) Appian. *De Bell. Civil.* Lib. V.

(4) Lucan. Lib. *Pharſal.* III.

illatque, in quas ex ablatiſ ſacrilega manu rebus ſacris apud homines omnes, apud etiam Romanorum Hiſtoricos, impingebant notas exteri Reges, qui militari aliquando licentia non Liberos Parentibus, non Maritis Conjuges, non Deorum & ornamenta, & Signa ſuis relinquebant Sedibus. Prudentius igitur fuiſſet Romanis conſilium hunc Evocationis obtentum prætermittere, ſuiſque Deos in Sedibus relinquere, ut victas apud Gentes fama potuiſſent meliore frui; fama enim non modo bella conſtant, ſed nihil ad Imperia conſervanda, & augenda, nihil ad externos alliciendos magis poteſt, quam boni nominis ſtadium, & exiſtimationis. Polybius illud certe togatæ Gentis omnia ad ſe, quæ aliorum erant, ornamenta ſacra, & Signa coacervandi ſtadium multis nominibus malum fuiſſe dixit. (1) Haud enim ad Quirites amandos, adque dominium eorum facile amplectendum induci potuiſſent, qui trophæa ejusmodi, Evocationis jure rapta, ſpectare debuiffent; ſed ſeipſos calamitatum ſuarum admonuiſſent potius, ſuorum Signa Deum Romanis in Sedibus conſpicientes: quare non invidia modo, & opinio mala, ſed ira quædam adverſus Victores, adverſus Rempublicam accenderetur; recordatio ſiquidem propriarum calamitatum quaſi irritatio quædam eſt ad renovandum dolorem, ad odio habendos illarum Auctores. Itaque quod devictarum Urbium

(1) Lib. IX.

bium opes ad se coacervassent Romani; habuisse fortasse ait aliquid rationis; summam enim rerum haud vendicare sibi potuissent, nisi potentiam aliis ademptam sibi comparassent; ast quæ nec aurum erant, nec argentum, quæ Religiosis patriis consecrata erant, potuisse, immo debuisse, subdit Polybius; Romanos locis; in quibus antea fuerant, cum invidia relinquere, Urbemque illustriorem reddere, non Simulacris captorum Numinum, aut Templorum ornamentis, sed honestate, ac magnanimitate. Severum illud jus, fateor, temperaverunt aliquando, sive eorum qui militibus præerant humanitate speciali & indulgentia, sive ipso arcani imperio acti, ne non satis domitas gentes nimium efferarent, aut sibi eas aliqua ratione devincerent; quare Cicero; *hic ornatus*, inquit, (1) *hæc Opera atque artificia, signa tabulæ pictæ, græcos homines nimio opere delectant.....* Itaque majores nostri facile patiebantur, hæc esse quamplurima apud Socios; ut imperio nostro quam ornatissimi florentissimique essent. Apud eos autem; quos vestigales aut stipendiarios fecerant, tamen hæc relinquebant, ut illi, quibus ea jucunda sunt, quæ nobis levia videbantur, haberent hæc oblectamenta & solatia servitutis: Itaque & alio loco scribit idem Orator: Cn. Pompejus captis Hierosolymis Victor ex illo fano nihil attigit. Imprimis hoc; ut multa alia, sapienter; quod in tam suspiciosa & male-

H 2 dica

(1) Lib. IV. in Verr.

dica Civitate locum sermoni obtreclatorum non reliquit. Non enim credo Religionem & Judæorum & hostium impedimento præstantissimo Imperatori, sed pudorem fuisse. (1) Quin & Dion Chrysostomus Romanis benevolentiam, ea de causa, apud Rhodios conciliare satagebat. Inquiebat siquidem: *Quum Romani sæpius undique supellectilem Templorum palatiorumque acceperint, numquam eorum quidpiam moverunt quæ apud vos sunt. Quum & Nero, tantum desiderium studiumque circa hoc habens, ut ne iis quidem in Olympia abstinuerit, neque iis quæ Delphis erant, licet præ ceteris omnibus illa Tempia honorasset, præterea quoque plurimas ex Atheniensium arce transfulerit statuas; multas quoque ex Pergamo, quum illud Fanum sibi competeret (de illis enim quæ fuerunt apud alios quid opus est dicere?) eas dumtaxat quæ apud vos erant, intactas dimiserit: tantamque ostenderit erga vos benevolentiam & honorem, ut totam Civitatem judicaret sanctiorem, quam præcipua Tempia.* (2) καὶ διὰ τὸ ρωμαῖοις πολλάκις πανταχόθεν εὐλεφότες κατασκευαίειν ἡρώων καὶ Βασιλείων, μηδέποτε κινῆσαι οὐδὲ παρ' ὑμῖν τιθεῖν, ὅπου καὶ Νέρων, σπουδαίαν ἐπιθυμίαν καὶ σπουδαίαν περὶ αὐτοῦ ἔχον, ὥς καὶ μηδὲ πῶν ἐξ Ολυμπίας ἀποχέδει, μηδὲ πῶν ἐκ Δελφῶν. καὶ σοὶ πάντων μάλιστα τιμήσας αὐτοῖσι πάντα ἱερά. ἔτι δὲ σὺς ωλέγεις πῶν ἐκ τῆς ἀκροπόλεως, Ἀθηνεΐδων μετανεγκῶν, καὶ πῶν ἐκ Περγᾶς πολλοὺς, αὐτῶν προσηκόσους ἔχειν πᾶσι τέμνοισι. περὶ μὲν γὰρ πῶν παρ' ἄλλοις εἶδε λέγειν, αἷς παρὰ μόνοις ὑμῖν ἴσασι. καὶ πρᾶντεν ἐπεδείξατο εὐνοίαν καὶ τιμὴν
αἷμα

(1) Orat. pro Flacco.
(2) Rhodiac. Orat.

ἀλλὰ πρὸς ὑμῶς, ὥστε τὴν πόλιν ἅπασαν ἱερότερον κρίναι;
 τῶν πρώτων ἱερῶν. Ex hisce videntur, inquam;
 bellicum illud jus aliquando temperasse Quirites;
 quin inferamus tamen; eos haud transtulisse Ro-
 mam sacra Deorum Evocatorum Signa. Neque
 heic enim agitur de oppugnatis expugnatisque
 Urbibus; neque de Obsidionibus; in quibus ad
 ultimam dimicationem ventum esset: Oratoris
 licentia utitur Tullius; resque in Verris invidiam,
 adversus ea; quæ docet ipsemet copiosissime;
 exaggerat; utitur licentia Oratoris fortasse Dion
 etiam Chrysostomus; qui & de ætate loquitur;
 quæ vix obsessarum evocabantur Dii Urbium;
 signaque & ornamenta; impellente modo luxu;
 & Græcia a Romanis rapiebantur: Cum sociis
 res tunc erat; non cum apertis hostibus. Ipsa-
 que hæc testimonia satis ostendunt; omnia Ro-
 manos publica & sacra transferre Romam con-
 suevisse, magnam fuisse Pompeii verecundiam;
 singularem vero Neronis erga Rhodios benevo-
 lentiam; quod vel in pace nudos etiam parietes;
 ipsaque ipsis tecta; ut ceteris; non abstulerit;
 quum tamen undique omnium supellesti-
 lem Templorum; sive quæ Delphis, sive quæ
 Athenis, sive quæ famigeratissimis aliis in Fa-
 nis erant; Romani usurpassent.

Livius equidem Atheniensium Legatos inducit
 Ætolorum in concilio orationem habentes;
 ut iisdem Romano cum Populo fœdus adversus
 Philippum Regem ea maxime ratione suaderent;
 quod vel in bello Quirites Religiosi sem-

per essent, Macedo sacrilegus fuisset. (1) Dubito valde tamen, an cum Historici scripto oratio reapse habita a Legatis examuffim conveniret; nec immo rerum semper arbitror historiam ab Oratorum emphasi, veluti a non dubio fonte, desumendam, nimium videlicet tempori aliquando servientium, & argumento. Quis enim Oratori credat Tullio, qui adversus Scriptorum omnino omnium, adversus ipsius facti testimonium, ausus est, secum ipse depugnans, in Verinis aliquando de Marcello dicere, eum nullius Signum Numinis in Sicilia violasse, nullum adtigisse, nullum secum detulisse Romam Simulacrum? utque facinora Verris exaggerare latius posset, aperte adeo esse mentitum? In oratione Chlæneæ Ætolorum ad Lacedæmonios Legati impius, & iniquus ob ablata donaria Sacra, ob Tempia spoliata dicebatur Philippus Rex: In altera e diverso Lucisci Acarnanorum ad eosdem Legati quid aliud ille Rex fecisse dicebatur, nisi direptas, & nudatas ab hostibus vindicare Numinum Ædes, Templorumque Religionem sartam tectam servare? Utraque apud Polybium, (2) Certe Græcarum Urbium Gentes, satis domitæ ut parerent, nondum ut servirent, difficile nimis suorum sibi Signa Deum ereptum iri patiebantur; movebanturque non semel, & reviviscere quidam videbantur ex hujuscemodi Deorum raptu turbines incompofiti, quibus Reipublicæ res

haud

(1) Lib. I. Decad. 4. (2) Lib. IX.

haud exigua labefactari ratione possent. Vastata, direptaque ab L. Pinario Ænna refert Livius, (1) eam cladem, Urbis utpote media in Sicilia sitæ, claræque non ob insignem modo munimento naturali locum, verum etiam ob sacrata omnia vestigiis raptæ quondam Proserpinæ, uno prope die omnem pervasisse Provinciam, & quia cæde infanda rebantur non hominum tantum, sed Deorum etiam sedem violatam esse: tum vel qui dubii antea fuerant, defecisse ad Pœnos. *Quid arbitramini Rheginos*, ait Cicero, (2) *qui jam Cives Romani sunt, metere velle, ut ab eis marmorea Venus illa auferatur? Quid Tarentinos, ut Europam in Tauro sedentem amittant? ut Satyrum, qui apud illos in æde Vestæ est? ut cetera? Quid Thespienses, ut Cupidinis Signum, propter quod unum visuntur Thespia? Quid Gnidios, ut Venerem marmoream? Quid, ut pictam, Coos? Quid Ephesos, ut Alexandrum? Quid Cyzicenos, ut Ajacem, aut Medeam? Quid Rhodios, ut Jalysum? Quid Athenienses, ut ex marmore Jacchum? aut Paralum pictum, aut ex ære Myronis bucculam? Longum est, & non necessarium commemorare, quæ apud quosque visenda sunt tota Asia, & Græcia. Verum illud est, quamobrem hæc commemoraverim; quod æstimare vos hoc volo, mirum quendam dolorem accidere iis, ex quorum Urbibus hæc auferantur. Idem Tullius de L. Lucullo loquens adversus*

H 4

Mi-

(1) Lib. IV. Decad. 3. (2) Verrin. IV.

Mithridatem pugnante: *Plures etiam Gentes, inquit, (1) contra Imperatorem nostrum concitate sunt; erat enim gravis, & vehemens opinio, quæ per animos Gentium barbararum pervaserat, fani locupletissimi, & religiosissimi diripiendi causa in eas oras nostrum Exercitum esse adductum. Ita nationes multæ, atque magnæ, novo quodam terrore, ac metu concitabantur. Et non multo post: Difficile est dictu, Quirites, quanto in odio simus apud exterarum Nationes, propter eorum, quos ad eas per hos annos cum imperio misimus, injurias, ac libidines. Quod enim Fanum putatis in illis terris nostris Magistratibus religiosum, quam Civitatem sanctam, quam domum satis clausam, ac munitam fuisse? Urbes jam locupletes, ac copiosæ requiruntur, quibus causa belli propter diripiendi cupiditatem inferatur. Hæc absque dubio, & Signa Deum a Victoribus Romam deportata, & jure notatum fuisse ejusmodi a Polybio morem, & Romanos veteres in bellicis magis, quam in civilibus, & arcanis regnandi præstasse artibus apertissime ostendunt. Ille enim vere scit victoria uti, qui esse recordatur dimidium plus toto,*

CA-

(1) Orat. pro Leg. Manil.



C A P U T VII.

Quinam obsessarum Urbium Dii memorentur a Romanis evocati: quo carmine, a quibus, & quandiu evocata fuerint a Quiritibus Tutelaria Hostium Numina.



CERTUM est prope infinitos Deos Romam post bella fuisse deportatos. Unus Fulvius de paucissimis, Ætolicis nempe, & Cephallenæ Urbibus triumphans, ærea Signa CCLXXXV., Signa vero marmorea CCXXX. ante currum tulit; (1) quæ tamen non omnia Numinum essent, plura tamen sacra fuisse crederem. Evocatos, fateor tamen, enumerare Deos possibile non est. Maxima quippe desiderata hisce in rebus diligentissimi Livii Librorum parte, ea præsertim, quæ Asiaticis de Signis lato tradere debuerit calamo; def-

(1) Livius Lib. IX. Decad. 4.

desiderata & Historiæ Romanæ parte Velleii Patreculi, totque Fastorum Ovidii Libris; quum juxta rationem scribendi ceterorum Historicorum res ejusmodi minime fuissent, iccirco ab iisdem prætermittæ. Civilibus autem in bellis, in quibus nihil vidiffes, nisi

Cognatasque acies, infestisque obvia signis

Signa, pares aquilas, & pila minantia pilis;
in quibus,

Bella geri placuit nullos habitura triumphos; (1)
in quibus,

Non ut superbas invade Carthaginis

Romanus arces ureret:

Intactus aut Britannus ut descenderet

Sacra catenatus via;

Sed ut secundum vota Parthorum, sua

Urbs hæc periret dextera, (2)

in quibus denique pessimo invicem consilio Romani præliabantur, haud evocata hostium profecto Numina, haud Romam delati capti, victique Dii, sed flammis, ferroque, sanguine, & cædibus, ut Flori verbis utar, *direptarum Urbium diis litabatur.* (3) Gallicis, ac Germanicis in bellis frequens oppugnationes, expugnationesque Castrorum, numquam vero Urbium exaudiuntur, quod diversi, ac discreti, ut fons, ut campus, ut nemus placebat Populi colentes, nullas habitarent Urbes, ne pari quidem inter se

(1) Lucan. Lib. Pharsal. I.

(2) Horat. Epod. VII.

(3) Lib. III. Cap. 18.

se junctas sede , (1) Non omnes demum vi-
etas apud Nationes cultos arbitror in Simulacris
Deos. Hispani veteres, ut ex Inscriptionibus pa-
ter, (2) Deos habuere Urbium Præsides ,

Sed nulla effigies , Simulacraque nota Deorum

Majestate locum , & sacro implevere timore . (3)
Quæ Gaditano dicta de Fano ; quare aurum , ar-
gentumque modo , aut armamentorum copiam ,
relata legimus ex Hispanis spolia . Tacitus haud
ablimili modo de Numinibus loquitur Germa-
norum ; *Ceterum* , inquit , (4) *nec cohibere pa-
rietibus Deos , neque in ullam humanioris speciem
assimilare ex magnitudine Cælestium arbitrantur :
lucos ac nemora consecrant , Deorumque nominibus ap-
pellant secretum illud , quod sola reverentia vident .*
Aliquarum in Templis Gentium Simulacra ade-
rant , sed non aurea , non argentea , aut ærea ,
sed primorum potius simplicitati temporum ac-
commodata , iccirco Romanis a Victoribus , au-
reis demum Græcorum , & Asiæ adfuetis , ut ar-
bitror , spreta . Lucanus de Templo Jovis Am-
monis in Libya : (5)

Non illic Libycæ posuerunt ditia Gentēs

Templa : nec Eois splendent donaria gemmis .

Pauper adhuc Deus est , nullis violata per ævum

Divitiis Delubra tenens : morumque priorum

Numen Romano Templum defendit ab auro .

Et

(1) Tacit. *De morib. German.* Cap. VI.

(2) Heyns. in Lib. Sil. Ital. II. (3) Sil. Ital. Lib. III.

(4) Lib. *De morib. German.* Cap. IV.

(5) Lib. Pharsal. IX.

Et ea ratione solum potuisset illud etiam a Romanorum defendere rapina ; nec enim credere fas est , pauperes Quiritibus placuisse Deos , nec tot deferre Romam voluisse capta Deum Signa , si , uti Ammonis illud , ita ceterarum Tempia Gentium aureis , argenteisque donariis caruissent .

Frequentissima autem incendia ; & Barbarorum irruptiones hostium , quæ prioribus Christianæ Religionis sæculis , & Imperio labente ; Urbem , ejusque aut partes ; aut Tempia misere vastavere , maximam Posterorum eripuerunt memoriæ Signorum partem , quæ obsessis ab Urbibus secum Victores Romani devexerant . De incendio Neroniano loquens Tacitus ; postquam eversa opulentissima Tempia numerasset , *Jam ; inquit , (1) opes tot victoriis quasita , & Græcarum artium decora ; exin ornamenta ingeniorum antiqua , & incorrupta ; quamvis in tanta resurgentis Urbis pulchritudine , multa Seniores meminerant , quæ reparari nequibant .* Suetonius pariter eodem de incendio : *(2) Tunc præter immensum numerum Insularum ; Domus priscorum Ducum arserunt , hostilibus adhuc spoliis adornatæ ; Deorumque ædes ab Regibus , ac deinde Punicis ; & Gallicis bellis votæ , dedicatæque ; & quicquid visendum , atque memorabile ex antiquitate duraverat .* Imperante Commodio immane incendium ædificia Urbis , ac Fana consumpsisse notum , & cum

(1) Lib. Annal. XV. (2) Vit. Neron.

eum iis sacra periisse spolia Hierosolymitano sub-
lata e Templo, quæ Vespasianus in alterum Pa-
cis intulerat; etsi vasa quædam ad Honorii usque
tempora adservata fuerint, quæ Vandalorum tan-
dem spoliis cessere (1).

Hicce ex omnibus videt jam quisque, mini-
me pervium esse, ingentem Evocatorum copiam
Numinum in medium adferre. Verum age,
quæ colligi potuerunt, enumeremus. Teste Plu-
tarcho, (2) Fabius Fabrianus Maximi Cogna-
tus diripiens Tuxium principem Samnitium Ur-
bem, Venerem Viêtricem, quæ apud illos co-
lebatur, Romam misit, T. Quintius, exacto
Prænestino bello, Romam reversus est, trium-
phansque *Signum Præneste devectum Jovis Impe-
ratoris in Capitolium tulit*, (3) Feruntur Roma-
ni, inquit Servius, (4) *expugnata Urbe Vale-
ria, Jani Statuam illic inventam inde Romam de-
portasse, aut saltem ei similem Romæ fecisse, ubi
sub hac forma illum invocarunt; & ad Maro-
nis illa:*

Juppiter & Turnum & terras invisa relinquo,

Nec gens ulla tuos æque celebrabit honores;
Constat, inquit, (5) bella punico secundo exora-
tam

(1) Procop. De Bell. Vandal.

(2) In Parallel.

(3) Livius Lib. VI. Decad. 1.

(4) In Lib. Æneid. VII.

V. Grose de Roze Dissert. de Jano Veter.

(5) In Lib. Æneid. XII,

tam Junonem: tertio vero bello, à Scipione sacris quibusdam etiam Romam esse translata Signis: Mummius devicta Achaja replevit Urbem, inquit Plinius, (1) multa Luculli invexere Moles excogitatas videmus Statuarum; quas Colossos vocant; Turribus pares: Talis est in Capitolio Apollo translatus à Lucullo ex Apollonia Ponti Urbe XXX. cubitorum CL. talentis factum. Signum etiam Jovis Imperatoris ex Macedonia captum in Capitolio posuit Flaminius: Jovem autem Imperatorem; inquit Tullius, (2) quanto honore in suo Templo (Syracusani) fuisse arbitramini? hinc colligere potestis, si recordari volueritis; quanta religione fuerit eadem specie atque forma signum illud; quod ex Macedonia captum in Capitolio posuerat Flaminius. Etenim tria ferebantur in Orbe terrarum signa Jovis Imperatoris uno in genere pulcherrime facta: unum illud Macedonicum; quod in Capitolio videmus; alterum, in Ponti ore & angustiis; tertium, quod Syracusis ante Verrem Prætorem fuit. Illud Flaminius ita ex Æde sua sustulit, ut in Capitolio, hoc est; in terrestri domicilio Jovis poneret. Quæ ad verba animadvertit Grævius, (3) per Flaminium intelligi à Tullio T. Quinctium Flaminium; quamvis Livius, ut mox vidimus, id tribuat Q. Cincinnato, quem Præneste Romam id signum translulisse scribit; eique adstipuletur Victor in Urbis

(1) Lib. XXXIV. Cap. 7.

(2) Cicer. Verrin. IV.

(3) Not. in Lib. in Verr. VI.

bis descriptione, Signum Jovis Imperatoris Præneſte devectum putans. Arbitratum ſubdit Liſſium, hunc diſſenſum ortum eſſe ex titulo hujus ſigni, cui tantum *T. Quinctii* nomen fuerit inſcriptum, qui id in Capitolio ſine cognomine dedicaverit. Itaque alios retuliſſe ad *T. Quinctium* Flaminium, alios ad *T. Quinctium* Cincinnatum, tamquam is Præneſte devexerit, ut Livius, & Viſtor. Hos omnes, utpote in Obſidionibus captos Deos, certum eſt fuiſſe a Quiritibus oppugnatis ex Urbibus evocatos.

Urbes aliquas, & Oppida devota [e quibus ſcilicet evocata fuerant Numina; hac enim cæremonia peracta, Hoſtium Urbes Diis devovebantur Manibus] (1) enumerat Macrobius; Stonios nempe, Fragellas, Gabios, Vejos, Fidenas intra Italiam, extra eandem, Carthaginem, Corinthumque.

Minervæ Signum in bello adverſus Phaliſcos captum, Romanque a Viſtoribus translatum ait Ovidius: (2)

*Parvâ licet videas Capite Delubra Minervæ,
Quæ Deâ natali cœpit habere ſuo.
Nominis in dubio cauſſa eſt - - - -*

*An quia perdomitis ad nos captivâ Phaliſcis
Venit: & hoc ſignum littera prima docet?*
Ve-

(1) Macrobius. Lib. Saturnalis. III. Cap. 9.

(2) Lib. Faſtor. III.

Venerem autem e Siculis evocaram Urbibus memorat idem Faſtorum Interpres Vates: (1)

*Templa frequentari Collinæ proxima portæ
Nunc decet: a Siculo nomina colle tenent.
Utque Syracuſas Arethuſidas abſtulit armis
Claudius, & bello Te quoque cepit Erix;
Carminè vivacis Venus eſt translata Sibyllæ,
Inque ſuæ ſtirpis maluit Urbe coli.*

Solemnnem, celeberrimamque Junonis in Oppugnatione Vejorum Evocationem lato tradit calo Livius. Jam decem ab annis Urbs oppugnabatur; jam ex Albano lacu aqua in agros emiſſa Vejos fata appetere ſatis oſtendebat; jam reverſi ab Delphis Legati ſortem oraculi propitiam adtulerant; jamque ſignis cum Faſciſ, & Capenatibus collatis victoriam retulerat M. Furius Camillus Dictator, quum extremam ante Oppugnationem hoc ille Evocationem auſpicato carmine peregit: *Tuo ductu Pythice Apollo, tuoque numine inſtinctus, pergo ad debellandam Urbem Vejos: tibiſque hinc decimam partem prædæ voveo. Te ſimul Juno Regina, quæ nunc Vejos colis, precor, ut nos Viſtores in noſtram, tuamque mox futuram Urbem ſequare: ubi Te dignum amplitudine tua Templum excipiat.* (2) Expugnatis Vejis, amoliri tum Deum dona, ipſoque Deos Romani, ſed colentium magis, quam rapientium modo cæpere; namque delecti ex omni exer-

(1) Lib. Faſtor. IV.

(2) Livius Lib. V. Decad. 1.

exercitu Juvenes pure lautis corporibus, candida veste, quibus deportanda Romam Juno assignata erat, venerabundi Templum iniere, primo religiose admoventes manus, quod id Signum, more Etrusco, nisi certæ Gentis Sacerdos attrectare esset solitus. Motam sede sua parvi molimenti adminiculis, sequentis modo accepimus levem, ac facilem translato fuisse, integramque in Aventinum, æternam sedem suam, quo vota Romani Dictatoris voverant, perlatam, ubi Templum postea idem, qui voverat, Camillus dedicavit. Quam inique hoc Livii testimonium & factum interpretatus fuerit Plutarchus, egregie a Perizonio ostensum est. (1)

Haud exiguum vero Evocatorum Numinum censum suo refert in Carmine Romana Sacra sollicitante Prudentius. Sic enim de victrice Roma: (2)

*Hoc Signum rapuit bimaris de strage Corinthi,
Illud ab incensis in prædam sumsit Athenis;
Quasdam victa dedit Capitis Cleopatra canini
Effigies, quasdam domitis Ammonis harenis.
Syrtica cornutas facies habuere trophæa.*

*Sed multi duxere Dei per prospera Romam;
Quos colit ob meritum magnis donata triumphis.
Ergo age, Bellatrix, quæ vis subjecerit, ede,
Europam Lybiamque tibi, dic nomina Divorum?*

I

Juppi-

(1) Lib. Animadv. Historic. Cap. IX.
(2) Lib. adv. Symmach. II.

*Juppiter ut Cresæ dominæris, Pallas ut Argis,
Cynthius ut Delphis tribuerunt omine dextro:
Isis Nilicolas, Rhodias Venus alma reliquit;
Venatrix Epbesum Virgo, Mars dedit Hebrum:
Destituit Thebas Bromius: concessit & ipsa
Juno suis Phrygiis servire Nepotibus Aphros,
Et quam subjectis Dominam Dea Gentibus esse
Si qua fata sinant, jam tum tenditque, fovetque,
Jussit Romuleis addictam vivere frenis.*

Illud autem adnotatione dignum, Romanos videlicet, spoliatis hostilium Urbium fanis, ornamentisque sacris, ac donariis egestis, Numina etiam ipsa capta dixisse, victa, ac evocata. Judæorum Deus, esto quis ille vere esset, togata Gens utique non sciret, esto sine Signo cultus, quod tamen, expugnatis Hierosolymis, Sacra omnia, Templique ornamenta Romanam Victores tulissent, evocatus dicebatur, victus, captus, & triumphatus. *Judæorum sola & misera Gentilitas* [apud Minucium Felicem agebat ille Ethnicus] (1) *unum & ipsi Deum, sed palam, sed Templis, aris, victimis, careremontis coluerunt: cujus adeo nulla vis, nec potestas est, ut sit Romanis hominibus cum sua sibi natione captivus.* Scilicet e jam recitatis principiis, quibus numquam inveniri posse, numquam adesse Deos voluisse novimus, ubi infortunia imminerent, ubi suarum ornamenta Ædium raperentur, ubi nullæ divitiæ essent; quare &

(1) In Octav.

simplex ille Christianus Vates Commodianus ,
ubi de Ammudate quodam ignoto Deo loquitur , inquit : (1)

*Magnus erat illis quando fuit aurum in æde .
Mittebant capita sub Numine quasi præfenti .
Ventum est ad summum , ut Cæsar tolleret aurum ,
Defecit Numen , aut fugit , aut transiit in ignem .*

Formulam , precesque , quibus ad evocandos
oppugnatis ab Urbibus Deos utebantur Quiri-
tes , retulit Macrobius , cujus en verba : (2) *Si
Deus , si Dea est , cui Populus , Civitasque Car-
thaginienfis est in tutela , Teque maxime ille , qui
Urbis hujus Populique tutelam recepisti , precor ,
venerorque , veniamque a vobis peto , ut Vos Po-
pulum , Civitatemque Carthaginensium deseratis ,
loca , Tempia , Sacra , Urbemque eorum relinqua-
tis , abque his abeat : eique Populo , Civitati que
metum , formidinem , oblivionem iniiciatis : pro-
ditique Romam ad me , meosque veniatis : nostra-
que vobis loca , Tempia , Sacra , Urbs acceptior ,
probatiores sit : mihi quoque , Populoque Romano ,
Militibusque meis præpositi sitis , ut sciamus , in-
telligamusque : Si ita feceritis , voveo vobis Tem-
pla , ludosque facturum .*

Verba illa : *Si Deus , si Dea est* , millies apud
veteres reperiuntur Auctores , cujus rationem
formulæ toti sunt ut interpretentur Recentio-
res : Alii igitur ex ignorato Tutelari Numine

(1) Instruct. XVIII.

(2) Lib. Saturnal. III. Cap. 9.

eam formulam ortum accepisse suum arbitrati sunt . (1) Alii *γινανδρος καὶ ἀνδρόγυνος* haud existimantes Deos , ex ignorato vocatæ Divinitatis sexu inventam , profectamque docuerunt . (2) Alii eandem , tametsi indeterminate conceptam , alicui peculiari tamen convenire Deo conantur ostendere . (3) Nonnulli quod multiplici Deorum ex munere , multiplici insignirentur etiam nomine , ea fuisse dicunt ratione cautum , ne fortasse non suo , aut inauspicato nomine Numen appellantes , piaculis tenerentur inexpiablebus . (4) Alii demum Deos , Deasque omnes confuse perpetuo invocari dixere . (5) Hujusmodi autem aliis in caeremoniis , sive alio in loco , alioque tempore , idoneas esse formulæ interpretationes candide fatemur , sicut in Evocatione . Universam siquidem formulam plures dicimus , ut e verbis , quibus concipitur , patet , respexisse Deos , quotquot scilicet bellum , & pacem curare dicebantur , quotquot Urbis , aut expugnandi Oppidi erant Præsides . Vetus doctrina erat plures unius Urbis Deos esse Tutelares , quod ex Laribus facti Viales , & Compitales , exque Compitalibus orti totius crederentur Gentis , Urbis totius Præsides ; singulis scilicet familiis Custodes

(1) Aul. Gell. Lib. Noct. Attic. II. Cap. 28.

(2) Arnob. Lib. III. adv. Gent.

(3) Boethorn. Quest. Roman. I.

(4) Aul. Gell. Lib. Noct. Attic. II. Cap. 28.

(5) Briffon, *De Formis, & Solen. Pop. Rom.* Lib. I.

des junctim Urbi præsidere ; unde multitudo Præsidum . (1) Eos Larium nomine pluribus vocatos a Poetis edocet Parrhasius ; (2) eosque Larium nomine indigitat Propertius ; cætera enim inter Romanam ad rem pertinentia , quæ recubans vidisse fingit ; Cannensem non omittit cladem ;

Hannibalemque Lares Romana fede fugantes : (3)
De Laribus namque Urbium ; eorumque loquens munere ; hæc Ovidius : (4)

*Stant quoque pro nobis , & præsumt mœnibus Urbis ,
Et sunt præsentès , auxiliumque ferunt .*
Qua fide fultus & Tibullus , hac prece supplici Lares advocat suppetias adlaturos : (5)

At nobis ærata Lares depellite tela ;
quare illo ex usu ; quem in bello præstare censebantur ; eosdem *Hostilios* appellabant ; (6) eisdem præsentibus rem se prospere gesturos arbitrati :

Romani profecto plures una venerabantur æternæ Urbis , & Imperii Præsides ; quare Tullius : *Primum* ; inquebat ; (7) *debeo sperare , omnes Deos , qui huic Urbi præsident , pro eo mihi , ac mereor , relatueros gratiam esse :* Et alio in

I 3 lo-

(1) Vossius Lib. De Orig. Idolol. I. Cap. 11.

(2) Comment. in Lib. Claud. I. De Rapt. Proserpinæ

(3) Lib. III.

(4) Lib. Fastor. V.

(5) Lib. II. Eleg. 10.

(6) Fest. Lib. VIII. Voc. Hostil.

(7) Orat. in L. Catilin. IV.

loco: (1) *Testor Vos, & Populum Romanum, & omnes Deos, qui huic Urbi præfident, Sic & pro Augusti incolumitate, & gloria Deos omnes Urbis, ac Imperii Romani Præfides invocat Virgilius: (2)*

*Dj Patrii Indigetes, & Romule, Vestaque Mater,
Quæ Thuscum Tiberim, & Romana palatia servas,
Hunc saltem everfo Juvenem succurrere sæclo.*

Pro eodem Deos etiam omnes, qui Æneam flammæ inter, & Græcorum gladios deduxere incolumem, ceterosque Urbis, ac Imperii Romani Præfides advocat Ovidius: (3)

*Dj, precor, Æneæ comites, quibus ensis & ignis
Cesserunt; Djque Indigetes, Genitorque Quirine
Urbis, & invicti Genitor Gradive Quirini,
Vestaque Cæsareos inter sacrata Penates,
Et cum Cæsarea Tu, Phœbe domestice, Vesta;
Quique tenes altus Tarpejas, Juppiter, arces,
Quosque alios Vati fas appellare, piumque est:
Tarda sit illa dies, & nostro serior ævo,
Qua caput Augustum, quem temperat, orbe relicto,
Accedat cælo, faveatque præcantibus absens,*

Bellicis autem in expeditionibus hæc etiam omnia invocabant Romani Duces Tutelaria Urbis, ac Imperii Romani Numina; quare Cæsar cœpturus civile bellum, ita a Luçano præcatus inducitur: (4)

Q Ma

(1) Philippic. XIII. (2) Lib. Georg. I.
(3) Lib. Metamorph. XV.
(4) Lib. Pharsal. I.

*O Magnæ qui mœnia prospicis Urbis
Tarpeja de rupe tonans, Phrygiique Penates
Gentis Juleæ, & rapti secreta Quirini,
Et residens celsa Latialis Juppiter Alba,
Vestalesque foci, summique o Numinis instar
Roma fave cœptis: non te furialibus armis
Prosequor.*

Cæsarem ipsum Pharfalicam post pugnam idem
Vates per Troadem circumducens, sic eum,
dirutum dum conspicit Ilium, vota iterum ad
Deos concipientem effingit: (1)

*Dj, cinerum Phrygias colitis quicumque ruinas,
Æneæque mei, quos nunc Lavinia Sedes
Servat & Alba Lares, & quorum lucet in aris
Ignis adhuc Phrygius, nullique aspecta Virorum
Pallas, in abstruso pignus memorabile Templo,
Gentis Juleæ vestris clarissimus aris
Dat pia thura Nepos, & vos in Sede priori
Rite vocat: date felices in cetera cursus:
Restituam Populos, grata vice mœnia reddent
Ausonidæ Phrygibus, Romanaque Pergama surgent.*

Quam belle hoc carmen suis omnibus in par-
tibus Evocationis cum prece convenit! Reapse,
cur non hos omnes Imperii, ac dominæ Urbis
Præsides invocare debuissent Quirites, quum
dubitassent minime, eosdem omnes oppugna-
tam olim Urbem defendisse, suo quosque in
ejusdem propugnatione militariter functos mu-
nere, ut Pœnorum inde Ducem in fugam ver-

I 4 te-

(1) Lib. Pharfal. IX.

terent? Scilicet quod uno dixit Propertius *Câp*
mine, exhibet nobis amœnissima descriptione Si-
lius Italicus. (1)

*Juppiter Æthiopum remeans tellure, minantem
Romuleo Pœnum ut vidit succedere vallo,
Cœlicolis raptim excitis descendere tecta
Dardana, & in septem discurrere jusserat arces.
Ipse e Tarpejo sublimis vertice, cuncta
Et ventos simul, & nubes, & grandinis iras,
Fulminaque & tonitrus, & nimbos conciet atros.
Jamque propinquabat muro, quum Juppiter ægram
Junonem alloquitur curis, mulcetque monendo:
Nullane Sidonio Juveni, Conjuxque, Sororque
Cbara mihi, non ulla unquam sine fine feroci
Addes frena Viro? fuerit delere Saguntum,
Exequare Alpes, imponere vincula sacro
Eridano, fœdare lacus, etiamne parabit
Nostras ille domos, nostras perrumpere in arces?
Siste Virum, namque (ut cernis) jam flagitat ignes,
Et parat accensis initari fulmina flammis.
His dictis grates agit, ac turbata per auras
Devolat, & prensa Juvenis Saturnia dextra,
Quo ruis o Vecors? majoraque bella capeffis
Mortali quam ferre datur? Juno inquit, & atram
Dimovit nubem, veroque apparuit ore.
Non tibi cum Phrygiæ res, Laurentique Colono,
En age (namque oculis amota nube parumper
Cernere cuncta dabo) surgit qua celsus ad auras,
Aspice, Montis apex, vocitata Palatia Regi
Parrha-*

(1) Lib. XII.

*Parvbasio, plena tenet, & resonante pharetra,
 Intenditque arcum, & pugnas meditatur Apollo.
 At qua vicinis tollit se collibus alta
 Molis Aventinus, viden' ut Latonia Virgo
 Accensas quatiat Phlegetontis turgite tedas,
 Exertos avidæ pugnae nudata lacertos?
 Parte alia cerne, ut sevis Gradivus in armis
 Implerit dictum proprio de nomine campum.
 Hinc Janus movet arma manu, movet inde Quirinus,
 Quisque suo de colle Deus, sed enim aspice, quantum
 Ægyda commoveat nymbos, flammæque vomentem
 Juppiter, & quantis pascit ferus ignibus iras.
 Huc vultus flecte, atque aude spectare Tonantem,
 Quas hyemes, quantos concusso vertice cernis
 Sub nutu tonitrus? oculis qui fulguret ignis?
 Cede Deis tandem, & Titania desine bella.*

Jam vero non semel dictum, Romanos externa quæcumque Romana interpretatione, suoque concepisse modulo. Itaque ea ratione, qua plures arbitrabantur habuisse se Propugnatores Romanæ Urbis Deos, eaque ratione, qua plures in bellis invocabant suæ Gentis Præsides, ita plures evocare necessum duxere Tutelares Urbium oppugnatarum Deos. Exemplum rei, quo & nostra Interpretatio confirmetur Formulæ, in L. Pinario est, qui, capto de Ænensibus in Sicilia trucidandis consilio: *Vos, inquit, (1) Ceres Mater, ac Proserpina precor, ceteri superni, infernique Dii, qui hanc Urbem, hos sacratos*
latus,

(1) Livius Lib. IV. Decad. 3.

lucus, lucosque colitis, ut ita nobis volentes propitii adsitis, si vitandæ, non ferendæ fraudis causa hoc consilii capimus. Sic Ethnici reipsa omnes, pro vera polytheismi indole, preces concipiebant suas, quod solitaria Numina nullibi fortasse noscerent; unde & Archidamus Lacedæmoniorum Rex, hostilem adgressurus Platæensium agrum, Deos omnes illius Gentis, illius regionis Præsides ita contestari cæpit: *Θεοὶ ὅσοι γῶν τῶν πλαταίων ἔχετε.* (1) *Dii quotquot Plataensem terram possidetis.*

Illud immo carmen bellicos arbitror omnes respexisse Deos; Dii quippe, Ethnicorum in sententia, multi uni rei præsidere dicebantur, utque Nuptialia Numina Hymenæus, Juno, Erycina, Ceres, Phœbus, & Bacchus erant, ita & Bellica Mars, Bellona, Pellonia, alia, Neptuno murorum, ac fundamentorum per cuniculos discutiendi partes datæ, Junoni Portarum præsidia, utpote quæ ipsius inventum, & cura; iccirco egregie Poeta: (2)

*Non tibi Tyndaridis facies invisa Leææ,
Culpatufque Paris, verum inclementia Divum
Has evertit opes, sternitque a culmine Trojam.
Neptunus muros, magnoque emota Tridenti
Fundamenta quatit, totamque a sedibus Urbem
Eruit, hic Juno Scæas sævissima Portas
Prima tenet, sociumque furens a nubibus Agmen
Ferro accincta vocat.*

Jam

(1) Thucydid. Lib. I. (2) Lib. Æneid. II.

Jam summas arces Tritonia, respice, Pallas

Insedit nimbo effulgens, & Gorgone sæva.

Ipse Pater Danais animos viresque secundas

Sufficit, ipse Deos in Dardana suscitât arma.

Ut enim non unus modo pro Oppugnatoribus stabat Deus, uti pro Græcis adversus Trojam Hermes, Neptunus, Vulcanus, Juno, Minerva, ita nec unus tantum adversus oppugnatae Urbis hostes; uti pro obsidione preffis Trojanis Xanthus, Apollo, Venus, Mavors, Latona, Diana; quare & Æneas in prece: (1)

Vos quoque Pergamæ jam fas est parcere Genti,

Dique, Deæque omnes, quibus obstitit Ilium, & ingens

Gloria Dardaniæ.

Itaque præter peculiarem, ac præcipuum, ita ut dicam, Tutelarem, ceteros etiam, & quoscumque Lares Romani evocabant; immo fortasse communes aliquando Deos, denique & Romanos. Vel ante Vejorum expugnationem Regina Juno Præsides inter Romæ Deos frequens ab Historicis enumerata, & tamen eandem ex Vejis evocatam inde fuisse dubitandum non est. Fortassis in Dearum vetere Collegio admiscere Romani, non nomine, aut officio tenus, sed re, naturaque diversas, discretasque Junones, uti probatissimis ex Inscriptionibus celebris Paciaudus arbitratus est. (2) Ceterum nil adversus Evocationis principia, si vel Juno

Re-

(1) Lib. Æneid. VI.

(2) Dissert. De Antiquitatib. Cupræ §. 2.

Regina solum semper cognita fuisset. Quam enim Ethnicorum in sententia maximi deambulatorum essent Dii, & modo in hoc, modo in illo exstarent loco, proque diversitate temporum uni præstites modo, modo alteri adstites dicerentur Genti, ea videlicet ratione, qua pro locorum diversitate diversa credebantur habere munera, diversas potestates; heinc inferre jure possumus, verba illa Formulæ, *Si Deus, si Dea est*; non ad ignotos modo, occultosque, aut media etiam de plebe Deos; sed ad communes aliquando esse referenda.

Maximum hisce omnibus accedit momentum; privatis scilicet quidem Ethnicis, privatis in votis, privato in negotio, in moribus fuisse; speciales invocare, ac singulares Deos; ast in negotiis quibuscumque publicis, uti in ferendis legibus, ac fœderibus ineundis, in devovendis Urbibus, ac hostium copiis, ideoque & in Evocationibus, Præsides regionis omnes; Majorumque Deos Gentium fuisse ab eisdem invocatos; etiam præcipui Præsidis mentionem facere aliquando soliti fuissent. Adfert Polybius jusjurandum ab Annibale, ceterisque Carthaginensibus, cum Xenophane Cleomachi Atheniensium Legato factum, quem videlicet ad eos miserat Philippus Demetrii Rex, pro se, Macedonibus, ac Sociis: (1) *Ἐναντίον δῖος, καὶ ἥρας, καὶ ἀπόλλωνος· ἐναντίον δαίμονος καρκηδονίων, καὶ Ἡρακλέους, καὶ Ἰολέως.*

(1) Lib. VII.

Ἰολάν· ἐναντίον ἄραις, τρίπωνς, ποσειδῶνος· ἐναντίον
 Θεῶν τῶν συστρατευομένων· καὶ ἥλιος, καὶ σελήνης, καὶ
 γῆς· ἐναντίον ποταμῶν, καὶ λαιμόνων, καὶ ὑδάτων· ἐναν-
 τίων πάντων Θεῶν ὅσοι κατέχουσι καρχηδόνει· ἐναντίον
 Θεῶν πάντων ὅσοι Μακεδονίαν, καὶ τὴν ἄλλην ἐλλάδα κατέ-
 χουσιν· ἐναντίον Θεῶν πάντων τῶν κατὰ στρατείαν, ὅσοι
 σ' ὕψι ἐφεισθήκασιν ἐσπὶ σὺδε αὐτοῖς. *Et est fœdus hoc
 iſtum coram Jove, & Junone, atque Apolline :
 coram Dea Carthaginiensium (En Tutelârem) Her-
 cule, & Jolao : item coram Marte, Tritone, Ne-
 ptuno : coram Diis expeditionis comitibus : Sole
 etiam, Luna, & Tellure : coram Fluviis, pratis,
 aquis, coram omnibus Diis, qui Carthaginem im-
 perio tenent : coram Diis universis, qui Macedo-
 niam, & reliquam terram Græciam imperio suo
 obtinent : coram Diis omnibus Præsidibus rei belli-
 cæ, qui huic ſanciendo fœderi præſentes interve-
 niunt. Adeo res Populi, ſaluſque publica, non
 unius eſſe videbantur poſſe curæ Numinis con-
 creditæ. Vellejus Paterculus Romanæ Gentis
 Hiſtoriam, hiſce votis in ſalutem omnium con-
 ceptis, hiſce verbis abſolvit : (1) Juppiter Ca-
 pitoline, & auctoꝝ, ac Stator Romani nomi-
 nis Gradiſque Mars, perpetuorumque Cuſtoſ Veſta
 ignium, & quidquid Numinum hanc Romani Im-
 perii molem in ampliffimum terrarum Orbis faſti-
 gium exſtulit, voſ publica voce obteſtoꝝ, cuſtodite,
 ſervate, protegite hunc ſtatum, hanc pacem &c.
 Idoneam habes, aut ego fallor, carminis, ſive
 for-*

(1) Lib. II,

formulæ Evocationis in cæremonia usu habitæ interpretationem.

Supremo ab Exercitus Duce recitabatur hoc Evocationis carmen, uti in Camillo Vejos expugnante relatum mox exemplum est; supremi etenim apud Romanos Copiarum Modératoris erat, sacrificia, in castris offerre, vovere aras, & Tempia, Hostium Urbes; atque Copias Diis devovere Manibus, (1) præeunte tamen Evocationis verba, qui in castris operabatur, Pontifice, Gabino cinctu incincto, (2) consueta videlicet lacinia togæ levo brachio subducta, inque tergum rejecta, contracta, retractaque ad pectus, & in modum ita flexa, quo brevior, ac strictior efficeretur; (3) more, uti adnotum, a Gabiis recepto, quorum Cives subitaneum ad bellum ita cincti exsilierunt, redieruntque victores. (4) Hasce tamen omnes cæremonias, exsoleto e Populo rapinarum sacrarum horrote, & patefacto Victorum jure, elongatione temporis antiquatis, uti fieri solet, prioribus Religionum institutis, ea etiam ratione, quâ bellicos Feacialium ritus, adservata, ita ut dicam, Evocationis substantia, imminente Rei publicæ senectute, & canitie, extimas utpote, & non adhuc necessarias, neglexisse Romanos arbi-

(1) Choul. *de Castrament. Roman.*

(2) Guthier. *De Jur. Veter. Pontif.* Lib. I. Cap. 29.

(3) Ferrar. *De Re Vestiar.* Lib. I. Cap. 14.

(4) Farnab. in Lib. *Æneid.* VII.

arbitror; *Dubium non est*, inquit Tullius; (1) *quin hæc Disciplina & ars Augurum evanuerit jam & vetustate & negligentia. Itaque neque illi assentior, qui hanc scientiam negat unquam in nostro Collegio fuisse: neque illi, qui esse etiam nunc putat. Quamvis non idem verò ars Augurum cum Evocatione Deorum in oppugnationibus Urbium, illo ex testimonio tamen quantum mutata inde fuerint Romanorum Sacra, satis intelligimus; uti ex Arnobii testimonio ita Religionem Christianam adversus Romanos tunc rerum dominos egregie vindicantis! Nami si mutare sententiam culpa est ulla vel crimen, & a veteribus institutis in alias res novas voluntatesque migrare; criminatio ista & vos spectat, qui toties vitam consuetudinemque mutastis, qui in mores alios, atque alios ritus primum condemnatione transistis. Numquid enim quinque in classes habetis Populum distributum, vestri olim ut habuere Majores? Numquid Magistratus per Populum creatis? militaria, urbana, communia quæ sint Comitia, scitis? Servatis de cælo, aut otiosas facitis obnunciationibus actiones? Cum paratis bella, signum monstratis ex arce? aut fecialia jura tractatis? Per clarigationem repetitis res raptas? aut martium discrimen obeuntes spem prælii sumitis, & ex acuminibus auspicatis? In pene-
trali-
bus Vestæ ignis perpetuos fovetis focos? sacras facitis mensas salinorum appositu & Simulacris
Deo-*

(1) Lib. de Legib. II.

Deorum ? (1) Quamvis igitur ad posteriorem usque Romanæ Reipublicæ ætatem vetera signa intimis in penetralibus adhuc adservaverint Quirites, & aliquam eorum superstitiones habuerint rationem; unde Tullius: *reddite nobis Brutum, lumen & decus Civitatis: qui ita conservandus est, ut id signum, quod de cælo delapsum, Vestæ custodiis continetur: quo salvo, salvi sumus futuri*; (2) quamvis etiam Heliogabalus, Signum, quod Palladium esse putabat, abstulisse dicatur, & in Dei sui templo locasse; (3) ast tamen quum ad illud cæremoniarum veterum genus Evocatio Deorum spectasse videatur, de quo mox Arnobius, inde eam ut ceteras antiquatam fuisse imaginari jure possumus. Ea de re triumphum sui temporis oratoria etiam describens ubertate Tullius, Deorum Evocatorum signa videtur prætermittere. *Quid tandem habet iste currus?* inquit, (4) *quid vincti ante currum Duces? quid simulacra Oppidorum? quid aurum? quid argentum? quid Legati in equis & Tribuni? quid clamor militum? quid tota illa pompa?* Dum se doluit Ovidius non interesse potuisse triumpho Cæsaris de victa Germania, eumque descripsit, nil de Diis memoravit ceu tunc temporis, ut olim, triumphatis & victis. Illa tantum legas: (5)

Ergo

-
- (1) Lib. II. adv. Gent. (2) Philipp. XI.
 (3) Lamprid. in Vit.
 (4) Orat. in Pison.
 (5) Lib. Trist. IV. Eleg. 2.

Ergo omnis populus poterit spectare triumphos :

Cumque Ducum titulis Oppida capta leget ;

Vinclaque captiva Reges cervice ferentes

Ante coronatos ire videbit equos.

Et cernet vultus aliis pro tempore versos,

Terribiles aliis, immemoresque sui.

Quorum pars causas, & res, & nomina quæret,

Pars referet, quamvis noverit illa parum.

Hic lacus, hi montes, hæc tot castella, tot amnes

Plena fere cadis, plena cruoris erant.

Heinc intelligimus, cur Macrobius Quirites ea sæpe usos cæremonia dixerit, (1) cur etiam Plutarchus putasse se Romanos, Evocationis ope, scripserit, Θεὸς τινὰς ἐκκληῆσθαι παρὰ τῶν πολέμιων, quosdam ad se ex victoriis traduxisse Deos. (2) Nam etsi Pompeii in triumpho prælatas legimus Barbaricorum Deorum Statuas cum ornatu patrio; (3) etsi alias Urbes sub Cæsaribus etiam, insensantibus Diis exitio traditas dixerit Historicus; (4) etsi victus, triumphatusque, & captus dictus fuerit Hierosolymorum Deus; (5) etsi demum, Vespasiani tempore de Evocatione agens scriptum reliquerit Plinius: (6) *Durat in Pontificum disciplina id sacrum*; de suæ tamen hominibus ætatis perpetuo querebantur

K

tur

(1) Lib. Saturnal. III. Cap. 9.

(2) Quæst. Roman. LX.

(3) Appian. De Bell. Mithrid.

(4) Tacit. Lib. Annal. XIII. Cap. 10.

(5) Min. Felix in Octav.

(6) Lib. XXVIII. Cap. 2.

tur ceteri Romanorum Historici, quod veteres hosce ritus, sacrasque cæremonias, & Patrum Religiones, omnem veluti divini, humanique juris memoriam, abolevissent, nova, peregrinaque omnia priscis prætulissent, ac patriis: (1) laudabilibus olim, & dum rudia erant ingenta, carminibus, inconditis ætatis vitio factis, & a molli prorsus seculo abhorrentibus: (2) nihil Deos portendere creditum, quare aut nulla in publicum nuntiata prodigia, nulla in Annales relata, aut veluti irrita accepta: (3) Victorias, & cetera quæcumque, visa sine cura Deum, qui vilioris, infirmiorisque erant Plebis imbecillitati relictæ. Equidem nonnulla vetera Sacra, Cæsarum ætate, consulto vitabantur; Augustum immo ex horrida illa antiquitate elegantiores ad usum plurima flexisse scimus; (4) Claudium e diverso & arte, & socordia exsolertas redintegrare optasse cæremonias. (5)

CA.

-
- (1) Livius Lib. VIII. Decad. I.
 (2) Idem Lib. VII. Decad. 3.
 Iterum Lib. III. Decad. 5.
 (3) Tacit. Lib. Annal. XIV. Cap. 2.
 (4) Idem Lib. Annal. IV. Cap. 3.
 (5) Idem Lib. Annal. XI. Cap. 4.
 Sueton. Vit. Claudiap.



C A P U T V I I I.

*Leges nonnullas, & facta quedam,
aut dicta Romanorum nulla fuisse
ratione ritui Evocationis adversa.*



U T de Legibus primum sermo sit; nemo est; Romana non omnino hospes in historia; qui ignoret; quanta Patrum cura fuerit; ne peregrina Numina Populus Romanus induceret; neve externos amplecteretur ritus: Id A. Cornelio Coss. & T. Quintio Pæno Coss. decretum; (1) decretum pariter Coss. Q. Fabio Maximo, & T. Sempronio Graccho. (2) Actum & de peregrinis Sacris pellendis anno Urbis conditæ DCCCLXXII. (3) Plures exteris de Religionibus quæstiones videre est Romanos apud Auctores. (4) Prohibitus

K 2

(1) Livius Lib. IV. Dec. 1. (2) Idem Lib. V. Dec. 3.

(3) Tacit. Lib. Annal. II.

(4) Cicer. Lib. II. De Legib.

Dionys. Halicarnass. Lib. II.

Sueton. in Tiber.

bicus & olim Cos. Lutatius Prænestinas, utpote, externas, adire fortes. (1) Denique Henricus Stephanus Romanorum Gentem peregrina Sacra adeo averfatam fuisse contendit, ut exceptis quibusdam paucis, quæ a Græcis Majores eorum, vel potius τῶν προπατόρων προπάτορες transtulisse ait, rectius μισογενεῖν περὶ τὸς Θεοὺς, quam φιλογενεῖν dici potuisse aperissime adfirmet; (2) quibus e momentis, κατ' ὅλιν probabilibus, in dubitationem revocare quis fortasse posset, an proclives adeo hostiles erga Deos fuerint Quirites, ut hostilium in expugnationibus Urbium, nova eos evocaverint in Tempia, & ad novas transtulerint, perpetuasque æternæ Urbis sedes.

Reapse haud video, qua nam ratione Romani Patres, quorum erat Religio in artem, & imperium erecta, quique Religionem potius ad regnandi artes, quam has ad illam referre soliti erant, externa potuerint, inviolatis dominationis arcanis, non arcere sacra, eodemque jure, quo Peregrinos non tantum Urbe, sed etiam facile Civitate donabant, hostilium etiam mœnium Præfides, Romanas devchere ad sedes. Nam ut ut irridere voluissent Flaminum superstitionem, qui quicquid sua non sumtum erat e penu, admittere ἀδίμζον habebant, nec aliud quam ἀμύνητα oculos hominis abominabatur magis, ast cur ignorasse Patres obsecro velimus,

(1) Val. Max. Lib. I. Cap. 4.

(2) Dialog. De morib. Græcor.

linus, raro solam Religionem mutavisse Civitates, patriisque institutis, ac Sacris Respublicas maxime contineri, adeo quidem ut, singulorum de moribus Civium, status omnium, & Societatis procul dubio pendeat; ideoque migrare ea, aut vel minima quæcumque mutare, ac nova recipere esse periculosissimum? Videre persæpe quippe licet, eorum qui in externis versantur consuetudinibus, amorem, & studium adversus Patriam paullatim elanguescere; nam ut eleganter Poeta: consuetudo concinnat amorem; unde & Patriæ tandem existat contemptus necesse est, externorum amor, & admiratio; sæpe etiam cum iis conspirationes, atque consilia adversus suos; uti sapienti ceterum, & eximio accidit Virò Xenophonti, propter diuturnam cum Agesilao Spartano consuetudinem. Itaque Legumlatorum aliqui, Religionis maxime causa, suis Peregrinorum commercio, & consuetudine interdixere; (1) nam & multarum interitum Rerumpublicarum ex Sacrorum aliquando non probata omnibus dissimilitudine existitisse, rerum eventus latissime docuere: (2) Hacce utique de causa Victores in eo fuerunt pæne omnes, ut in victoris mores Populi devictas pertraherent Nationes: Antiochus debellatis, superatisque Judæis, *scripsit omni Regno suo, ut esset omnis Populus unus: & relinqueret*

K 3

ret

(1) Giphani. Præf. ad Odyss. Homer.

(2) Bodini. Method. ad Hist. Cap. VI.

ret unusquisque legem suam. Et misit Libros per manus Nuntiorum in Jerusalem, & in omnes Civitates Juda, ut sequerentur leges Gentium terra, & prohiberent holocausta, & sacrificia, & placationes fieri in Templo Dei. Et prohiberent celebrari Sabbatum, & dies solemnes. Et jussit coinquinari Sancta, & sanctum Populum Israel. Et jussit edificari aras, & Tempia, & idola, & immolari carnes suillas, & pecora communia, & relinquere filios suos incircumcisos. (1) Alter autem Antiochus, Nobilis appellatus, antiquato pariter gentili Judæorum cultu, iisdemque coactis, ut transirent ad instituta Gentium, Judæorum filios instituendos curavit consuetudinibus Græcorum, Judæosque Adolescentes pileum gestare jussit Macedonicum; (2) ita quippe Casaubonus, adversus Junium, verba Sacri Auctoris interpretatur: τὸς Ἑβραῖοις ὑπὸ πίτταρον ὄντι. (3) Albani certe, Patria relicta, & cum Romanis commixti, Romano sacrificare ritu; (4) quo unus vere e duobus conflatus dici potuisset Populus, mens, & anima Civium una, communisque Religio, Claudianus Victorias Stiliconis celebrans, id Cæsaris jussu ab devictis factum ostendit: (5)

In Latios ritus transistis Alani,

Qui

(1) Lib. Machab. I. Cap. I.

(2) Casaubonian. pag. 96.

(3) Lib. Machab. II. Cap. IV.

(4) Livius Lib. I. Decad. 1.

(5) De IV. Honor. Consul.

Qui in Colonias immo mittebantur, Urbem novam veteris ad imaginem Patriæ, pro legibus, ac moribus Romanorum, simulare cogebantur, sique fieri posset, ædificia, mœnia, Portas, Religionem absque dubio, cæremonias, & Sacra; quod Veteres passim ostendunt Auctores; (1) quod & ab aliorum Coloniis Populorum rite peractum; Sagunthini namque extremo Urbis die arma servabant adhuc,

Dulichia Proavis portata Zacyntho,

Et prisca advectos Rutulorum ex Urbe Penates,
Quos cum pretiosioribus ceteris diuturnæ pacis opibus infaustum projecerunt in rogam. (2) Nunquam enim fuissent Coloniae, veræ servitutis sedes, si moribus antiquis Urbs nova non stetisset, si novi Cives vetere non vixissent more, & ritu, si veteris Patriæ dialecto, receptisque usi non fuissent Sacris, ac cæremoniis, quibus imperantium honos per Colonias, per socias, devictasque Gentes tutior, ac venerabilior diffunderetur. Certe D. Augustinus Romano de Populo ait, operam ab ipso datam esse, *ut imperiosa Civitas non solum jugum, verum etiam linguam suam domitis Gentibus pacto Societatis imponeret.* (3) Quod verius sua de Religione posset adfirmari. Hoc enim e Sacris Cybeles evidentissime adparet; nam quum Deæ Signum

K 4

quo-

(1) Virgil. Æneid. Lib. III. V. X.

Propert. Lib. IV.

(2) Sil. Ital. Lib. II.

(3) Lib. XIX. De Civit. Dei.

quotannis Capenam extra Portam ad lavacrum ducere soliti Quirites essent, (1) eundem subacti Romæ Populi concessere in morem, & ad similitudinem eorum, quæ in Urbe peragebantur omnium Principe, alibi, & in Coloniis maxime, Sacra illius Deæ facta, eodem simulato ritu, eodem simulato Almonis fluvio; (2) quod apud Ethnicos receptum esset, ut quæ in Sacris exhiberi reipsa non poterant, simularentur, ac perinde acciperentur, ac si talia suapte natura essent; (3) hoc enim & in Parentalibus factum; ad memoriam quippe Trojani Simoentis fluvii repræsentatus alter in funere Andromachæ ab Heleno in Epiro, & nuncupatus. (4) Qua igitur, inquit, ratione, externa in Urbe admittere voluissent Romani Paladia, & Sacra? Qua etiam sententia, regnandi artibus, ut est creditum, adversa, peregrina oppugnatis ab Oppidis voluissent educere Numina, novorumque, & exterorum societate Deum, veteres, ac patrios dehonestare? Sed fortasse ea de re ne somniarunt quidem, aut casu, & inconsiderate semel id, aut bis fortasse factum, repugnantibus enumeratis Legibus.

Verum Leges ejusmodi avitæ illi consuetudini, ac cæremoniæ minus obstare is statim intel-

(1) Ovid. Fastor. IV.

Prudent. Hymn. X.

(2) S. Ambros. Epist. ad Valent. adv. Symmach.

(3) Nannius Schol. in Epist. S. Ambros.

(4) Virgil. Lib. Æneid. III.

telliget, qui animadverterit, non sancire easdem peregrinis utcumque de Diis, sive earum sensum non de Diis *ἀπλῶς* intelligendum, sed de Sacris privata modo Popularium voluntate inductis. Jus enim rerum sacrarum, quod Veteres jus vocabant sacratum, (1) quodque ingentem Principibus majestatem, ac reverentiam conciliabat, summum esse referendum ad Imperium autumabant Quirites; more videlicet antiquissimas apud Gentes, vetustissimosque apud Reges recepto, ut qui Princeps esset, esset etiam Sacerdos. Enim vero jus hoc togatam apud Gentem haud penes alios reperitur fuisse, quam penes Reges, ac Imperatores, penesque summum illum, ac maximum Senatum. (2) Pontificum quippe tantum erat Sacra administrare, scireque, ut ait Livius, (3) *quibus hostiis, quibus diebus, ad quæ Tempia, sacra fierent, atque unde in eos sumptus pecunia erogaretur*. Ejectis Regibus apud Patres fuisse jus sacrorum ex infinitis constat Senatusconsultis; (4) timebant enim fortasse Patres, ne quis ritus, & Sacra induceret quieti Reipublicæ adversa, ejusque ordini, ac felicitàti; aut ne hominum ope privatorum peregrinis Sacris inductis, Imperii unum caput biceps fieret; neve si aliqui quibus datum semel esset, ita superstitiosum adu-

(1) Virgil. Lib. Æneid. II.

(2) Corvini. De Arcan. Rerumpubl.

(3) Lib. I. Decad. 3.

(4) Cicer. Orat. De Harusp. Respons.

adulari posse Populum , arbiter ut Religionis fieret , ipse , qui eorum , quorum adulationes aure patula captat , esse tandem jocus , ludibrium , atque mancipium solet , adulantium in arbitrio exinde esset ; quare partem hi aliquam juris Imperii usurpare pergerent , aliudque in Imperio facere non omnibus futurum fortassis utile Imperium . Mutata Republica , uti cetera , ita etiam quæ res ad divinas pertinebant , in se transtulere Cæsares ; ideoque Tacitus : (1) *Nunc Deum munere summum Pontificem , summum hominum esse ;* tametsi primis ab Imperatoribus , ut dissociabiles ceterum res componere viderentur , Principatum scilicet , & Libertatem ; & quia arcanum novi status est imago antiqui , ea ratione , qua nonnulla adversus sententiam suam decerni passi sunt , quo simulachrum , & larva pristini status , quo externa Reipublicæ forma , quam solam intuetur plebs , aliquandiu conservaretur , ita quædam sacri juris Senatui indulta ; quare & factum sub Claudio Senatusconsultum , *viderent Pontifices , quæ retinenda , firmandaque Aruspicum ,* (2) supplicationesque ob res domi , forisque aut gerendas , aut gestas , deque aut legitime peractis , aut pollutis aliquando Sacris a solo Senatu decretæ ; præcipue vero publicæ Apotheosæ , (3) quas promoveri solum contenti Imperatores erant , qui satis

(1) Lib. Annal. III.

(2) Tacit. Lib. Annal. XI.

(3) Alex. Maffæus *Gemm. Illustr.* Part. III.

ris noverant , cum quibus ipsis res esset , suasque preces imperia esse , iis maxime , qui adeo in assentatione erant , ut Cæsarea etiam jumenta postulati consecrassent , Itaque non ex invisibilibus peregrinis Sacris , aut ex Religionis Romanæ indole , latæ fuere a Quiritibus de cæremoniis externis aliquando abolendis Leges , verum potius ex arcano , & jure imperii , quod rerum facultatem sacrarum privatis adimebat , & supremæ asserebat Potestati , ut Religio in Republica esset , non in Religione Respublica ; aut ne Religionis specie in ambitionem dilapsi , absque ulla probabili causa mutationes in Republica inveherent ; aliena enim a communibus habere Sacra , non ad Religionem , sed ad conjunctionem pertinere Patres judicabant ; puram , incorruptamque suam Religionem aut existimantes falso , aut existimari , & simulari exoptantes ; mancā vero , aut fucis , & ceruscis infectam seditiosis modo videri dicentes posse , quibus videlicet ipsa libidini , aut inique agendi , aut dominandi Religio obtentui est .

Jam vero Dii in oppugnationibus Urbium Romanam evocati nullam in Religione mutationem inducere poterant ; erant enim delationes illæ , novæ veluti Apotheoses , recentium veluti Signorum consecrationes , Communes etiam erant aliquando qui evocabantur Dii ; denique suprema ab Potestate in Urbem admissi , Romani evadebant , & proprii . Illis immo in Legibus , quibus peregrinis cæremoniis Populus interdice-

batur ,

batur, non omnia peregrina Sacra vetabantur, sed illa modo, quæ receptis cum Religionibus, cum receptis moribus componi haud viderentur posse, aut quæ novitatem saperent, aut immanitatem. Augustus peregrinarum caeremoniarum, sicut veteres, aut præceptas reverentissime coluit: ita ceteras contemptui habuit. Namque Athenis initiatus, cum postea Romæ pro Tribunali de privilegio Sacerdotum Atticæ Cereris cognosceret: & quædam secretiora proponerentur, dimisso concilio, & corona circumstantium, solus audit disceptantes. At contra non modo in peragrandæ Ægypto paulo deflectere ad visendam Apim supersedit; sed & Cajum Nepotem, quod Judæam prætervehent apud Hierosolymam non supplicasset, collaudavit, (1) Nempe, ut ait Grotius, (2) quum nulla esset Religio alia tam ritibus dissona, quæ non in societatem admitteretur, ut Ægyptiaca, Phrygia, Græca, Tusca Sacra Romæ: soli Judæi passim deridiculo erant, ut ex Satyris, & Epigrammatibus apparet, interdum & relegabantur? Christiani vero propterea etiam atrocissimis afficiebantur suppliciis, cujus rei non alla potest reddi causa, quam quod hæ duæ sectæ unum Deum venerarentur, cujus honori recepti Dii adversabantur, non tam inter se, quam illius Æmuli. Lucas revera, in Actis Apostolorum, Athenas Urbem vocat Κατὰ δῶλον, refertam scilicet Idolis,

(1) Sueton. Vit. Aug.

(2) Lib. De Verit. Relig. Christ. IV.

lis, five Deorum Signis, quorum prope infinitam in illa Civitate copiam facti sunt etiam Philostratus, (1) Pausanias, Strabo, & Theophrastus, qui in medium producta Epigraphe Ἀρὰ Θεοῖς Ἀβίας, καὶ Εὐρώπης, καὶ Λιβύης, Θεῶν ἑκγνώσῳ, καὶ ξενῶ, *Diis Asiae & Europae, & Libyae, Ignoto Deo & peregrino*, existimat, Athenienses admisisse peregrinos totius Orbis terrarum Deos. Maximus Tyrius quoque, *Populus Atheniensis*, inquit, *alienos infert quotidie & novos Deos*. ὁ Ἀθηναίων δῆμος ὑπερὰ καινὰ δαμνόνια ἐπισφύρων. (2) Denique Hesychius, *Dii peregrini*, scribit, *coluntur ab Atheniensibus, quos recenset Apollophanes in Cretensibus*. Θεοὶ ξενικοὶ Ἀθηναίοι τιμῶνται, ὅς καταλέγει Ἀπολλοφάνης ἐν Κρήνῃ; & tamen, ut iisdem Apostolorum in Actibus docemur, tractus ad Areopagitas fuit Paullus, ceu novorum Numinum, ab Areopago scilicet non admissorum, Præco. Claudius, qui Judæos affidue tumultuantes Roma expulit, qui Druydarum Religionem apud Gallos diræ immanitatis, & tantum Civibus sub Augusto interdictam penitus abolevit, e diverso Sacra Eleusinia etiam transferre ex Attica Romam conatus est. (3) De Adriano quidem Cæsare scribit in ejus Vita Ælius Spartianus: *Sacra Romana diligentissime curavit, peregrina contempsit*. Verum, hæc pugnare animadvertit hunc ad locum Salmasius,

cum

(1) Lib. IV. Vit. Apollon. Cap. 6.

(2) Sermon. XXXII.

(3) Sueton. Vit. Claud.

tum iis, quæ in Vita ejusdem Cæsaris habet Aurelius Victor, nempe: *pace ad Orientem composita Romam regreditur. Ibi Græcorum more, seu Pompilii Numæ; ceremonias, leges; Gymnasia, doctoresque curare occœpit, adeo quidem ut ludum etiam ingenuarum artium, quod Athênæum vocant, constitueret, atque initia Cereris; Liberæque, quæ Eleusina dicuntur, Atheniensem more, Roma percoleret.* Per peregrina igitur sacra, intelligenda esse Ægyptiaca consequitur idem Salmasius, quæ revera multi Principes contemserunt: vel fortasse in Cereris sacrorum ritu aliquid mutasse Adrianum, & ut more magis Attico celebrarentur, curasse; quum revera ad Valentinianum usque & Theodosium manserint Eleusina, sub quibus modo deserta & abolita: Julius Capitolinus, in Vita Marci Antonini Philosophi; *tantus autem, inquit, terror belli Marci commanici fuit, ut undique Sacerdotes Antoninus acciperet, peregrinos ritus impleverit.* Scribit Ælius Lampridius, de Commodio Antonino agens: *Sacra Isidis coluit, ut & caput raderet, & Anubim portaret. Bellonæ servientes vere exsecrare brachium præcepit studio crudelitatis: Isiacos vero pineis usque ad perniciem, pectus tundere cogebat: Quum Anubim portaret, capita Isiacorum graviter obtunderet ore simulacri.* Quare Spartianus de Caracalla agens, in quo quidem, inquit, mihi mirum videtur, quemadmodum sacra Isidis primum per hunc Romam venisse dicantur, quum Antoninus Commodus ita ea celebraverit, ut & Anubim por-

portaret, & pausas ederet. Quod repetit in Vita Pescenii Nigri. Lampridius de M. Severo scribit: *Isium & Serapium decenter ornavit, additis signis & deliacis omnibus mysticis*. Ejusmodi vero haud licentiæ & libertati imperantium tribuenda, quum obtinerent apud Romanos in libera etiam Civitate. Arnobius regens Objectioni Ethnicorum, de novitate, ut aiebant, Christianæ Religionis; *Quid?* inquit, *(1) Vos Ægyptiaca Numina, quibus Serapis atque Isis est nomen, non post Pisonem & Galbinium Coss. in numerum vestrorum retulistis Deorum? Quid Phrygiam Matrem, cujus esse conditor indicatur vel Midas, vel Dardanus, non cum Hannibal Pœnus res Italas raperet, & terrarum exposceret principatum, & nosse & scire cœpistis, & memorabili Religione sancire? Sacra Cereris Matris, non quod vobis incognita essent, adscita paulo ante, obtentum est ut Græca dicantur, novitatem ipsam testante cognomine? Non Doctorum in literis continetur, Apollinis nomen Pompiliana indigitamenta nescire? Ex quo apparet, & liquidum est, & hunc vobis fuisse incognitum; post autem aliquando cœpisse esse notum. Et severiores quidem aliqui, inter Romanos, moderari Sacra saltem illa voluissent, quæ mores secum ferrent ab honestate alienos; qua de re Cicero in suis Legibus: *Novos vero Deos, & in his colendis novæ æternas pervigilantes sic Aristophanes, facetissimus**

(1) Lib. II. adv. Gent.

mus Poeta veteris Comœdiæ vexat , ut apud eum Sabazius , & quidam alii Dii peregrini iudicati , e civitate ejiciantur. (1) Rurfusque : Præter Idææ Matris famulos , eosque justis diebus , ne quis stipem cogito ; quam ita Legem explicat : Stipem sustulimus , nisi eam , quam ad paucos dies propriam Idææ Matris excepimus ; implet enim superstitione animos , & exhaurit domos . Qua in re adlufum volunt Interpretes ad morem , ut ajunt , Sacerdotum Magnæ Matris , ut mendicando stipem vel panem quærerent . Boni sane Interpretes , qui nil revera demum docent adlufum arbitror ad id , de quo testatur Minucius Felix in Oëtavio : *Mendicantes viciatim Deos ducunt* . Nempe signum magnæ Matris viciatim deferentes , aurum colligebant ejus celebrandis festis necessarium ; quod , ætate nostra , quum de Tutelari agitur , fieri ipsemet in Samnio vidi , Theate scilicet , ubi Fidicines pone vexillum Divi Præsidis instrumenta pulsantes , pios viciatim cient ad pecunias in proximam celebritatem erogandas . Ceterum , sibi Musisque canebat tunc Tullius ; Leges , ut ut Academicus , efformans Reipublicæ suæ existenti in mente , & prope dixerim , Platonicæ ; quum , illa præsertim tempestate , proclives maxime in peregrinas fuerint Romani cæremonias , uti superiore tempore in peregrina Numina ; tum scilicet quum imperium vehementius propagare satagerunt . Peregri-

(1) Lib. de Legib. II.

reginis autem omnibus sacris Populum interdiceret, quid aliud fuisset, quam suarummet Romanos oblivisci artium, & spem omnem præcidere acquirendi terrarum Imperii? Exterorum namque Sacrorum odium servare quidem diu aliquod Imperium potest, ast illud extendere, & propagare non potest; ut enim ceteri, qui Conquisitionis Spiritu acti aliquando sunt, ita & Romani credidere facile, nihil ad reliquas acquirendas sibi Gentes pervium esse magis permissione Sacrorum omnium, quorum ex concordia, uti autumabant, & invicem coeunte discordia, omnium animis sua libertate contentis, Populi pax, & erga Imperantes amor, & honor, & decus Patriæ, & gloria, & fortitudo Gentis, & ceterorum per confugia, per commercia Populorum opes, & divitiæ, & aurum, & accederet beata pleno copia cornu.

Reapse quod hisce in principiis Romani vel nascentis Reipublicæ tempore versarentur, ceterarum Deos Gentium, & ritus, ac cæremonias nunquam non admisere. Prima siquidem infantili Urbis ætate,

Exul ab Arcadia Latios Evander in agros

Venerat: impositos attuleratque Deos. (1)

Præter ea vero, quæ nascentem in Urbem

Transtulit Evander sylvestria Numina secum, (2)

L

præ-

(1) Ovid. Lib. Fastor. IV.

(2) Lib. Fastor. II.

præter ea , quæ cum suis olim fortasse Sabinis
translulerat Tatiùs , (1) fuere demum apud Ro-
manos , ut Penates etiam Phrygios cum Bo-
charto omitterem , atque Cluverio , Thracia ,
& Cretica Sacra , Argiva , & Taurica , Samia ,
& Ægyptia portenta ; (2) quare Claudia-
nus: (3)

*Arcanas huc Vesta faces , huc Orgia secum
Transtulit , & Phrygios Genitrix turrata Leones ,
Huc depulsurus morbos Epidaurius hospes
Raptavit placido tractu , veltumque per undas
Insula Præonium texit Tiberina Draconem .*

Stupebant Christiani nominis Patres super in-
finito Deorum , quos Romani colebant , numero ;
nec enim suis poterant in Scriptis *per singulos*
decurrere tot , ac tantos , novitios , veteres , Bar-
baros , Græcos , Servos , Romanos , Peregrinos ,
Captivos , adoptivos , proprios , Communes , Ma-
sculos , Fæminas , Rusticos , Urbanos , Nauticos ,
Militares ; (4) quare & de Quiritibus Pruden-
tius: (5)

*Cernis , ut antiqui semper vestigia moris
Gressibus incertis varie titubasse probentur ,
Adsciscendo Genios Majoribus incompertos
Seque peregrina sub Religione dicasse ?
Nec ritus servasse suos ? Quodcumque sacrorum est ,
Exu-*

(1) Rollin. Lib. Histor. Roman. I. Cap. 2.

(2) Auctor Lib. De Idolol. Vanit. inter Oper. Cyprian.

(3) Lib. III. De Laudib. Stilicon.

(4) Tertullian. Apologetic. Cap. X.

(5) Lib. adv. Symmach. II.

Exulat, æternumque inimicam venit in Urbem.

Fateor equidem Senatum Ifidis, & Serapidis Fana, quæ privatim nonnulli exstruxerant, demoliri iussisse; (1) apud eundem tamen sententia dentum obtinuit, ut Numina illa publice tolerentur; (2) Pisone scilicet, atque Gabinio Cofs., (3) Heinc Lucanus ingratham adversus Ægyptum: (4)

*Nos in Tempia tuam Romana accepimus Isim,
Semideosque Canes, & sistra jubentia luctus,
Et quem Tu plangens hominem testaris Osirim.*

Quamvis etiam Q. Fabio Maximo, & T. Sempronio Graccho Cofs. externis cæremoniis privata aliquorum voluntate, ex plebe in Urbem coeunte, exque superstitione, ac terrore receptis Populus interdiceretur; adnotum satis tamen Q. Fabium Pictorem Delphos a Senatu Legatum olim missum ad Religiones externas consulendas; (5) exque Senatusconsulto, Apollini, Græco fuisse ritu, in Urbe litatum; (6) uti & Cereri; qua tamen in re, animadvertenda maxime necessaria Tullii verba, tum quum ostendebat fœderatos populos potuisse Civitate donari, & revera fuisse donatos. *Cognoscite nunc,* inquebat, (7) *judicium Senatus, quod semper*

L 2 est

-
- (1) Livius Lib. II. Decad. 4. (2) Dio Lib. XXXIX.
(3) Arnob. Lib. adv. Gent.
(4) Lib. Pharsal. VIII.
(5) Livius Lib. VII. Decad. 5.
(6) Macrobian. Lib. Saturnal. I.
(7) Orat. pro L. C. Balbo.

est iudicio populi comprobatum. *Sacra Cereris, Iudices, summa Majores nostri Religione confici ceremoniaeque voluerunt: quae cum essent assumpta de Gracia, & per graecas semper curata sunt Sacerdotes, & Gracia omnia nominata: sed cum illam, quae Graecum illud sacrum monstraret & faceret, ex Gracia deligerent: tamen sacra pro Civibus Civem facere voluerunt, ut Deos immortales scientia peregrina & externa, mente domestica & civili precarentur.* Has Sacerdotes video fere aut Neapolitanas aut Velientes fuisse, foederatarum sine dubio Civitatum. Hæc omnia probe si perpendimus, Peregrinis Sacris non scita Pontificum, non Deorum placita obfasse dignoscemus, sed rationem, uti dicebam, retinendi modo juris Imperii; ne videlicet quod Patrum, quod summæ Potestatis erat in Religionibus discernendis, usurpare Populus pertentaret; illisque in Legibus, quibus peregrinis cæremoniis interdicebantur Quirites, non Religionis principia spectanda, sed dominationis, qua ita postulante, uti peregrinæ leges, ita arcebantur modo, modo accerlebantur, quærebanturque, & Romanam deferebantur ceterarum Gentium Numina, & Sacra; Evocationis iccirco, in qua publica, non privata auctoritate peragebantur omnia, nullo modo Leges ejusmodi dicimus obversatas.

Vehementiorem ingerere viderentur dubitationis ansam nonnulla Romanorum facta, quibus perpetuum haud fuisse dicere quis posset devictorum Simulacra Numinum Romam accere

sequ.

scēdi morem . Fama siquidem erat , Marcelli gloriam apud Populum fuisse majorem , quod Syracusanam post victoriam pleraque , & pulcherrima Signa Deūm , & donaria Sacra Syraculis auferens , quæ & triumpho suo splendori , & Romæ ornamēto essent , Urbem decorasset ; apud Scēnatum vero acceptius fuisse Fabii Maximi nomen , quod Tarento capto tale nihil abstulisset , sed pecunia , ac divitiis egestis , relinqui suis Sedibus Deorum Simulacra jussisset , addito notissimo effato : *Relinquamus Tarentinis suos Deos iratos* . (1)

Locris etiam receptis , quum sacram Proserpinæ pecuniam rapuissent Milites , jussere Romani Patres , eam , quanta quanta ex thesauris Dæ sublata esset , conquiri , duplamque in eisdem reponi , Sacrum piaculare fieri . Prætor , inquit Historicus , (2) *Legatique Locros profecti , primam , sicuti mandatum erat , Religionis curam habuere ; omnem enim sacram pecuniam , quæque apud Pleminium , quæque apud milites erat , conquistam , cum ea , quam ipsi secum attulerant , in thesauris reposuerunt , & piaculare sacrum fecerunt* .

Ejusmodi tamen facta exanimissimè perpensa receptæ haud officiant Tutelarium Numinum , hostilium in Oppugnationibus Urbium , Evocationi . Ut enim Tarentinis de Diis primum di-

L 3 cam ,

(1) Livius Lib. VII. Decad. 3.

(2) Idem Lib. IX. Decad. 3.

cam, jure dubitarem, an eos suapte sponte Fabius Maximus suis reliquerit in Sedibus, obstante scilicet Signorum mole, quæ transferri ea vetabat posse. Hoc e Plinio discimus scribente: (1) *Talis est* (Colossææ videlicet molis) *& Tarenti factus* (Juppiter) *a Lysippo XL. cubitorum*. Mirum in eo quod manus, ut ferunt, mobilis ea ratio libramenti est, ut nullis convellatur procellis. Id siquidem pervidisse & Arisfex dicitur modico intervallo. Unde maxime opus erat flatum frangi opposita columna. Itaque propter magnitudinem, difficultatemque moliendi non attigit eum Fabianus Verrucosus (ita appellabatur Fabius Maximus) cum Herculem, qui est in Capitolio, inde transferret.

Sed ut ut moles non obstitisset, cur unius ex dicto militariter prolato receptum adversus morem argumentemur? Num Aruspicium in bello Romanos non fecisse Exercitus dicemus, quod Auguria Ap. Claudius, & Flaminius contempsere? Fortasse ad relinquendos suos Tarentinis Deos compellebat Fabium prudens agendi ratio. Exactum vix Syracusanum erat bellum, quo significari non potest satis, quantum ex ereptis belli jure Deorum Signis irarum in Siculis, quantas in Senatu turbas moverit Marcellus. Dato Legatis Syracusarum Senatu, visæ lamentantium lachrymæ, exauditiæque inexorabilis indignationis voces, quod præter mœnia,

(1) Lib. XXXIV. Cap. 7.

nia, & tecta exhausta Urbis, refracta etiam essent Delubra Deum, Diis ipsis, ornamentisque eorum ablatis, sacri nihil relictum in Urbe fuisse. (1) Oportuit Consulem ea super re Orationem ad Patres pro se habere, nimiam ejusdem averfatos severitatem; tametsi ne necessarium hominem, haud quidem in tempore, a Republica averterent, quæ ipse bellum gerens, victorque egisset, rata habenda esse decrevissent, curæ tamen Senatui Syracusarum rem fore dicerent, mandarentque Levino Cos. quoad sine jactura Reipublicæ fieri posset, fortunæ illius Urbis consuleret. Ad leniendos autem aliqua ratione Siculorum animos, Patrum decreto, permutatio Provinciarum eo anno inter Coss. facta est. Marcellus, cui cum Imperio Sicilia demandata erat, ad Brutios adversus Annibalem missus. Hæc uti recentis nimium erant memoriæ, animo iccirco prudentis Fabiis observabantur. Itaque sequenti anno Tarentum quum recepisset, atque a cæde ad diripiendam Urbem discursum esset, trigintaque millia servilium capitum essent capta, ingens argenti vis facti, signatique auri LXXXIII. millia pondo, Signa, tabulæque, prope ut Syracusarum ornamentum æquarent, Deorum tamen aliquibus Simulacris abstinuit, (quid enim divitiis omnibus, pecuniis, atque donariis egestis, publicum Romanorum, apud quos jus Imperii valebat, inania trans mitteban-

L 4

tur,

(1) Livius Lib. VI. Decad. 3.

tur, deperdebat *Ærarium*, duobus ex omīssis infandæ magnitudinis Signis, nescio quo habitu pugnantium in modum efformatis?) Deosque suos Tarentinis relinqui jussit; qua videlicet ratione magni, & non crudelis animi famam apud Senatum, & apud victos, Evocatorum Deorum (quos captos, quos appellaverat iratos) suos apud milites Religionem, immortalem apud omnes, etiam si astu magis, quam virtute capta Urbs illa esset, gloriam consequeretur.

Haud secus vero Locrensiū de pecunia definiendum. Quippe quod pecuniam illam milites abstraxissent, ex belli jure, ex Evocatione peracta, rebusque sacris, prophanis effectis, ex Tutelaris discessu Deæ factum arbitrati sunt: quod eandem Locrensiū redditam voluerint Patres *σὸν φάρμακον* fuit, quod recte agendi rationi autumo tribuendum. Hoc Reipublicæ tunc temporis ex conspectu, ex Romanarum rerum facie dignoscitur apertissime. Agebat adhuc inter Brutios Annibal, cogitabantque Romani vertere bellum in Africam; itaque quum nec Hercules ipse contra duos, aliis omnibus levare in præsentia bellis, & litibus volebant. Locrenses etiam publico nunquam consilio ad Annibalem defecerant, sed vi potius ei subacti; eorumque non voluntate modo, sed opera etiam, atque virtute Locros Romani receperant: Legatus adhuc tamen barbara nimium, & inhumana agendi ratione se adversus eos gesserat, unde

tot x

tot, ac talia pati meriti minime viderentur. Ea quidem natura, seu potius necessitas est summi, & vasti Imperii, ut nonnumquam permagni interesse videatur privata ab æquitate recedere. Verum tamen haud longe deflectendum est, ne res violentum demum ad statum inexpectato deveniant. Est enim dominatio medium quoddam civile inter Imperium, atque tyrannidem, quæ tamen altero si omisso ad postremam hanc nimium vergit, non amplius dominatio, non jus, non Imperium, non limitatio, aut communis exceptio juris, sed ejusdem transgressio, sive *παρὰ τὴν φύσιν* quædam, summa & extrema injustitia est. Devictorum autem res, & opes aliqua nisi cum honestatis, ac humanitatis specie auferas, flagitium dominationis est, non arcanum. Intempestiva demum fuerat tanta eo temporis Pleminii severitas, neque aliud efficere profecto poterat, quam Lucanos efferare, Brutios, ceterosque, inter quos adhuc Annibal, & Pœnorum arma versabantur, Populos. Si enim adversus amicos, si adversus Romani Populi socios infanda adeo acta a Milite togato erant, ecquid inde timendum illis fuisset, qui se malo adversus Rempublicam animo fortunæ Carthaginensium addiderant? Accedebant hisce Locrensiū preces, lachrymæ, querelæ, vetusque malum, utriusque scilicet superstitio Gentis, qua vel Romani Patres jure formidare videbantur, ne tantum sacrilegium, uti olim adversus Pyrrhum, ita adversus novos Raptores vin-

dicare Dea pergeret ; ideoque Africæ conquirendæ spe frustrarentur. Jamque adversus Milites ira Deæ desæviebat, quos feralibus cœperat agitare furiis, adeo ut inter se Signis collatis concurrentes seditionem, tumultus, vulnera, mortes, & eo tristiora mala facerent, quo non prius desitura credebantur, quam in thesauris Deæ reposita pecunia. Horum momenta omnium habes e luculentissima descriptione Livij: *Decem Legati Locrensum, inquit Historicus, (1) obfiti squallore, & sordibus, in comitio sedentibus Consulibus, velamenta supplicum, ramos oleæ (ut Græcis mos est) porrigentes, ante Tribunal cum flebili vociferatione humi procubuerunt. Querentibus Consulibus, Locrenses se dixerunt esse ex passos a Q. Pleminio Legatq, Romanisque Militibus, quæ pati ne Carthaginienses quidem velint Populus Romanus. Orare, ut sibi Patres adeundi, deplorandique ærummas suas potestatem facerent. Senatu dato, maximus natu ex iis, Scio, inquit, quanti æstimentur nostræ apud vos querelæ, Patres Conscripti, plurimum in eo momenti esse, si probe sciatis, & quomodo proditi Locri Annibali sint, & quomodo pulso Annibalis præsidio restituti in ditionem vestram, quippe si & culpa defectionis procul a publico consilio absit, & reditum in vestram ditionem appareat, non voluntate solum, sed ope etiam, ac virtute nostra, magis indignemini bonis ac fidelibus Sociis tam atrocibus,*

(1) Lib. IX. Dec. 3.

ces, atque indignas injurias ab Legato vestro, militibusque fieri. Sed ego causam utriusque defectionis nostrae in aliud tempus differendam arbitror esse, duarum rerum gratia: unius, ut coram P. Scipione, qui Locros recepit; quippe omnium nobis recte perperamque factorum est testis, agatur: alterius, quod qualescumque sumus; tamen hac, quae passi sumus, pati non debuimus. Non possumus dissimulare; Patres Conscripti, nos cum praesidium Punicum in arce nostra haberemus; multa foeda, indigna, & a Praefecto Praesidii Amilcare, & Numidis, Afriisque passos esse. Sed quid illa sunt collata cum iis; quae hodie patimur? Cum bona venia, queso, audiat; Patres Conscripti, id quod invitus eloquar. In discrimine est nunc humanum omne Genus; atrum Vos; an Carthaginienses principes Orbis terrarum videat. Sed si ex iis, quae Locrenses aut ab illis passi sumus, aut a vestro Praesidio hunc cum maxime patimur, aestimandum Romanum; ac Punicum Imperium sit, nemo non illos sibi; quam Vos Dominos praepret. Et tamen videte, quemadmodum Locrenses in vos animati sint. Cum a Carthaginiensibus injurias multo minores acciperemus, ad vestrum Imperatorem confugimus; cum a vestro Praesidio plusquam hostilia patiamur; nusquam alio quam ad Vos querelas detulimus. Aut Vos respicietis perditas res nostras, Patres Conscripti, aut ne ab Diis quidem immortalibus quod precemur, quicquam superest. Q. Pleminius Legatus missus est cum Praesidio ad recuperandos a Carthaginiensibus Locros, & cum eo-

dem ibi relictus est Praesidio . In hoc Legato vestro (dant enim animum ad loquendum libere ultimæ miseriæ) nec hominis quicquam est , Patres Conscripti , præter figuram , & speciem , neque Romani Civis , præter habitum , & sonum latinæ linguæ . Pestis , ac bellua immanis , quale fretum quondam , quo ab Sicilia dividimur , ad perniciosam navigantium circumfedissee fabule ferunt . Ac si scelus , libidinem , & avaritiam solus ipse exerceat in Socios vestros satis haberet , unam profundam quidem voraginem tamen patientia nostra expleremus . Nunc omnes Centuriones , Militesque vestros (adeo in promiscuo licentiam , atque improbitatem esse voluit) Pleminios fecit : omnes rapiunt , spoliant , verberant , vulnerant , occidunt : constuprant matronas , virgines , ingenuos raptos ex complexu parentum . Quotidie capitur Urbs nostra , quotidie diripitur : dies , noblesque omnia passim mulierum , puerorumque qui rapiuntur , atque asportantur , ploratibus sonant Omnia , quæ captæ Urbes patiuntur , passi sumus , & nunc quantum maxime patimur , Patres Conscripti . Omnia , quæ crudelissimi , atque importunissimi Tyranni scelera in oppressos Cives edunt , Pleminius in Nos , Liberosque nostros , & Conjuges edidit . Unum est , de quo nominatim , & nos queri Religio infixæ animis cogat , & vos audire , & exsolvere Rempublicanæ vestram Religione , si ita vobis videbitur , velimus , Patres Conscripti . Vidimus enim cum quanta caeremonia non vestros solum colatis Deos , sed etiam externos excipiat . Fanum est apud nos

Pro-

Proserpinæ, de cujus sanctitate Templi credo aliquam famam ad Vos pervenisse Pyrrhi bello: qui cum ex Sicilia rediens Locros classe pratervehere-
tur, inter alia fœda; quæ propter fidem nostram erga Vos in Civitatem nostram facinora edidit, thesauros quoque Proserpinæ intactos ad eam diem spoliavit: atque ita pecunia in naves imposita, ipse terra est profectus. Quid ergo evenit, Patres Conscripti? Classis postero die fœdissima tempestate lacerata, omnesque naves, quæ sacram pecuniam habebant, in littora nostra ejectæ sunt. Qua tanta clade edoctus tandem Deos esse superbissimus Rex, pecuniam omnem inquisitam in thesauro Proserpinæ referri jussit. Nec tamen illi umquam prospere quicquam evenit: pulsusque Italia, ignobili, atque inhonesta morte, temere nocte ingressus Argos, occubuit. Hæc cum audisset Legatus vester, Tribunique militum, & mille alia, quæ non augendæ Religionis causa, sed præsentis Dææ numine sæpe comperta nobis, Majoribusque nostris, referebantur, ausi sunt nihilominus sacrilegas admove-
re manus intactis illis thesauris: & nefandæ præda seipso, ac domos contaminare suas, & milites vestros: quibus per vos, fidemque vestram, Patres Conscripti, priusquam eorum scelus expietis, neque in Italia, neque in Africa quicquam rei gesseritis: ne quod piaculi commiserunt, non suo solum sanguine, sed etiam publica clade luant. Quamquam ne nunc quidem, Patres Conscripti, aut in Ducibus, aut in Militibus vestris cessat ira Dææ. Aliquoties jam inter se signis collatis con-
curre-

currerunt.... Hæc Dea pœnas a Templi sui spoliatoribus habet: nec ante desinet omnibus eos agitare furiis, quam reposita sacra pecunia in thesauris fuerit. Prolixo hocce testimonio tædium adferre coactus equidem fui, ne re in historica conjectationibus modo viderer indulgisse nimis. Non igitur ob antiquatum tunc temporis; aut fortasse numquam obtinentem Evocationis Tutelarium Numinum, in hostilium Expugnationibus Urbium, apud Quirites morem sacra Locrensi pecunia Præsidii Deæ reddita ab Senatu est; verum potius ex specialissima loci Religione, neve aliquo premeretur gregarius miles, qui cum Pleminio non fuerat, pavore, ob sæve adeo sua solitam vindicare Deam; ex miseratione quoque dure nimium, ac immaniter habitæ Urbis, Romani Populi sociæ; ex militaris disciplinæ legibus, quæ raptam ex Evocatorum Templis Numinum pecuniam, aurumque ex Signis Deum conlectum haud Militibus statim distribuendum, sed Quæstoribus dandum, pro moribus Romanorum, publicumque ad Ærarium decreverant deferendum. Hujus e contemtu legis actus olim in exilium fuerat Coriolanus; (1) eamque prudentioribus Imperatoribus violare nefas; diruta siquidem Carthagine aliquot per dies concessa ab Scipione militi præda est, exceptis auro, argentoque, Signis Deum Sacris, Templorum ornamentis, ac dona-

(1) Livius Lib. II. Decad. I.

nariis; (1) ex arcano demum dominationis ita erga Locrenses prudenter a Patribus actum; quod videlicet adhuc agente tanto in Italia hoste, summo uti jure e Republica non esse ducerent Victores, temporis, ac utilitatis magis quam majestatis, & consuetudinum habita ratione.

Postremum esto Objectum ex Verrinis Tullii petitum, in quibus totus est Orator, ut C. Verris invidiam, odium, irasque conflare valeat Patrum, quod Asiae, Pamphiliae, & Siciliae fana depeculatus esset, aedesque sacras depopulatus, quod Deorum Simulacra religiosissimis e Delubris sustulisset, quod Religiones omnes, caeremoniasque Sacrorum illorum violasset; nullum Signum, ornamentum nullum nudatis, spoliatisque Templis reliquisset; quantumque invenerat pecuniarum, & auri detraxisset, abstulisset, rapuisset. Tantus autem horror, quem ex ejusmodi agendi ratione Verris concepisse se simulat, aut aliis fatagit ingerere Orator, hominis diceretur esse ea in Urbe instituti, cujus a Civibus universa, quae ex Evocationis legibus evocare solere scripsimus, aut raro, aut numquam fieri potuisse viderentur.

Verum e diverso maximum ad Evocationis caeremoniam, ejusque mores, ritus, & leges, ceteraque, quae ad ipsam consequebantur apertissime confirmanda ipsis ex Verrinis elicitur argumentum. Non enim belli jure, non peracta

Evo-

(1) Appian. *De Bell. Punic.*

Evocationis cæremonia , non ante extremam hostilium expugnationem Urbium , sed deliciarum caussa, adque exornandas suas, & amicorum Ædes fana spoliavit, Signa Deum, & ornamenta Sacra rapuit Verres. Auctis enim nimium Romanorum opibus Civium, corruptisque eorum extremo Reipublicæ tempore moribus, ita Græcarum rerum; præcipue vero Signorum, quæ paullo magis affabre, atque artificio facta aliquo viderentur, studio exardescabant Quirites, ut in Græciæ, atque Asiæ Provincias cum imperio profecti universa quæ possent quacumque de caussa, quocumque emerent sub obtentu, Romamque transferrent. Heinc Pompeii ut temperantiam extolleret Cicero, *Postremo*, inquit, (1) *Signa, & Tabulas, ceteraque ornamenta Græcorum Oppidorum, quæ ceteri tollenda esse arbitrantur, ea sibi ille ne visenda quidem existimavit.* Effrenem hanc Romanorum Græca erga Simulacra cupiditatem optime explicat Gulielmus Budæus. *Urbem*, inquit, (2) *Romam totius prope Orbis spoliis locupletem fuisse, historica fide planum fieri potest, iis quidem certe qui Latinos, Græcosque Scriptores rerum gestarum lætitarint: non modo enim Duces, Imperatoresque Romani vi aperta, & bellica in hostico, sed etiam Proconsules, Provinciarumque Præsides in pacato furtis, rapinisque, expilationibus grassabantur, qua sacrum,*

(1) Verrin. IV.

(2) Lib. II. *De Asse & Partib. ejus.*

crum, qua prophanum domum sua quisque aver-
tentes. Inde illud Satyrographi Poeta:

Inde Dolabella est, atque inde Antonius, inde
Sacrilegus Verres: referebant navibus altis

Occulta spolia, & plures de pace triumphos.
Equidem, quod ad me attinet, subdit, cum hec,
quæ in Opusculum congressi, animo reputarem, ea
mibi species Urbis Romæ animo obversabatur, quasi
arcem quandam Expilatorum Orbis terrarum vide-
rem, & veluti commune Gentium omnium Cime-
liarchium (ut verbo Justiniani Principis utar) idest
sanctius Conditorium rerum toto Orbe eximiarum.
Totus igitur erat in Verrinis Oratoris σκοπός,
falsam esse ut ostenderet Hortensii defensionem
dicentis, emptam a Verre, non ablata, aut per
vim rapta fuisse illa Signa: primum quod Ro-
mani populi Magistratibus sua nihil in Provin-
cia mercari liceret: dein quod Deorum illa Si-
mulacra eo per potestatem abstulisset Verres pre-
tio, ut nihilo turpius facturus fuisset, eadem si
palam, ac per vim rapuisset. Latissimam im-
mo mentionem facit Orator Deorum de Signis
a Victoriis captis, raptis, Romamque delatis;
maximumque ostendit esse discrimen ea inter,
quæ tot Imperatores jure fecerant belli, eaque,
quorum agendorum potestate carebat Verres.
Quas enim, inquiebat, (1) Sociorum, atque Ami-
corum Urbes adisti Legationis jure, si in eas vi-
cum Exercitu, imperioque invasisses, tamen opi-
nor,

(1) Action. II. in Verr.

nor, quæ Signa, & ornamenta ex Urbibus sustulisses, hæc non tam in tuam domum, neque in suburbana Amicorum, sed Romam in publicum deportares. Quid ego de M. Marcello loquar, qui Syracusas, Urbem ornatissimam cepit, Antiochumque Regem potentissimum vicit? Quid de Flaminio, qui Regem Philippum, ac Macedoniam subegit? Quid de Paulo, qui Regem Persen vi, ac virtute superavit? Quid de L. Mummio, qui Urbem pulcherrimam, atque ornatissimam Corinthum, plenissimam rerum omnium sustulit, Urbesque Achajæ, Bæotique multas sub imperium Populi Romani, ditionemque subjunxit? quarum domus cum honore, ac virtute florerent, Signis, & tabulis pictis erant vacuæ. At vero Urbem totam, Templæ deorum, omnesque Italiæ partes illorum donis, ac monumentis exornatas videmus: P. Servilius quæ Signa, atque ornamenta ex Urbe hostium vi, ac virtute capta, belli lege, atque imperatorio jure sustulit, ea Populo Romano apportavit, per triumphum vexit, in tabulas publicas ad ærarium perscribenda curavit. Non solum numerum Signorum, sed etiam uniuscujusque magnitudinem, figuram, statum litteris definiri vides. Hoc autem e testimonio Tutelarium Numinum in Oppugnationibus Urbium Evocationem non modo, verum cetera etiam, quæ apud Romanos Evocatione perfecta evenire consuevisse definivimus, vehementer a Tullio legimus confirmata.

Sacrilegii igitur in exspoliatione Templorum postulati illi modo erant, qui ex Religionum

con-

contemptu factum id abs se dictariis etiam ostendebant, uti Dionysius Siciliæ Tyrannus, victoria adversus Græcos relata; (1) aut qui jure ipso caruere belli, uti Dolabella, & Verres, (2) uti P. Clodius, qui vastavit Pessinuntem, (3) uti Pedius Blæsus Senatu sub Nerone motus, *accusantibus Cyrenensibus, violatum ab eo thesaurum Æsculapii, dilectumque militarem pretio, & ambitione corruptum.* (4) Immo extra bellum, neque Religionis obtentu, quæ sacra in Templis erant, locomovere permissum. Ædem Equestris Fortunæ, quam in Hispania bello Celtiberico voverat, faciebat enixo studio Q. Fulvius Flaccus Censor, ne ullum Romæ amplius, nullum magnificentius esset Templum. Magnum ornamentum se Templo ratus adjecturum, si tegulæ marmoreæ essent, profectus in Brutios Ædem Lacinia Junonis dimidiam ad partem detexit, satis id fore ratus ad tegendum quod ædificaretur. Tegulæ asportatæ sunt. Verum iisdem vix expolitis fremitus in Curia ortus, resque ab Coss. ad Senatum delata. *Ut vero,* inquit Historicus, (5) *accerfitus in Curiam Censor venit, multo infestius singuli, universique præsentem lacerare. Templum augustissimum regionis ejus, quod non Pyrrhus, non Annibal violassent,*
vio-

(1) Lactant. Lib. *Divin. Instit.* II.

(2) Cicer. in Verrin.

(3) Idem Orat. *De Harusp. Respons.*

(4) Tacit. Lib. *Annal.* XIV.

(5) Livius Lib. II. *Decad.* 5.

violare parum habuisse..... tanquam non iident
ubique Dii immortales sint, sed spoliis aliorum
alii colendi, exornandique.... Relatione facta, in
unam omnes sententiam ierunt: ut hæ regule re-
portande in Templum locarentur, piaculariaque Ju-
noni fferent. Adeo verum est tunc solum, pro
legibus Romanorum, cripi Sacra, & transferri
fas fuisse, quum, alio se receptis Evocationis
ope Diis, desacrata omnia jure credi potuif-
sent. Sed hac de cæremonia jam satis; operæ
enim pretium arbitror ad altiora, adque utilio-
ra mentem evocare, quod ut facere Lector
etiam possit,

*Diique, Deæque omnes, Tutelaresque Locorum
E calamo, ut quondam excantata e Sede, recedant.*

F I N I S.



H U

HUCUSQUE EDITA AUCTORIS OPERA.

Patriarchæ Josephi Ægypti olim Proregis Religio a criminationibus Basnagii vindicata. Neapoli excudebat Felix Carolus Mosca 1738. in 8. iterum, Tomo XXIII. Collectionis Calogerianæ pag. 135. Venetiis apud Simonem Occhi 1741. iterum Brixie apud Johannem Baptistam Boffinum 1747. in 8.

De Inopia veterum Monumentorum pro Copia Martyrum dignoscenda adversus Doduvellum Dissertatio. Mediolani apud Josephum Richinum Malatestam. 1740. in 8.

De Traditione Principiorum Legis Naturalis Libri III, Mediolani, apud Josephum Richinum Malatestam. 1742. in 4.

De Martyribus sine Sanguine altera adversus Doduvellum Dissertatio. Mediolani, apud Josephum Richinum Malatestam. 1744. in 8.

De Forensi Judæorum Buccina Commentarius. Brixie excudebat Johannes Maria Rizzardi. 1745. in 4.

Herodiani Infanticidii Vindiciæ. Accedit Dissertatio de Loco Johannis, aliter aque habet Vulgata, a nonnullis Patribus lecto. Brixie apud Johannem Mariam Rizzardum. 1746. in 4.

De Authenticis Sacrarum Scripturarum apud Sanctos Patres Lectionibus ad Benedictum XIV. P. M. Libri II, Verone per Augustinum Carattoni. 1747. in 4.

De futuro Seculo ab Hebræis ante Captivitatem cognito adversus Johannem Clericum Commentarius. Mediolani in Regia Curia, 1748. in 8.

De Diptycho Quiriniano Epistola ad Eminentissimum Cardinalem Quirinum Tomo XL. Collectionis Calogerianæ, pag. 187.

De Diptycho Quiriniano Epistola Secunda ad Eminentissimum Cardinalem Quirinum, Brixie apud Jacobum Tur-

Turlinum, 1749. in 4. iterum, Tomo XLII. *Colle-*
Bionis Culogeriense, pag. 237.

De Tarsensi Hercule in viridi Jaspide insculpto ad Cl. V.
Albertum Mazzolenum Abbatem Casinensem Epistola.
Brixie apud Jacobum Turlinum. 1749. in 4.

Oratio habita in Athenæo Ferrariensi, dum publici Sa-
crae Theologiae Professoris munus auspicaretur, anno
MDCCL. Ferrariæ apud Josephum Barberium, 1750.
in 4.

Oratio habita in Athenæo Ferrariensi anno MDCCLI.
Ferrariæ apud Josephum Barberium. 1751. in 8.

De Baptismate in Spiritu Sancto & Igni Commenta-
rius Sacro-Philologico-Criticus, cui accedunt Orationes
duæ in Athenæo Ferrariensi habitæ. Mediolani in
Regia Curia 1752. in 4.

Oratio in Athenæo Ferrariensi habitæ, anno MDCCLII.
Venetis apud Simonem Occhi. 1752. in 4.

De Romana Tutelarium Deorum in Oppugnationibus
Urbium Evocatione Liber Singularis. Brixie ex Ty-
pographia Johannis Mariae Rizzardi, 1743. in 8.
iterum, Venetiis apud Petrum Valvasenssem 1753.

SUB PRÆLO.

De Profectione Alexandri Magni Hierosolyma adversus
Vandalum Dissertatio.

183

NOI RIFORMATORI

Dello Studio di Padova.

A Vendo veduto per la Fede di Revisione, ed Approbazione del *P. F. Paolo Tomaso Manuelli* Inquisitor Generale del Santo Ufficio di *Venezia* nel Libro intitolato *De Diis multarum Gentium Romam evocatis, sive de obtinente olim apud Romanos Deorum Pressidium in oppugnationibus Urbium Evocatione Liber Singularis*, non v'esser cos' alcuna contro la Santa Fede Cattolica, e parimente per attestato del Segretario Nostro; niente contro Principi, e buoni costumi, concedemo licenza a *Pietro Valvasense* Stampator di *Venezia*, che possi esser stampato, osservando gli ordini in materia di Stampe, e presentando le solite Copie alle Pubbliche Librerie di *Venezia*, e di *Padova*.

Data li 11. Dicembre 1752.

- [*Giovanni Emo* Proc. Riff.
- [*Barbon Morosini* Kav. Proc. Riff.
- [*Alvise Mocenigo* 4. Kav. Proc. Riff.

Registrato in Libro a Carte 45. al Num. 393.

Gio: Girolamo Zuccato Seg.

Adi 22. Dicembre 1752.

Reg. nel Magist. Eccell. degli Esec. contro la Bestemmia.

Alvise Legrenzi Seg.

MAG 2021605



